



6c
III
A


12

12

7

1/3







ADENOGRAPHIA:
SIVE
GLANDVLARVM
TOTIUS CORPORIS
DESCRIPTIO.

AUTHORE

Thomâ Whartono M. D. &

Coll: Lond: Socio.

Senec. Nat. quæst. l. 7. c. 25.

*Veniet tempus, quo ista quæ nunc latent, in lucem dies
extrahat, & longioris ævi diligentia.*

*Dr. Thome
leoni
piar*



*Dr. Thome
Scholar*



AMSTELÆDAMI,

Sumptibus JOANNIS RAVESTEINII,

cl. l. c. lxx.

ex lib. Jo. Alphonsi Borellij



Celeberrimo

MEDICORUM LONDINENSIIUM

C O L L E G I O:

Et singulatim


Viris Clariss: Doctissimisq; ac mihi
æternùm colendis,

BALDUINO HAMÆO,
FRANCISCO GLISSONO,
JOHANNI BATHURSTIO, &
GEORGIO ENTIO.

Exercitationem hanc Anatomicam

ex animo dicat dedicatque

Thomas Whartonus.



Lectori benevolo.



Non est mihi animus, Anatomiae encomio immorari. Verum hoc solum dicam, eam Medicinae fundamentum esse; nec posse quendam corporis affectus p. n. rite dignoscere, qui partium singularum situm formamque penitus ignoraverit. Valeant itaque illi, qui corporum dissectionem, ceu Medicis supervacaneam, atque inutilem, flocci aestimant. Rectius profecto celeberrimum Medicorum Londinensium Collegium rebus suis consuluit; dum solennes Praelectiones Anatomicas in theatro suo celebrari voluit, idque negotii Collegis omnibus ordine peragendum dedit. Unde factum est, ut mihi quoque Anno 1652. Praeside tunc temporis clariss: viro D. *Prujeano* (cujus singulari humanitati plurimum me debere lubens fateor) praelegendi munus incubuerit: eratque propositum pensum, glandularum totius corporis examina-

Lectori.

tio. Quod opus aggressuro mihi, plurimæ statim difficultates occurrebant. Nempe authores omnes tum veteres, tum recentiores, de hac re parcè admodum & perfunctoriè egerant, glandulisque usus planè ignobiles, ne dicam erroneos adscripserant: nimirum, exstructas eas esse fulciendis vasorum divisionibus, superfluisque nescio quibus corporis humiditatibus, spongiæ instar, imbibendis, atque in suâ nutritionem transferendis, ut medito dicendum sit, eos potius errantem ansum, quàm veritatem indagandi semitam aliquam exhibuisse, eoque certam aliquam partium harum notitiam ex librorum eorum solâ lectione assequendi, spem omnem irritam fuisse. Porro, quòd corpora humana privatim disseccanda haud crebrò occurrerent, necesse habui, animalia alia in earundem locum substituere. Id tamen ita à me factum est, ut quicquid in hisce noviter reperissem, datâ quam primùm occasione, cum humanis cadaveribus conferrem. Augebat hæc incommoda, partium ipsarum exilitas atque obscu-

obscuritas. Quippe aliarum partium plurimarum structura adeò conspicua est, ut figuræ earum ductusque in propatulo sint, actionesque & usus inde faciliè dignoscantur: glandulæ verò sæpè ita exiles sunt, ususque earum tenebris adeò involuti, ut non modò oculorum intuitum, sed & mentis quoque aciem faciliè eludant. Si quando igitur, uti homo sum, in hâc rerum obscuritate cespitaverim; id mihi spero, benignum lectorem condonaturum. Certè quâ potui cautelâ, fidèque optima, rem totam aggressus sum, locaque avia peragrans, ubi crepera duntaxat lux affulsit, fidelissimum amicum D. *Glissonium* auxiliarem mihi adhibui; & cum eo unâ plurimas administrationes Anatomicas in hunc ipsum finem, exercui; simulque Doctissimi viri D. *Ent* consilio & opera in multis usus sum, eoque nomine me plurimùm illi debere fateor. Quod verò, ut dixi, corpora privatim disseccanda paratu haud facilia essent, frequenter Medicos Nosocomiis præfectos exoratos habui, ut quâ datâ occa-

Lectori.

fione mihi copiam eorum in hunc
usum facerent, eoque nomine D.
Emilie Collegæ nostro dignissimo,
D. *French* amico plurimum colen-
do, & M. *Trappam* chirurgo ex-
pertissimo gratias habeo, agoque
plurimas. Denique verbo dicam,
benigne Lector, qualiscunque hæc
nostra opella Tibi videatur; scias
me in illâ edendâ, amicorum po-
tiùs horatui, quàm genio meo ob-
secundasse.

Elen-

Elenchus Capitum.

CAPUT I.

R Eductio glandularum ad suas classes. Pag. 1.

Divisio partium in spermaticas & sanguineas, ibid. glandulas ad spermaticas spectare. 2. divisio partium alia in tenaces & friabiles. ibid. friabiles parenchymata dicuntur. ibid. divisio parenchymatum in sanguinea & spermatica ibid. sanguinearum subdivisio in illa viscerum & musculorum. ibid. Item subdivisio spermaticorum. 3. cui horum classi glandulae referantur. ibid. collatio glandularum & viscerum. ibid. ventriculum non esse viscus. ibid.

II. An lingua sit viscus, glandula vel musculus. p. 4.

Linguam non esse viscus. An sit glandula. ibid. Arantii opinio, Linguae tres partes. Arantii argumenta. ibid. & p. 5. Contra quem probatur linguam esse musculum. ibid. & p. 6. Ejus objectionibus satisfi. 7.

III. Num cerebrum ad glandularum numerum vel viscerum accedat. an potius sit membrum ab utroque distinctum? p. 8.

Elenchus Caputum.

*An sit glandula ? Hippocratis sententia de hac re. ibid. cerebri & glandularum collatio 9 sententia Hippoc. explicatur. ibid. An sit viscus. p. 10. An cerebrum sit medulla ? ibid. Medulla os-
sum qualis. ibid. substantia cerebri nobilissima. ibid. quo sensu cerebrum sit medulla. p. 11. & quo dicatur viscus. ibid.*

IV. *An lien sit glandula. p. 12.*

Lienis & glandularum convenientia, lienem vase excretorio carere. 13. Lienem non esse glandulam. p. 14. id probatur à diversitate parenchymatis ibid. ab organizationis ejusdem varietate p. 15. à diversa vasorum distributione. ibid. variâque nervorum terminatione. p. 16.

V. *Viscerum & glandularum inter se communitates ac differentiae, harumque definitio. p. 16.*

Comparatio glandularum & viscerum. Eorum communitates quatuor. p. 17. 18. viscera à glandulis differre sive latiore sive strictiore sensu sumantur. p. 18. in latiore quatuor modis. p. 19. in strictiore, duobus insuper aliis. p. 20. glandularum definitio. p. 21.

VI. *Glandularum divisiones in genera & species. p. 23.*

VII. *De mesenterii glandulis, quibus nonnulla de mesenterio in genere prae-
mittuntur. p. 23.*

CIII

Elenchus Capitum.

Cur à mesenterii glandulis ardiendum. p.
 23. *de mesenterio in genere.* p. 24. *ejus-*
dem exortus duplex. ibid. *Mesenterium*
parenchymate destitui. ibid. *ejus pingue-*
do. p. 25. *transparentia in embryonibus.*
 ibid. *Membrana ejus propria.* ibid. *quæ*
observatione anatomicâ confirmatur.
 p. 26. *mesenterii situs.* ibid. *figura.*
 ibid. *Proportio circumferentiæ ejus ad*
intestinorum longitudinem. p. 27. *Me-*
senterii partes. ibid. *Propriæ.* p. 28.
 & *primo de ejus glandulis.* ibid. *Ea-*
rum substantia. ibid. *Magnitudo.* ibid.
Glandulæ lumbares. p. 29. *earum descri-*
ptio. ibid. *eas differre à communi rece-*
ptaculo. 31. *numerus glandularum me-*
senterii. 32. *Earum figura.* ibid.
 VIII. *Descriptio & distributio lactea-*
rum duûmque generum earundem. p.

33

Lactearum exortus. p. 33. *Earum distri-*
butio. ibid. *In glandulas insertio.* ibid.
Eruptio denuò. ibid. & *exoneratio.* p.
 34. *Ad quas partes non pertingunt.*
 ibid. *Occasio erroris Asellii in hæc re.*
 ibid. *Fallopium explicatur.* p. 35.

IX. *Anatomicorum sententiæ de actio-*
ne & usu glandularum mesenterii exa-
minantur. p. 36.

An humiditates intestinorum absorbeant.
 p. 36. *Galenus defenditur.* ibid. *An*
fulciant vasorum divisiones. p. 37.

X. *Ufus lactearum.* p. 38.

Elenchus Capitum.

Lacteas chylum deferre & quo pag. 39.

Glandularum Mesenterii usus *ibid.*

XI. *Affectus glandularum mesenterii. 41.*

Morbi glandularum ejusdem. ibid. An

mesenterium sit sentina corporis. ibid.

id ab internis & externis causis affici.

p. 42. Ejus morbi. Primò . intemperies.

ibid. Unde proveniat. ibid. Secundò ,

obstructio, ejusque quinque species. 43.

Quibus sexta & septima licet minus

proprie adduntur. p. 45. Tertiò , Mesen-

terii tumores, earumque genera. 46. Tu-

morum horum causa. ibid. Prima, afflu-

xus. ibid. Sanguineus lacteo & aquoso

periculosior. ibid. Tumores sanguinei vul-

gares. ibid. Subdiviso tumorum sangui-

neorum. p. 48. In illos cum & sine inflam-

matione. ibid. Horum genera. ibid. Tu-

morum historiae variae. ibid. Observatio

Authoris. 50. Quæstio circa casum pro-

positum. 52. I. Fundamentum condu-

cens ad ejusdem solutionem. ibid. II.

Fundamentum. p. 53. III. Fundamen-

tum. ibid. Solutio quæstionis. pag. 54.

Quartò , Mesenterii ulcera, eorum-

que historiae. p. 55. Quintò Mesenterii

tonus vitiat, ejusque species. ibid. I.

Cohærentia vitiat. ibid. & p. 56. II.

Mollities & laxities. III. Asperitas &

levitas. ibid. Earumque signa ex as-

sumptis & excretis. ibid.

XII. *De glandulis omenti. p. 58.*

Glandulae omenti quales, ibid. Earum Li-

teræ

Elenchus Capitum.

Et a ab Authore primò observata. ibid.
Riolani & Bartholini *sententiæ ut &*
Hippoc. p. 59. *Observatio Hildani p.*
60. *Affectus omenti ejusque glandula-*
rum. I. Excrescentia. ibid. De eadem Ob-
servatio Vesalii, Bartholini, Authoris,
ejusque judicium de eadem post sectio-
nem. 64. II. Extenuatio. III. Friabili-
tas. IV. Delapsus. 63

XIII. *Pancreatis descriptio, usus &*
morbi. 64

Ejus substantia & conformatio: ibid. Situs.
ibid. Figura, quæ tabulâ ære incisâ ad-
umbratur. 65. Magnitudo. Vasa. ibid.
Ductus proprius. 66. Variæ opiniones de
eadem. ibid. Prima rejicitur, item se-
cunda. p. 67. Similiter tertia quarta-
que. ibid. Usus verus excretorius asseri-
tur. 68. Quem humorem excernit. p. 69.
Humor iëtericus qualis. ibid. Causæ fla-
vedinis ejusdem. ibid. Tres casus circa
descensum bilis & humoris pancreatici.
70. *Pancreas humorem suum à liene, la-*
cteis, lymphæductibus, venisve non ha-
bet. 71. Sed è nervis. 73. Objectioni
respondetur. p. 73. Morbi pancreatis e-
numerantur. 74. Obstructio, quæ du-
plex. Morbi pancreatis enumerantur. 74.
Obstructio, quæ duplex. 75. Tumores scir-
rhusi & abscessus inde orti. 75. 76. de qui-
bus historia. 76. Obstructio ductûs pan-
creatici. 77

XIV. *Glandulæ renales vel ad ner-*
vcum 7

Elenchus Caputum.

veum Abdominis plexum sitæ earum-
rumque usus. p. 77.

Prima earum inventio. ibid. *Nominis ratio.* ibid. *Situs.* ibid. *Magnitudo ejusque varietas.* 79. *Varietatis causæ.* p. 80. *Observatio huc spectans.* ibid. *Figura ejusque varietas.* p. 81. *Descriptio earundem in bove cum affixa tabula* p. 82. *Defenditur glandulæ cavitas* p. 83. *Circa usum hujus glandulæ duæ difficultates.* p. 84. *Prior, quam materiam separet.* ibid. *Altera, per quæ vasa materiam illam excipiat.* p. 86. *Harum glandularum morbi.* p. 87.

X V. De glandulis Abdominis vagis. p. 87.

Situs earum. ibid. *Lactæas ad eas nonnunquam deduci.* p. 88. *Vel saltem lymphaductus.* p. 89. *Lactæum succum ad nullas partes deferri antequam ad cor perveniat.* p. 90. *Nec ad renes aut vesicam urinariam.* 100. *Neque ad uterum vel ad mammas.* p. 91.

X V I. De glandulis thoracis & primò de thymo. p. 93.

Ejus substantia. ibid. *Situs.* ibid. *thymi vitulini descriptio quæ tabulâ ære incisâ exsculpitur.* p. 93. 94. 95. *Magnitudo.* p. 95. *Ejus varietas.* p. 97. *Observatio Authoris,* p. 96. *Vasa.* ibid. *usus tres ab Anatomicis enumerantur.* p. 97. 98. *Quorum primus & secundus ignobiles.* ibid. *Tertius rejicitur.* p. 98.

Alius

Elenchus Capitulum.

- Alius usus exquirendus est.* *ibid.* *Autho-*
ris sententia de eodem. p. 99. *Thymum*
inservire succi nutritii depurationi at-
que ejusdem præparationi. p. 100.
XVII. De glandulis œsophago anne-
xis. p. 102.
Earum ex Vesalio descriptio. *ibid.* *substan-*
tia, situs, magnitudo, figura, vasa.
p. 103. *Vsus duo à Veteribus recensiti,*
104. *Prioris rejectio ut & posterioris.*
ibid. *Vsus verus asseritur.* p. 105. *Du-*
ctus thoracici chyli ferri descriptio ex D.
Bartholomæo Eustachio, 106. 107.
XVIII. De glandulis thyriodæis. p.
107.
Earum situs. p. 108. *Figura, substantia.*
ibid. *Magnitudo ejusque varietas.* p.
109. *Soliditas.* p. 110. *Vsus quatuor.*
ibid.
XIX. De glandulis Jugularibus. p. 111.
Earum magnitudo. p. 112. *Numerus.* *ibid.*
Color, substantia & figura. Vasa & u-
sus. p. 113. *Observatio de earum situ.*
p. 113.
XX. De parotidibus. *ibid.*
Earum situs. *ibid.* *substantia, usus, quo-*
rum tres iis ab Anatomicis adscripti exa-
minantur. p. 114. *Primus parvi mo-*
menti est. *ibid.* *secundus improbabilis.*
ibid. *Tertius limitatur* p. 115. *Quartus*
ab authore proponitur & rejicitur. *ibid.*
Veri usus tres demum asseruntur. p. 116.
XXI. De glandulis maxillaribus. p. 116.
Ea-

Elenchus Caputum.

Barum divisio. *ibid.* *externarum situs.* *ibid.*
usus. p. 117. *Internarum situs.* *ibid.* *vasa* *ibid.* *vas proprium.* 118. *substantia.*
ibid. *vasis proprii descriptio in capite bo-*
vino & alterius glandulae eidem appen-
se, hæc omnia tabulâ depinguntur. 118.
120. *Vsus glandulae maxillaris excreto-*
rius. 121. *Humor, quem excernit, saliva.*
122. *è nervoso genere profusa.* 123. *istius*
humoris usus quatuor. 124. 125.

XXII. *De tonsillis.* p. 125.

Earum varia nomina. *ibid.* *situs & nume-*
rus. *ibid.* *Amygdalæ cur dictæ.* p. 126.
substantia earum. *ibid.* *vasa, ductus*
proprius. p. 127. *ejusque exitus.* *ibid.*
usus ab authoribus recensiti. *ibid.* *usus*
primus probabilis. 128. *secundus rejici-*
tur duobus argumentis. p. 129. *primum,*
hanc glandulam salivam non excernere.
ibid. *quatuor sputi significationes.* *ibid.*
salivæ & mucosæ tonsillarum differre.
ibid. *secundum eandem glandulam sali-*
vam non generare. p. 131. *tertius usus*
ex parte admittitur. p. 132. *quartus u-*
sus limitatur. p. 133. *madorem tonsilla-*
rum, parum ad gustum contribuere. *ibid.*
salivam plurimum. *ibid.* *usus veri qua-*
tuor. p. 134. *primus, ut sit gustus orga-*
num. *ibid.* *secundus, ut excernat ex-*
crementum peculiare. *ibid.* *tertius, ut*
lubricet fauces. *ibid.* *quartus ut fer-*
mentationem in ventriculo promoveat.

p. 135.

XXIII. *De*

Elenchus Caputum.

XXIII. De glandulis capitis & primò de pineali. p. 135.

Glandule capitis enumerantur. ibid. glandula pinealis situs & figura. p. 136. substantia. ibid. vasa, usus. 137. non præesse distributioni vasorum. ibid. nec valvulæ munere fungi. ibid. nec situm esse inter 3. & 4. ventriculum. p. 137. 138. nec præcavere suffocationem spirituum animalium. ibid. nec generare spiritus animales in cerebri ventriculis. ibid. sed excrementa tantum. ibid. circa quorum expurgationem satisfat objectioni p. 139. nec esse sedem intellectus. p. 140. Bartholini argumenta contra Cartesium. ibid. usus verus. ibid. cur extenuatur post mortem. p. 142.

XXIV. De glandulis plexûs choroidis. 142.

Plexûs nomina. ibid. situs & exortus. ibid. vasa. p. 144. habere tum arterias, tum venas. ibid. arteriarum triplex origo. ibid. plexûs venæ. 145. an nervis careat. pag. 146. Glandula ejus exiles innumera. ibid. earum plexûsque totius usus. ibid. variæ opinionis. ibid. non inservire cerebri nutritioni. pag. 147. nec ejusdem humiditates imbibere. ibidem neque spiritus animales generare pag. 148. usus veri hujus plexûs quatuor. ibidem. 1. coalescentiam ventriculorum præcavere ibidem 2. cerebrum calefacere

Elenchus Caputum.

- calefacere.* p. 149. *Quæstionis solutio.* p. 150. III. *Cerebrum movere.* p. 151. I V. *Transpirationem facilitare.* p. 152. XXV. *De glandula pituitaria.* p. 154. *Ejus situs.* ibid. *Figura & substantia.* ibid. *Vasa.* ibid. *Nervi.* ibid. *Infundibulum.* p. 155. *Vsus secundum Bauhinum.* 156. *Alius usus secundum Bartholinum.* p. 156. *Qui rejicitur.* p. 157. *Verus usus exponitur.* p. 158. 159. XXVI. *De glandulis oculorum.* p. 160. *Earum nomina.* ibid. *Prioris situs.* ibid. *Qualis in brutis.* ibid. *Vasa ejus.* p. 161. *Puncta lachrymalia.* ibid. *usus huius glandula quatuor.* *Primus, complanare foramen in nares.* p. 161. 162. *Secundus, humectare oculos.* p. 162. *Eam non solam esse causam lachrymarum.* ibid. *Tertius rejicitur.* p. 163. *Quartus explicatur.* ibid. *Placentini sententia corrigitur.* ibid. *Origo lachrymarum.* 164. *Modus quo exprimantur.* p. 165. *Proprius usus glandulae lachrymalis.* p. 166. *Exterior oculi glandula describitur.* ibid. *Ejusdem vasa.* ibid. *Vsus.* p. 167. *Qualis cognatio lachrymarum cum sudoribus, & urina & in quibus conveniunt & differunt.* 167. 168. 169. XXVII. *De glandulis artuum.* p. 170. *Species harum glandularum enumerantur.* ibid. *Quo sensu glandulae concatenatae huc referantur.* ibid. *Illarum inter se convenientia.* p. 171. *Differentia, nomen,*

Elenchus Caputum.

minum, magnitudinis & figuræ ibid. Cur in locis dictis glandulæ semper reperiuntur. ibid. An pili è glandulis alimentum petunt. p. 172. Verus harum glandularum usus. p. 173. Cur plures in inguine. p. 174. Morbi harum glandularum. p. 175. Bubones simplices & maligni. ibid. Eorum causæ communes duæ. ibid. Prior. ibid. Posterior. 176.

XXVIII. De glandulis speciei conservationi dicatis in maribus, & primò de testiculis. p. 176.

Methodi generalis ratio. ibid. Testium numerus & situs. 177. Ejus tunica quinque. ibid. Substantia & figura. ibid. Vasa. 178. I. Arteriæ, II. Venæ, ibid. III. Nervi, 179. IV. Lymphæ ductus. ibid. V. ductus nervæus proprius. 180.

XXIX. De epididymidibus & vasis deferentibus. 180

Epididymidis descriptio. ibid. Cur nonnihil liveat. 181. Eorum actiones & usus. 182. Arteriæ & venæ quid huc contribuunt. ibid. An semen ex illo sanguine conficiatur. 183. Cur tristentur animalia post coitum. 184. Objectione ex frigidityte castratorum, & ejus solutio. p. 186. Semen gradatim elaborari. ibid. Actio & usus testiculorum &c. p. 187. Objectioni alteri de organorum horum defectu respondetur. ibid. Usus medullæ in deferentibus. 188. ejus situs & figura. 189.

XXX. De

Elenchus Capitulum.

- XXX. De vesiculis seminalibus. 289.
Earum situs & descriptio. ibid. Quales in
apris. ibid. & in porcello Indico. 190. u-
sus. ibid. non excipere semen à testiculis,
sed peculiare genus conficere. ibid. vesti-
culæ seminales in equo duplices, membra-
nea & glandulosa. 191.
- XXX. De Prostatis. p. 193.
Eorum situs, magnitudo, figura, substantia,
color. ibid. Prostatæ aprorum. ibid. Usus.
194. De eodem varia sententiæ. ibid.
Prima rejicitur, eos non excipere semen
ab aliis partibus genitum. ibid. Secunda,
sibi metipsi repugnat. 195. Tertia, argu-
mentis confirmatur, quæ refutantur. ib.
Tria esse seminis genera probatur. 196.
Prostatas non esse sedes gonorrhææ. p.
197. Verus usus prostatarum. p. 199.
Observatio. 200.
- XXXII. De glandulosâ substantiâ cor-
porum nervosorum deque glande pe-
nis. 200.
Hujus carnis glandulosæ descriptio præ-
sertim in equo, ibid. Item glandis penis.
201.
- XXXIII. De glandulis prolis propa-
gationi in foeminis, & primo de testi-
bus. 202.
Harum glandularum divisio, ibid. testium
muliebrium ab illis virorum differentiæ
quinque. ibid. descriptio C. Hofman-
ni eventilatur. 203. 204. 205. testium
horum vasa præparantia, reducentia,
defe-

Elenchus Caputum.

deferentia, p. 206. *Non esse duo genera deferentium in fœminis*, *ibid.* *Deferentium insertio*, p. 207. *Vsus tubarum*, *Tubæ quales in equâ*, *ibid.* *Tubas esse uteri spiracula*, *ibid.* *Tubas attrahere semen virile*, p. 210. *Quomodo deducitur ad uterum*. 210. *Modus primæ formationis conceptûs*. 211.

XXXIV. *De alis, clitoride & carunculis myrtiformibus*. 212.

Nympharum numerus, *situs, substantia*. *ibid.* *Clitoridis substantia, situs*, *ibid.* *partes, vasa*, 213. *Caruncularum myrtiformium numerus, magnitudo, situs, hymen*. *ibid.* *Vsus*. *ibid.*

XXXV. *De glandulis prolem nutrientibus, & primò de Placenta uterina*. 213.

Ejus varia nomina. *ibid.* *cotyledones quid*, *ibid.* *eas non esse vasorum inosculationes*. *ibid.* *Placentæ situs*. p. 214. *Anguli uteri cum cornubus comparantur*. *Quid tubæ*, *ibid.* *Numerus partium*. p. 216. *Quo sensu in gemellis placenta dicatur una*. *ibid.* *Placentæ magnitudo, substantia*. p. 217. *Differt à musculo, viscere & glandulâ propriè dicta*, *ibid.* *Substantiam ejus esse duplicem*, p. 218. *In quibus animalibus deest placenta*. *ibid.* *Ejus varietas in diversis animalibus*. 219. *Cur aliquando divisa*. *ibid.* *vasa quatuor habet ab utero*. 220. *Tria à chorio*. *ibid.* *lymphæductus*
pla-

Elenchus Capituli.

- placentæ difficulter inveniuntur. ibid.*
Eos gelatinæ speciem referre. ibid. Et
exonerare in funiculi papillas. 222. va-
sorum horum exortus & quo decurrunt.
Gelatinam lymphæductuum minere fun-
gi. ibid. Probatur quinque argumentis.
223, 224. Usus placenta, 226. Variæ
Anatomicorum sententiæ de eodem ibid.
Aquipend: sententiæ examinatur, ibid.
Arantius quoque corrigitur, 227. ut
& Bartholinus, ibid. Harvæus verus,
ibid. Duo succorum genera fœtui de-
stinata, 230. Primum chylosum, ibid.
Alterum albugineum, 231. Eorum tran-
situm ab uteri in chorii placenta, 232.
Quibus vasis inde absportetur, ibid. 1.
Venis, ibid. Lymphæduductibus, 233.
XXXVI. De mammis. p. 233.
Earum nomina. ibid. Situs. p. 234. Nu-
merus partium. 235. Magnitudo, figu-
ra. 236. Vasa. 237. Arteriæ, venæ,
nervi, lymphæductus. ibid. Tubuli la-
ctiferi. 238. Usus mammarum. ibid.
Sanguinem non esse materiam lactis. p.
239. An chylus sit ibid. Materiam la-
ctis esse duplicem. 240. Chylosam. ibid.
Et spermaticam. ib. & p. 241. Mammas
esse organa secretoria. 242
XXXVII. De glandulis adventitiis, ea-
rumque primis rudimentis & produ-
ctionis modo. 243
Methodi ratio. ibid. Prima glandularum
novarum rudimenta, ibid. Quæ ad ea
spe-

Elenchus Caputum.

spectant. 244. Pars mittens, nec vena, nec lymphæductus neque arteria sola. ibid. Sed imprimis nervus, 245. Modus productionis harum glandularum. ibid. Materiam solos nervos suppeditare. 246. Probatur primò, à materiæ similitudine. 247. Secundò, à virtute ejus formativa. ibid. Tertiò, à nervorum distributione in novas glandulas, ibid. Modus quo perficiuntur glandulæ.

248

XXXVIII. *Divisio glandularum adventitiarum, & primò de sanis. 248 Dividuntur in sanas & morbosas. ibid.*

Quo sensu dicantur sanæ. ibid. Historiæ duæ glandularum sanarum. p. 249. &

250

XXXIX. *De glandulis morbofis earumque generibus & differentiis. p.*

251

Divisio glandularum morbosarum. ibid. Pensiles & earum genera. ibid. Concatenatæ. ibid. Latè connexæ. ibid. Scrophularum differentiæ. ibid. 1. A calore. ibid. 2. A consistentia. 3. A mobilitate. 4. A situ. 5. A numero. 6. Ab inflammatione, suppuratione, induratione, ulceratione.

252

XL. *De strumis & scrophulis in specie, earumque differentiis.*

253

Divisio glandularum latè connexarum in scrophulas, & strumas, ibid. Earum differentiæ. ibid. Scrophularum descriptio.

ptio.

Elenchus Capitulum.

ptio. 254. Cause augmentationis in tantam molem. ibid. Prima, secunda, ibid. Tertia, 255. Strumarum descriptio, ibid. Cur non perpetuò augeantur, ibid. Translationis earum cause. 256. Cause cur evanescant, ibid. Cur de novo succrescunt, 257. Tres cause eradicationis strumarum, 258. ad quas partes transferuntur, ibid. Strumæ externæ internarum signa, ibid. ubi frequentius reperiuntur, 249. An ranulæ ad strumas spectant, & an pedarthrocace. ib. Epilogus dictorum. 260. 261.



Partium Divisiones.

C A P. I,

Reductio glandularum ad suas classes.



Um de totius corporis humani glandulis tractare mihi scopus sit; ipso in limine *communitates* inter glandulas aliasque partes quibuscum maximè conveniunt, investigare; unàque *differentias*, quibus ab iisdem discriminantur, annotare visum est. Et quò feliciùs hæc disquisitio procedat, generaliores quasdam partium *distinctiones* prælibabimus.

Solent partes distingui, in *spermatikas* Divisio
 & *sanguineas*, quam distinctionem non- partium
 nulli explodunt; quòd omnes partes pri- in sper-
 mam suam originem *materiae seminali* ex- máticas
 æquo debeant, idque omninò conceden- & san-
 dum est. Videretur tamen hæc distinctio guineas.
 aliam ob causam admittenda; scilicet,
 quia partes illæ, quas specialiter *sperma-*
tikas dicimus, minore multò sanguinis
 copiâ proluuntur, quàm illæ, quas *sangu-*
ineas appellamus. Videntur enim illæ,
 cum tantillo sanguine perfundantur, ex
 principiis primogencis iisque *consimili suc-*
co auctis, plurimùm consistere; hæ verò
 plusculum de naturâ sanguinis participare,
 ob copiosum & continuum ejusdem ad
 A ipfas

2 Partium divisiones.

Glandulas ad spermaticas spectare.

Divisio partium alia.

Divisio parenchymatum, in sanguinea & spermatica.

Sanguineorum subdivisio.

ipsas affluxum. *Glandulae* ergò non partibus sanguineis, sed *spermaticis* potius sunt accensendæ.

Reservatâ itaque in posterum glandulis suâ inter partes spermaticas sede, impræsentiarum aliam partium divisionem instituemus. Dividamus igitur in *tenaces* & *friabiles*; *tenaces*, sunt ossa, partes fibrosæ, & membranosæ: *friabiles*, *parenchymata* vocantur, quæ subdividuntur in *parenchymata glandularum*, *viscerum*, *musculorum*, &c. Verùm si cui magis placeat ad dichotomiam hæc revocare, commodè poterit, recurrendo ad divisionem primò propositam. Nam *parenchymata* aptè dividuntur in *sanguinea* & *spermatica*. *Parenchymata sanguinea* subdividuntur in *musculorum carnes*, & *viscerum parenchymata*. Nam profectò carnes musculorum quodammodo ad parenchymata referri possunt; nimirum, quatenus sumuntur pro eâ carnis musculosæ parte, quæ tendinem infarcit: verùm quia caro musculosa ex communi usu loquendi, concretum quid denotat, scilicet carnem illam quæ ex tendine & sanguineo parenchymate conflatur, omninò à nudo parenchymate distinguitur: quanquam non nego, eam in suâ mixturâ nonnihil parenchymatis obtinere. Possunt ergò *parenchymata sanguinea* subdividui in *mera parenchymata*, nempe, *illa viscerum*; & in ea, quæ partibus fibrosis

com-

Partium divisiones.

3

commiscentur, nimirum illa *musculorum*.

Parenchymata etiam *spermatica* consi- Item
mitem divisionem admittunt. *Alia* quip- sperma-
pe eorum, fibras nonnullarum partium ticorum.
spermaticarum infarciunt; nempe, illas
ventriculi, *intestinorum*, *vesicae*, *uteri*,
cutis verae, &c. *Alia*, circa vasa conge- Classis
sta sunt, ut illa *glandularum*, & illud ce- glandu-
rebri. Adeoque demum glandulas ad pro- larum.
prias sedes inter corporis partes reduxi-
mus.

Restat instituiamus *comparationem* inter Collatio
easdem & partes, quibus eum iis maximè glandu-
convenit. Sunt autem *viscera* nonnulla, larum &
lingua & *cerebrum*, quamvis fortè hoc nu- viscerum.
mero viscerum accensendum sit. Aliqui
autem addunt *lienem*, de quo suo loco vi-
debimus. Enimverò Authores aliqui nu-
merant *septem viscera*; nimirum, *cor*, Ventricu-
pulmones, *hepar*, *lienem*, *utrumque renem*, lum non
& *ventriculum*; quanquam meo quidem esse vi-
arbitratu *ventriculus* in hunc numerum scus.
minimè recipiendus est (nisi eo nomine,
avium ventriculos intelligamus) quo-
niam ille in cæteris animalibus, carnosa
& sanguineâ substantiâ destituitur; & ni-
hil ferè cum cæteris visceribus commune
habet, nisi quod in ventre situs sit.

Quod ad *linguam* & *cerebrum* attinet;
quid de iis statuendum sit, capitibus se-
quentibus determinabimus, & proximo
quidem de linguâ.

C A P. II.

An Lingua sit viscus, glandula, vel musculus?

*Lingulam
non esse
viscum.*

A Liqui, ut numerum fortè septenarium retineant ventriculi loco *Lingulam* substituunt. Verùm iniquè Non enim est membrum internum, nec in ullo ventre conclusum, ut inter viscera numeretur, quin neque unius generis parenchymate donatur, queniadmodum cætera viscera. Superiùs enim glandulosum quid sub cute continet: interiùs & inferiùs tota musculosa est, musculique usum & actionem præbet, uti mox probabimus. Quapropter è viscerum censu omninò excludendum arbitror.

*An sit
glandu-
la?
Arantii
opinio.
Lingua
tres par-
tes.*

Arantius hanc partem glandulam esse contendit, & è numero musculorum explodit. Si sensuum testimonio credamus, linguam (præter membranam ejus & vasa) ex *tribus* diversis substantiis conflatur. Etenim immediatè subtus membrana ejus, pulpa quædam occurrît, præsertim versùs illius radicem, de qua suo loco. Reliqua linguæ substantia ex fibris subtilissimis variè implexis constat: inter quas pinguedo quædam peculiaris, lubricitatem iis, & ad quemlibet motum aptitudinem præstans, intertextitur. Quæ partium complexio fortè in causa fuit, cur *Aranti-*

tius

fit Glandula?

tius partem hanc glandulam esse voluerit. Lubenter quidem ei concessero, linguam è tribus illis substantiis componi: quin etiam dabo, nec ingratis; fibrosas linguæ partes, ab aliis omnibus musculis, discrepare. Verùm ubi planè linguam musculum esse negat, ei assentiri non possum. Partes suas tueri hisce argumentis conatur:

1 Substantiam linguæ omni genere fibrarum donatam esse, & adeò intertextam, ut à se invicem sejungi nequeant, ut in musculis. *Arantii argumenta.*

2 Nullas esse fibras ligamentales in lingua ad robur, quòd in musculis expectamus.

3 Nullos nervos à cerebro motum tribuentes per ejus substantiam decurrere.

4 Nullum musculum gustare. At pulpam linguæ, gustûs esse instrumentum, ut *Piccolom:* Ergo inferente *Arantio*, non est musculus, sed glandula.

At contrà. Caro linguæ potius est musculosa; cùm in omnes motûs animalis differentias, ad subtilissima vocabula, syllabas & literas proferendas velocissimè & expeditissimè moveatur, quòd celerissimos animi conceptus exprimat. Præterea movendo nunquam lassatur, contrahitur, dilatatur, duplicatur, ad latera movetur, cibos in masticatione revolvit, & ad mentum exeritur. Quas omnes actiones à mentis libero dictamine pen-

dentes, nisi musculus esset, vel ab aliis musculis extraneis moveretur, proculdubio exequi non posset: Cum verò planè desint muscoli extranei, qui tantæ motuum varietati sufficiant; sequitur, eam virtute suarum fibrarum moveri & verum musculum esse.

Ligamenta habet *duo*: *Vnum* latum & membraneum, quo basi hyoidis molliter adnectitur. *Alterum* ab eo prognatum sub lingua ad apicem ferè ejus prorepat, & frænulum appellatur; hoc, si in recens natis ad linguæ mucronem usque pertigerit, ungue vel forcipe incidendum est: aliter suctio impeditur: vel fortè potiùs id agunt, nè loquelæ olim sit impedimento. In quâ operatione, si substrati linguæ nervi inciduntur, repentina ejus convulsio supervenit, ut observavit *diligentiss. Hildanus de ancylloglossis*. Hoc frænulum in canibus degenerare in vermem, & causam rabiei esse, asserit *Riolanus*: quod fortè à venatoribus deceptus, qui ligamentum hoc canibus eo nomine evellunt, acceperat. Verùm vix decet Anatomici gravitatem, quicquam frustrà in naturâ conditum esse admittere.

Ejus ob-
jectioni-
bus satis-
fit.

Rationibus *Arantii* prædictis sic respondemus.

I. Fibras linguæ cuius rem diligenter intuenti, satis patere; eamque musculos sortitam esse, imò verò substantiam ejus maximam partem musculosam esse, ex variis

variis ejus motibus clarè constat. Musculorum autem illius fibræ perplexè adeò atque variè intertexuntur, ut tantæ motuum varietati sufficiant.

2. Non necesse esse, ut omnis musculus tendinem habeat; sed qui carneo principio gaudet, potest habere & consimilem finem.

3. Nervos per totam ejus substantiâ excurrere : idque videre est in hemiplegiâ, in quâ sæpè, parte alterâ sanâ, alteram paralyticam esse compertum est.

4. Partem linguæ musculosam non gustare, sed pulpam illam glandulosam, quam membrana ejus immediatè integit, præsertim juxta ejus radicem : Atque hujus membranæ interventu, saporum omnium discrimina internoscit. Quippe succi, qui degustantur, adeò citò in gulam transeunt, ut vix credibile sit, eos tantillâ contactûs morulâ, posse crassiusculam linguæ cutim penetrare, & ad carnem musculosam interiorem pertingere.

Quare *linguam*, quanquam nonnihil glandulosæ substantiæ, præsertim circa radices suas (ut postea uberius dicetur) includit; reipsâ tamen (multò saltem maximam ejus partem) *verum musculus* esse, planè concludendum censeo.

C A P. III.

Num cerebrum ad glandularum numerum vel viscerum accedat? an potius sit membrum ab utroque distinctum.

An sit glandula? Hippocratis sententia de hac re.

Qui glandularum familiæ annumerant, videntur se tueri autoritate Hippocratis, qui libello de gland. hæc habet, *ὅκτι πλεονεχέει καὶ ἀδένες*. Ubi uliginosæ partes, ibi etiam glandulæ. Et postea, *ὅκτι ἀδυνέει καὶ τεύχεσι*. ubi glandulæ, ibi etiam pili. Atque iterum apertius. *μεῖζων ὁ ἐκίφου καὶ τῷ ἀδυνέει ἀδένων* majus est cerebrum quàm reliquæ glandulæ, &c.

Cerebri & glandularum collatio.

Verùm absque limitatione sententia isthæc sustineri non potest. Quanquam enim glandulæ omnes nervis, hique ipsi cerebro, subserviunt: non tamen credibile est famulam ejusdem dignitatis esse & substantiæ cum Dominâ, cui à longinquo tantum ministrat. Porro, si substantiam cerebri consideremus, plurimum differt ab illâ glandularum. Est enim mollior, tenerior, purior, magisque friabilis, lubrica, & candida. Similiter si fabricam cerebri & glandularum conferamus, diversam planè structuram earum deprehendimus. Nulli enim nervi cerebri substantiam penetrant, omnes verò ab eâdem originem ducunt, glandulisque tantum, earum ministrationis gratiâ, dispensantur, eoque
fine

An cerebrum sit viscus? 9

sine earum substantiam subeunt. Insuper *parenchyma cerebri* duum generum est; aliud nimirum corticis, aliud medullæ: glandulæ verò ex uniformi parenchymate constant. Cerebrum demum nihil sanguinis in niveam suam substantiam admittit, Succum nutritium in totius corporis habitum ex æquo distribuit, sensum quoque omnibus partibus largitur, motumque animalem pro arbitrio imperat sedatque. Hinc ob eximiam illius dignitatem natura arcem hanc seu regiam animæ, ossibus validis undique circumsepsit; nulli verò glandularum consimile propugnaculum extruxit. Ratum ergo esto, cerebrum non esse glandulam.

At enim, *Hippocrates* cerebrum glandularum numero accensuit. Accensuit certè, noluit tamen ipsum simpliciter & exquisitè loquendo, pro glandula haberi; sed duntaxat ob similitudinem quandam, glandulis annumeravit. Idque planè ex iis verbis constat: ὅτι κεφάλῳ ἵκελ ἁδένι, *cerebrum glandulæ simile est.*

Qui autem cerebrum visceribus annumerant, *Galen*i auctoritate nituntur, ipse enim diserte hanc partem viscus nominat. Siquidem lib. 3. cap. 6. *de decretis Hippocratis & Platonis contra Chrysippum disputans*, Cerebrum passim visceris nomine appellat. Et lib. 6. cap. 3. *Substantia animæ*, ait, *quæ facultas dicitur, in singulis visceribus continetur; in cerebro,*

Sententia Hippocratis interpretatio.

An sit viscus?

10 *An cerebrum sit viscus?*

rationalis ; in corde , irascibilis ; in jecore , concupiscibilis aut naturalis. Atque etiam Aristoteles de partibus animalium , lib. 3. cap. 7. ubi de visceribus ex professo agit , cerebrum inter viscera recenset.

An cerebrum sit medulla?

Qui *cerebrum* ab utroque illo genere distinctum autumant , ad medullam referunt. Est enim substantia mollis ac friabilis & medullæ instar , in cavitate ossium includitur. Est quoque ejusdem planè substantiæ cum spinali medullâ , quæ non alio nomine quàm medullæ exprimitur. Quanquam autem concedimus , ob rationes jam dictas , medullæ nomine venire posse : si tamen naturam & substantiam medullæ , quæ in ossibus est , contemplemur ; vix communem aliquam rationem inter illius & cerebri substantiam reperiemus. Est enim *medulla ossium* ignobilis plane pars , & reverà eorum excrementum : porrò , est mera ferè pinguedo , & in igne liquefcit , flammâsque sevi instar concipit , totâque absimitur. *Cerebri autem substantia* nobilissima est , & aquea potius quàm pinguis ; nam coagulum lactis nondum pressi haud incongruè refert ; igne non liquefcit , sed potius exsiccat , nec flammâs facile concipit , neque ullâ denique in re cum oleagineis convenit. Si velimus igitur huic parti medullæ nomen adscribere , quoniam nulla ratio communis inter hujus partis medullæque substantiam intercedit , oportet ut medullæ nomen

Ossium medulla qualis?

Substantia cerebri nobilissima.

Quo sensu cerebrum sit medulla?

An cerebrum sit medulla? 17

nomen prius distinguamus. Statuamus ergo medullam, quæ in ossibus continetur, de sulphuris natura participare; eam verò quæ in cerebro est, Mercurialem magis dici oportere. Huic certè distinctioni congruit illud *Columbi. lib. 8. cap. 1. Sub tenui dicta menynge cerebri substantia latitat, alba mollisque & medullaris quoque nuncupata; licet à substantia medullæ, quæ in ossium cavitatibus reperitur, non parum discrepet.*

Ipse etiam *Galenus* reliquique Anatomici in eandem sententiam abeunt. Quoniam aliter spinalis medulla, commodò nomine destitueretur. Est enim ejusdem rationis cum cerebro. Ratum sit itaque, *cerebrum medullam esse*, verùm sui generis, ut jam diximus. Si verò quærat aliquis, an non viscus simul & medulla, vel medulla & glandula esse possit?

Respondeo, posse nos quidem ob tam *celebrium virorum* *Quo sensu cerebrum dicatur viscus.* authoritatem, cerebrum in viscerum numerum admittere; licet arduum planè sit, rationem aliquam communem inter ipsum reliquaque viscera constituere: Existimamus autem auctores illos, *Galenum* nempe & *Aristotelem*, cerebrum ob illius nobilitatem potius quàm naturæ communionem aliquam, viscus appellasse; idque in eum finem præcipuè, ne cæteroquin inter partes ignobiliores accenseretur. Si tamen usum vocis hujus primarium respiciamus, *viscera* olim

12 *An cerebrum sit medulla?*

Græcis *σπλάγχνα* dicebantur, nimirum, eas tantum partes inclusisse videntur, quæ in cæsis victimis *aruspices* inspiciebant, quæ exta vocari solebant. Sumptum est enim ab aruspicingis id vocabulum & inde ad nobiliores animalium partes interna translatum est.

Patet ergo, quoad originalem significationem vocis, *cerebrum* nomine visceris venire non posse; aruspices quippe ventrem inferiorem & medium, non cerebrum inspiciebant. Quanquam postea ob *eximiam partis dignitatem* in viscerum admittebatur census, quia digniorem non excogitabant.

Statuendum itaque est, *cerebrum* re ipsa diversi esse generis, tam à glandulis quam à visceribus, & esse substantiam *sui generis medullarem*, commodius verò, tum ob partis hujus, præ cæteris, *nobilitatem*, tum ob *Medicorum consensum*, ad viscerum, non autem glandularum familiam accensendum esse.

C. A. P. IV.

An Lien sit glandula?

Lienis & glandularum convenientia.

H Actenus explicuimus quo sensu cerebrum vel ad glandulas vel ad viscera referri possit: superest, de liene inquiramus, num is ad glandularum, an potius ad viscerum classem referendus sit? Similitudines quasdam inter glandulas

An Lien sit glandula? 13

dulas & lienem. admittimus, inter quas illa principatum tenet, quod nimirum uterque eorum officia nonnulla nervoso generi præstet. Glandulæ enim omnes aliquo modo nervis famulantur, partésque omnino secretoriæ sunt, quodque ab iis secernitur, vel è nervis excipiunt, vel iisdem suggerunt; nisi forte sit materia planè inutilis, cujus excretioni peculiares nonnullæ glandulæ dicantur, habéntque vasa isti muneri appropriata. Lien similiter nervis ministrat, éstque munus ejus secretorium: Videtur autem liquorem *aqueum* à sanguine mediantibus suo parenchymate & fibris nervosis, prolicere. Vix autem fingi potest in quem usum, liquorem hunc eliciat, nisi in nervorum. Desunt enim alia omnia vasa per quæ idem absportetur, præter nervos. Nam lymphæductus nulli adhuc per hanc partem distributi observantur, neque factò accurato examine potuimus vel minimum vasis excretorii vestigium in eodem deprehendere.

Probabile quoque est, lienem vase excretorio destitui, vel ex eo quod pars hæc ad vitam non admodum necessaria sit, ut patet, quia canes & feles (fortéque nonnulla alia animalia, si experimentum ad ea quoque extenderetur) *exfecto Liene* non admodum infelicitè vivunt. Nulla verò pars excretoria à corpore separari potest sine magno animalis detrimen-

Lienem vase excretorio care.

14 *An lien sit glandula?*

to ; nimirum , si pars excretoria ad vitam propriam , non ad speciei propagationem inserviat , ut testes vel mammæ. Lienis verò usus individuo , non autem proli addicitur ; & consequenter cum minimè sit necessarius ad vitam, necesse est careat publico munere excretorio. Glandulæ similiter plurimæ sine præsentis vitæ periculo excindi possunt , ut illæ in inguine , collo , sub axillis , &c.

*Lienem
non esse
glandu-
lam.*

Quamquam verò hucusque lieni & glandulis convenit ; iis tamen assentiri non possum , qui ad glandularum classem lienem transferunt. Neque enim respectu *similaris constitutionis parenchymatum* , nec respectu *organizationis eorundem* , neque respectu *distributionis vasorum* , inter se consentiunt.

Id probatur à diversitate parenchymatis.

Primò dico , non iis inter se convenire , ratione *similaris constitutionis parenchymatum*. Lienis enim parenchyma mollius est , multoque friabilius illo glandularum : imò lienis adeò molle est & friabile , ut ferè ad fluiditatem accedat : Nam minimo negotio copiosa aqua maceratum sæpiusque expressum in liquorem sanguineum dissolvitur : Verùm parenchyma glandularum multò firmitus ac solidius est , nec ablutioni cedit , imò nec fricatione , à vasis separari aut abstergi potest.

Plurimum ergò hæc parenchymata ab invicem differunt. Porro , eadem parenchymata ratione *temperamenti & coloris* non

An lien sit glandula: 15

non minus discrepant. Lienis enim parenchyma sanguineum planè est, & copioso atque quasi stagnante sanguine perfusum, colore item sanguineo saturo ad nigredinem usque vergente infectum: è contrà, glandularum pituitosum ac pallidum est, sanguinéque parcè alluitur.

Secundò dico, *organizationem parenchymatis* lienis plurimùm differre ab illà glandularum. Parenchyma enim lienis unum quasi continuum corpus est, vasorum tantum & nervosarum fibrarum distributione constans, quarum potissimùm ope, adminiculante unà investiente tunica firmitudinem obtinet & à fluore præservatur, foret enim alioquin quasi placenta sanguinis semiconcreti, vel stercoreis bubuli recentis instar: Glandularum verò parenchyma non continuum est, sed in frustula quasi divisum; quod vasis omnibus membranisque separatis continuitatem suam perderet, & vel diffunderet, vel granulatum comminutum ac divisum ceu frustulorum cumulus, cerneretur.

Tertiò dico, *distributionem vasorum* in liene multùm diversam esse ab illà in glandulis. Lienis enim vasa sanguinea, multò majora sunt illis glandularum, etiam habità justà ratione differentis magnitudinis utriusque partis; ut patet ex ipsà sanguinis copià quæ per hanc partem circulatur: Glandulæ verò adeò exiles habent arterias & venas in se distri-

A diversitate ejusdem organizationis?

A Diversitate vasorum distributione.

distributas, ut ubicunque corpus eorum bisectum fuerit, vix vestigium ullum sanguinis appareat. Porro corpori lienis datur quidam quasi plexus sive rete nervosarum fibrarum variè sese mutuò decussantium, & in quolibet occurso firmiter inter se connexarum, excurrentium etiam quoquoersum ad tunicam ipsius eidemque tenaciter affixarum, indeque reflexarum: Cujusmodi rete fibrosum in nullâ glandulâ totius corporis invenitur. Denique nervi lienis videntur terminari in dictas nervosas fibras; nec omnino parenchymati operam navant: verùm in glandulis, nervi in ipsum parenchyma sese insinuant, & cum eodem duntaxat negotiantur. Concludam itaque, lienem è numero glandularum eximendum esse.

*A diver-
sâ nervo-
rum ter-
minatione.*

C A P. V.

*Viscerum atque glandularum inter se
communitates ac differentie, ha-
rúmque definitio.*

*Compa-
ratio
gland:
& visce-
rum.*

EXclusis jam partibus, quæ præter æquum & justum in numerum glandularum sese intruserant; linguâ, nempe, cerebro & liene; restat ut hanc glandularum familiam sic repurgatam jam comparemus cum totâ viscerum familiâ; in quem finem communitates & differentias utriusque ipso in limine investigabimus. *Communitates* dico eas, quibus visceribus

Viscerum & glandularum. Sc. 17

sceribus & glandulis inter se convenit :
differentias autem illas , quibus utrius-
 que generis familiæ distinguuntur. Opor-
 tet autem differentiæ hæ , alteri familia-
 rum communes sint , alteri verò omninò
 denegentur.

Communitates viscerum & glandu- *Earum*
larum hæ sint ; *commu-*
nitates.

1. Quòd omnes hæ partes quodam-
 modo discretæ sint à reliquo corpore ,
 neque eidem immediatè continuentur: ha-
 bent ergò reliquæ corporis partes ratio-
 nem continentis seu *terra firmæ* , ut vul-
 gò dicitur , utpote sibi invicem conjun-
 ctæ. Glandulæ verò & viscera *insularum*
 instar à reliquis partibus propemodum
 liberæ & divisæ sunt. Nam quælibet ha-
 rum , propriâ membranâ includitur , cæ-
 terisque partibus ligamentorum dunta-
 xat , & vasorum ope connectitur. Dices ,
 musculos quoque membranâ propriâ in-
 vestiri. Fateor ; membrana tamen illa ,
 nec capitis nec caudæ musculi extremi-
 tatem involvit ; ideòque musculi prin-
 cipii saltem finisque sui respectu cum
 reliquis partibus immediatè conjungun-
 tur.

2. Glandulæ & viscera in eo conve-
 niunt , quod genus eorum quodlibet , pa-
 renchyma peculiare & ab omni alio totius
 corporis parenchymate distinctum ha-
 beat. Quodlibet genus dixi , quia ambo
 renes parenchyma habent sui ferè ge-
 neris ,

neris, quemadmodum & testiculi, glandulæ ad plexum, *succenturiatæ* dictæ, glandulæ mesenterii, pancreas, maxillares, &c.

3. Conveniunt plurimæ harum partium, quòd quina vel saltem quaterna vasorum genera ad minimum obtineant; arteriam nempe, quâ sanguinem excipiunt; venam, quâ remittunt; nervos, quibus sensationis, motûs & fortè nutritionis participes fiunt; canales aquosos, vel lymphæductus, quibus aqueam humiditatem vel lympham regerunt; vas quinti generis, quod excrementitium quid secernit & excernit.

4. Omnes hæ partes habent aliquid *muneris publici* & officialis. Nam cor distributioni sanguinis per totum corpus inservit: reliqua viscera & glandulæ partim *depurationi sanguinis* incumbunt; partim à *nervis* aliquid excipiunt, quod in venosum genus refundunt: partim iisdem nervis aliquid selecti alimenti communicant.

*Eorum
differentiæ
in latiore
sensu.*

Quod ad *differentias* viscerum à glandulis attinet, ex vel à latiore vel strictiore vocis acceptione desumi possunt. A latiore quidem, quatenus in eorum numerum, cerebrum recipitur: à strictiore verò quatenus secluso cerebro, viscera tantum propriè dicta, cor nempe, pulmones, hepar, lien & ambo renes viscerum nomine comprehenduntur.

In

In priore sensu, quatuor potissimum communitates, inter hæc omnia viscera reperias; nimirum, quibus ab omnibus glandulis discrepent; scilicet has sequentes.

1. Quod omnia hæc viscera sint partes quavis glandulâ majores.

2. Quod sint omnibus glandulis (excepto solum liene) nobiliora, & ad vitam maximè necessaria.

3. Quod habeant venas atque etiam arterias, solo hepate excepto, ampliores, ubi propterea vena portæ defectum arteriæ majoris supplet. Manifestum enim est, ad cor spectare venas & arterias amplissimas; nimirum maximum cavæ truncum, venam arteriosam, arteriâ venosam & aortam, præter venas atque arterias in ipsius substantiam distributas. Post cor, *pulmones* prægrandes venas & arterias in se ramificatas obtinent; scilicet ramos omnes venæ *arteriosæ* & arteriæ *venosæ*. Hepar etsi arteriâ exili solum donetur, trunco tamen Portæ amplissimo, ramisque cavæ insignibus, per ipsius substantiam diffusis, superbit. *Lien* quoque venæ & arteriæ splenicæ in ipsum distributione celebris est. Renes demum conspicuis valde amplisque (habita magnitudinis eorum ratione) venis & arteriis emulgentibus gaudent. E contrario autem omnes glandulæ exilibus solum venis atque arteriis irrigantur. Cerebrum denique quatuor per celebres & peram-

peramplas arterias obtinet; binas nempe soporales, binasque cervicales variis anastomosibus, inter se junctas, quarum ope partes ejus vitali calore spirituque quantum satis est perfunduntur, quanquam nimiam sanguinis copiam, ob arteriarum jam dictas frequentes anastomoses; parenchyma ejus non obruitur. Venas quoque quatuor habet proportionatas, duas scilicet jugulares internas, in quas exonerantur sinus quatuor; & externas duas, sanguinem ab anterioribus cerebri partibus reducentes.

4°. Distributio venarum & arteriarum in visceribus magis conspicua, subtiliorque & elegantior cernitur, quam in glandulis. Viscerum enim parenchymata (præterquam solius cordis) ita elui possunt, aut alio modo separari, ut vasa nuda unà cum suis ramificationibus jucundo spectaculo detegantur. Glandularum autem parenchymata vix ita separari queunt, quin exilia earum vasa unà lacerentur & pereant. Atque hæc quidem de differentiis inter glandulas & viscera in sensu latiore dicta sunt. Si autem hæc *strictius* sumantur, secluso nimirum cerebro, *duas alias differentias*, quibus à glandulis discriminentur, admittunt.

: Prima est, quod ea omnia, nempe *cor, pulmones, hepar, lien & renes* sunt partes magis sanguineæ: glandulæ verò spermaticæ potius ac pituitosæ. Viscera enim illa rubicundiora, calidiora & vitaliora sunt gland-

Viscerum & glandularum &c. 21

glandulis, & si vulnerentur copiosius sanguinem effundunt, eorumque vulnera periculi plus habent.

*Alter*a, quòd viscera hæc vitali sanguini quoquo modo ministrant: glandulæ verò non tam sanguini quam *nervis* famulantur. Nam cor sanguinis distributioni, pulmones eventilationi, hepar & ambo renes ejusdem depurationi lien secretioni alicujus succi à sanguine in nervorum usum, inserviunt: ita ut hæc omnia viscera rerum sanguinis potissimum satagunt; Glandulæ e contra, aliæ succum nutritium nervis ministrant; aliæ secrementa eorum excipiunt, & per lymphæductus in venas reducant; aliæ excrementa eorum foras exportant, adeoque omnes nervorum ministerio incumbunt.

Ex jam dictis haud difficulter colligi potest, aliqualis definitio, sive descriptio glandularum; nempe glandulas esse parenchymata spermatica unâ communi membranâ universim & frequenter pluribus privatis frustulatim inclusa: istiusmodi quippe parenchymata, quæ, cum illo viscerum collata, nervosa potius quàm sanguinea dicuntur, quæque cerebro magis quàm cordi ancillantur; quatuor vasorum generibus, arteriis nempe & venis, exilioribus; nervis, & vel lymphæ ductibus, vel ductu excretorio proprio, magis conspicuis, donata sunt.

Definitio glandularum.

C A P.



C A P. VI.

Glandularum divisiones in genera & species.

POsitis hisce glandularum inter se communitatibus, earundemque ab aliis partibus, differentiis; proximum est, ad earum *divisiones* accedamus.

Glandulæ totius corporis dividuntur in *perpetuas* & *adventitias*; & illæ iterum, tum in *eas* quæ ad *individuum* spectant, tum in *illas* quæ ad *speciem* attinent.

Quæ ad *individuum* spectant, ulteriùs, propter commodiorem administrationem, subdividuntur in *eas* quæ reperiuntur in

Abdomine; quales sunt glandulæ *Mesenterii*, *Omenti*, & *Lumbares*:

Glandulæ ad *plexum*, *succenturiatæ* dictæ; *Pancreas*, glandulæque *vagæ*:

Thorace; *Thymus* & illæ *Pharyngis*.

Circa collum & palatum, nempe paria *septem*; duæ *laryngis*, *thyroideæ* dictæ. *Iugulares* numerosæ, *Parotides*, series *concatenatarum*, *Maxillares externæ*, & *internæ*, *salivales* dictæ, *Amygdalæ* vel *tonsillæ*:

Capite; *Conarion* sive glandula *pinealis*, & *Plexus choroides* in cerebro: Glandula *pituitaria*, extra cerebrum: & *carunculæ lacrymales* in oculo.

Circa artus; *sub axillis*, *in inguine*, circa *flexuras cubiti* & *genû*.

Simi-

Glandularum divisiones. 23

Similiter quæ ad speciem pertinent, subdividuntur in eas quæ maribus, & illas quæ foeminis appropriantur.

1. Maribus peculiares sunt, *Testes*, *Epididymis*, *parastatæ*, *medullæ deferentium glandulosæ*, *vesiculæ seminales*, *caro glandosa corporum nervosorum*, & *glans penis*.

2. Foeminis propriæ sunt, *Testes sui generis*, *placenta uterina*, *alæ seu nymphæ*, *clitoris*, *carunculæ myrtiformes* & *mammæ*.

Denique *Adventitiæ* sive fortuito contingentes, sunt vel glandium rudimenta vel glandulæ formatae: hæ vel sanæ vel morbosæ sunt. Morbosæ; vel pensiles; ut *figus in ano*, *papillæ vetularum*, *Bronchocele*, *hernia carnosæ*; vel concatenatæ; vel latè connexæ; ut *strumæ* & *scrophulæ*.

C A P. VII.

De Mesenterii glandulis; quibus nonnulla de Mesenterio in genere præmittuntur.

Glandulis jam ad aliqualem methodum reductis, eandem quoque in dicendis servare animus est. Etenim ordo partium tractandarum propositus nos dirigat primò ad partes infimi ventris, quæ diu asservari citra foetorem vix possunt, quare à glandulis abdominis ordiendum duximus: quas suprà in sex species divisimus; quarum prima continet Mesenterii glandulas.

Cur à glandulis mesenterii ordiendum

glandulas. Priusquam verò descriptionem earum ulteriùs aggredimur, ipsius mesenterii generalis quædam consideratio præmittenda est.

*De mesenterio
in genere.
Mesenterii ex-
ortus du-
plex.*

Mesenterium est pars membranosa, cuius *exortus* dupliciter considerari potest, vel respectu loci, unde originem ducit, vel respectu partium, quibus primò continuatur, quarumquæ immobilitate firmatur in suâ sede. Quoad primam partis hujus originem, duplicem eam assignamus, superiorem nempe, & inferiorem. Superior originis locus est circa primam lumborum vertebra: inferior verò, circa eorundem tertiam. Origo continuationis hujus partis, videtur esse à duplici abdominis plexu nervoso, & à peritonæi ibidem duplicaturâ. Hunc duplicem plexum elaboratè descriplerunt doctiss. *Fallopins* in observat. anat: ubi de mesenterio agit: & clariss. Collega noster D. *Glissonus* in Anatomia hepatis nuper divulgatâ

*Mesenterium pa-
renchymate de-
stitui.*

Videntur Anatomici pro confesso habere, mesenterium ex solâ peritonæi duplicaturâ oriundum esse, nullamque sibi propriam substantiam habere. Ego quidem libenter agnosco, mesenterium parenchymate omni planè destitui. Etenim in canibus, felibus, aliisque similibus animalibus adeò tenuis hæc pars, ac transparens conspicitur, ut primo aspectu intelligas eandem nullo parenchymate infarctam esse,

esse, sed ex mera membranæ substantia constare. Imò in illis etiam animalibus, in quibus hæc membrana crassior ac opacior cernitur, in locis quoque, in quibus crassitiem quandam continere videtur, quæ soli membranæ duplicaturæ haud rectè tribuatur; vel in illis, inquam, animalibus, illisque mesenterii locis, illa crassities & opacitas non tam adscribendæ sunt appropriato mesenterii parenchymati, quàm pinguedini cœnosæ inter membranas ejus conclusæ. Hoc videtur confirmari, quòd, quanquam mesenterium in adultis, postquam partes pinguedine (quibus connaturalis est) infarciuntur, admodum crassum & opacum deprehenditur; in embryonibus tamen, in quibus illa pinguedo nondum congeritur, mesenterium translucidum & tenue appareat: manifesto indicio, istam subsequenter crassitiem & opacitatem inde provenisse. Si cui tamen placet hanc pinguedinem pro mesenterii parte reputare, quòd ei naturaliter accadat, illi neutiquam refragabor. Id enim tantum ago, ut monstrem mesenterium proprio parenchymate non suffarciri.

Ejus pinguedo.

Quod verò alii anatomici videntur supponere, hanc partem ex solâ peritonæi duplicaturâ constare, admitti non debet. Habet enim membranam propriam comuni illâ peritonæi utrinque munitam.

Membrana ejus propria.

*Quæ a-
natomicâ
observa-
tione con-
firmatur.*

Nuper enim (præsente clariss. Professo-
re nostro D. Glissono) in Virgine E. Wh.
14 annos natâ, emaciâtâ, & dextrâ pul-
monum parte infarctione, coalescentiâ,
variisque abscessibus affectâ, observavi
mesenterium propè transparens, nisi ubi
tantilla interjiciebatur pinguedo; verùm
utrinque detractâ communi ejusdem mem-
branâ à peritonæo ortâ, deprehendimus
manifestè in medio interstitio membra-
nam tertiam huic parti propriam, alteru-
trâ priorum crassiorē, ipsâque vasa in se-
ipsa & glandulas utrinque suffulcientem,
contineri. Sensuum ergo testimonio con-
stat, mesenterium, præter tunicas à peri-
tonæo utrinque mutatas, habere membra-
nam sibi propriam, nec esse nudam peri-
tonæi duplicaturam.

Situs.

Mesenterii situm & connexionem cum a-
liis partibus, aliquo modo suprâ descri-
psimus, ubi ejus originem monstravi-
mus, quæ pars ejusdem princeps est, &
immobilitatem quandam eidem tribuit:
Centrum ejus sive media pars, in qua e-
jus glandulæ resident, partim in regio-
ne umbilicali, partim in *hypogastrii* sive me-
dio *hypogastrii*, collocatur. *Ambi-
tus* illius, jejunio, ileo, colo, cæco,
atque recto connectitur. Habet etiam *con-
nexionem* quandam cum pancreate, ubi
ad insertionem vasis pancreatici & du-
ctûs communis pertingit, indèque ve-
nam portæ porûmque biliarium ferè usque
ad

ad hepar inferiore sui parte comitatur.

Figura ejus ferè circularis est, in exortu angustior, progressa verò ad circumferentiam, in plicas plurimas corrugatur, ut longitudinem intestinorum aliquo modo adæquet. Palmus unus mesenterii (secundum *Bartholinum*) plusquam 14. palmos intestinorum complectitur. *Riolanus* verò proportionem hanc multò auctiorem statuit; nimirum, palmum unum mesenterii 40. palmos intestinorum continere.

Utereorum veritati propiùs accesserit, *Proportio* haud difficile fuerit æstimare, modò am-
 bo de extima plicatâque mesenterii cir-
 cumferentia, intelligantur, non verò de
 ejusdem planitie, quæ ad intestina mini-
 mè pertingit. Nam decima quarta pro-
 portio major est verâ, multoque magis
 quadragesima. Etenim extima totius me-
 senterii circumferentia, ubi immediatè
 intestinis annectitur, est trium circiter ul-
 narum: intestinorum verò longitudo
 rarò 14. ulnas excedit; unde constat
 proportionem longitudinis harum par-
 tium, esse, ut tria ad 14. Verùm secun-
 dùm *Riolani* proportionem, deberent in-
 testina extendi ad longitudinem centum
 & viginti ulnarum.

Partes in mesenterio contentæ, vel
 communes sunt vel propriæ. Communes,
 arteriæ, venæ, nervi & carnales aquosi,
 vel lymphæductus. Propriæ, glandulæ

28 De Mesenterii glandulis.

*Propria
& primo
de glandu-
lis
mesente-
rii.*

& venæ lacteæ. Partes communes ad pro-
positum nostrum nihil attinent. *Proprie*
igitur considerandæ & fusius tractandæ
sunt. Neque tamen usus harum glandu-
larum absque lacteis neque lactearum abs-
que glandularum aliquali saltem descri-
ptione, commodè exprimas.

*Earum
substan-
tia.*

Substantia harum glandularum, mol-
lis, alba, friabilis est, & si eas bisectas
digitis fortius exprimas, succum quendam,
quasi lacteum cremorem emunges. In a-
nimalibus junioribus, albidiores; in se-
nioribus nonnihil fusci coloris admixtum
habent, potissimum verò à cæteris glandu-
lis discriminantur, quòd divaricationi-
bus venarum lactearum muniendis desti-
nentur.

*Magni-
tudo.*

Magnitudo harum glandularum, inæ-
qualis est, aliæ enim majores, aliæ sunt
minores. Et minores quidem in homine,
sparsim inter tunicas mesenterii, pingue-
dine quadam obsessæ, reconduntur: qua-
rum vix ulla phascoli minoris magnitudi-
nem superat. In brutis verò, minores,
vago modo variis mesenterii locis, inhæ-
rent. Sæpe equidem miratus sum, quid fie-
ret, ut in homine mesenterii glandulæ il-
læ, nimirum quæ intra tunicas ejusdem li-
berè propendentes, sitæ sunt, tam exiguæ
essent; cum in canibus, felibus, multis-
que aliis animalibus *majusculæ* occurrant,
præsertim circa centrum mesenterii: quan-
quam in ovibus majores, multoque lon-
giores

giore potius in ambitu ejusdem sese offerunt. Oportet igitur, in homine quoque majores glandulas lacteas alicubi exquiramus. Atque hic nobis in mentem veniunt glandulæ, quas doctiss. *Bartholinus* nuper *lumbares lacteas* vocavit. Etenim id muneris, quod majusculæ illæ glandulæ in propendente brutorum mesenterio sitæ; peragunt; hæ lacteæ lumbares in homine præstant. Quare haud mirum, si in hominis liberè propendente mesenterio, paucissimæ spectabilis magnitudinis glandulæ cernantur. Quoniam tres ejusdem generis eidem muneri destinatæ, circa centrum illius mesenterii reperiuntur. Verùm in eo videtur *Bartholinus* errasse, quod lacteas hæc glandulas communis *receptaculi* loco substituerit; quod si concedatur, desideramus in homine glandulas lacteas *majusculas*, quales in brutis passim occurrunt.

*De glandulis lumbari-
bus.*

Cùm verò in homine, glandulæ *lumbares*, glandularum majorum in brutorum mesenteriiis repertarum vicem gerant, earum descriptionem qualemcumque ex *Bartholino* proponemus.

Hæ glandulæ (inquit) sitæ sunt infrà *Earum* mesenterii centrum, sub cœliaca & *descriptio.* *mulgentibus* circa lumbares vertebrae, inter earundem musculos ψ oas, mediâ ferè regione, inter *renes* & capsulas atrabiliaras, quas uti & *renes* subinde tangunt, vel immediato *contactu*, vel missis ra-

mis (quæ tamen verba non satis intelligo, siquidem ramulos nullos ad glandulas illas derivatos reperire potui) non prorsus medium lumborum locum *servant*, sed subinde ad dextrum defleunt. Et paulò post. Superior glandula (inquit) in homine dextrum elegit statim sub appendicum diaphragmatis exortu, reliquæ inferiores cum receptaculo brutorum parem situm occupant.

Substantia earum glandulosa est, & solida, aliarum glandularum instar, venu-
lis lacteis irrigata, chylique adeò per minimos anfractus capax. Tres numero sunt, duæ majores & inferiores, una superior ad dextrum nonnihil vergens. Figura earum vel rotunda est, vel oblonga. Color candidus & lacti simillimus. Haftenus *D. Bartholinus*; Ego verò non dubito quin glandulæ istæ ab eo descriptæ, in homine (præsertim macilentiore) deprehendantur; imò verò, in omnibus quoque animalibus, in quibus *majuscula* mesenterii glandulæ desiderantur. Videntur enim necessario requiri glandulæ quædam, in quas venæ lacteæ primi generis sese protinus distribuunt, priusquam in commune receptaculum se exoneraverint. Quare credibile est, in iis omnibus animalibus, in quibus desunt glandulæ *majusculæ* in mesenterio, absentiam earum glandulis vicinis congeneribus compensari. Non autem autem surrogantur
hæ

hæ glandulæ in locum communis receptaculi, ut putat *D. Bartholinus*, sed in locum majuscularum glandularum mesenterii.

Quod verò *D. Bartholinus*, nullum commune receptaculum in homine, præter hæc glandulas agnoscit, admitti non debet. Nam proculdubio datur locus sive cavitas, in quam omnes ramuli, non tantum lactearum, sed & lymphæductuum sese exonerent. Quippe aliter, nec omnes lactææ, neque lymphæductus inferiores in rivulos thoracicos derivari possint; quod tamen fatetur *D. Bartholinus*, & oculorum testimonium confirmat. Concedimus tamen *D. Bartholino*, fieri posse, ut commune receptaculum in homine minùs conspicuum sit, & canalis potius quàm receptaculi nomen mereatur. Etenim commune receptaculum non tam requiritur, ut chyli asservaculum; quàm ut ductus quidam sive canalis; quanquam paulò amplior hîc constructus, ut vasorum confluentium insertioni accommodetur. Nimirum, ut ab omnibus partibus inferioribus, tum chylum; tum lympham commodè excipiat: quia verò in plurimis animalibus numerosos ramorum truncos admittit, ut iis omnibus sit satis, ejus magnitudo necessariò auctior formanda fuit, qualis in brutis cernitur. Ubi verò ad pauciores truncos (putà duos vel tres,

Eas differre à communi receptaculo.

32 *De Mesenterii glandulis.*

quemadmodum in homine fit) tota illa materia sive lactea sive aquosa prius revocatur, quàm in communem cisternam deponitur, haud tanta amplitudine opus est, verùm sufficit, si duntaxat capax sit truncorum omnium in eandem exonerandorum, & amborum liquorum per eosdem deferendorum.

Numerus glandularum mesenterii.

Numerus glandularum mesenterii non tantum in diversis animalium speciebus, sed in diversis quoque ejusdem speciei individuis frequenter variat; ita tamen, ut ubi pauciores sint numero, ibi magnitudo earum, numeri defectum compenset.

Eorum figura.

Figura quoque harum glandularum varia est, nonnullæ enim rotundæ sunt, alix ovales & oblongæ; omnes verò aliquantulum compressæ. Ex illis autem quæ in homine ad centrum mesenterii, aut paulò infrà, sitæ sunt; superior, rotundior deprehenditur; duæque inferiores, oblongiores sunt.

Usus hujus consideratio differtur.

Actiones & usus harum glandularum commodè explicari nequeunt, citra aliqualem venarum lactearum cognitionem. Ideoque actiones hæ atque usus tantisper differendi sunt, donec lactearum descriptionem absolverimus: quam proximo loco aggrediar.

C A P. VIII.

Descriptio & distributio lactearum, duorumque generum earundem.

Venæ lacteæ, videntur oriri ab omnibus intestinis (exceptis duodeno & cæco) & à ventriculo quoque nonnullæ; paucæ ab intestino recto & colo; plurimæ verò à jejuno & ileo.

Lactearum exortus.

Mox ab exortu, ad proximam eam mesenterii partem vergunt, cui intestinum, è quo exoriuntur, annectitur. Inde expeditissimâ viâ ad sibi proximas mesenterii glandulas feruntur: in transitu autem, pluribus subinde ramulis ejusdem generis occurrentibus, in majusculum truncum coeunt; scilicet, priusquam in glandulam, ad quam eas ferri diximus, sese insinuant.

Earum distributio.

In ipso introitu in glandulas, vel paulò antè, ramificantur denuò; id est, in plures minores venulas dividuntur, ac subdividuntur. Demùmque in ipsa glandulæ substantia obliterantur. Hæc iterata ramificatio, quanquam diligenter inspicienti valde est conspicua, *Asellius* tamen *Walleus*, *Conringius*, *Bartholinus* & *Pecquetus* ejusdem, quod sciam nuspiam meminere.

In glandulas insertio.

Venæ lacteæ capillares, postquam ita in glandularum meditullio evanuerunt, mox ex ipso earum parenchymate novæ

Eruptio denuò.

34 *Venæ lacteæ.*

Et exoneratio.

Ad quas partes non per-tingant.

Occasione erroris Asellii in hac re.

capillares prodeunt, quæ subinde coëuntes, truncum denuò, ut antea, constituunt: qui versus mesenterii principium delatus, in transitu suo, alias venas ejusdem generis ei obviam factas sibi associat, adeoque plurimum augetur. Omnes hi trunci è variis glandulis prodeuntes, tandem in commune chyli receptaculum exonerantur. Ulterior vasorum lacteorum prosecutio è *Pecqueto Bartholino & Van Horne* aliisque petenda est. Etenim mihi nunc solùm propositum est, eate- nus de iis loqui, quatenus ad glandulas mesenterii, quarum fines jam transilivimus, pertinent. Ex ista venarum harum distributione constat, nullas lacteas ad pancreata, ut, *Asellius* voluit; nec ad ramum mesentericum, venam portæ & hepar, ut *Wallæus*; neque ad cavæ truncum, ut *Riolanus*; neque per ipsius pancreatis medium secundum longitudinem ejus, ut *Baccius*; neque in venam portæ à pancreate cum mesaraicis confusas, ut *Kyperus*, censuerunt, proficisci. Patet quoque, chylum non deferri ab intestinis ad hepar per ductum communem, ut placuit *Gassendo*.

Quia autem *Asellius* sensuum testimonio confirmatum it, distributionem eo pacto, quo explicuit, ad pancreas fieri; hallucinationis ejus aliqua ratio reddenda est. Credibile profectò est, solertem virum vidisse (ut ipsemet in libello suo testatur)

statum) venas hæc in glandula maxima prædicta, sese mutuò cancellatim decussare, eamque glandulam ipsemet pro pancreate habuit. Quod etiam inde constat, quia addit, *Fallopium* quoque asserere, pancreas esse maximam mesenterii glandulam. Non videtur tamen eximius *Fallopius* per glandulam maximam mesenterii, intellexisse illam glandulam, in qua *Asellius* vasa illa sese mutuò decussantia conspiciatusest; sed reverà ipsum pancreas: sic enim verba ejus capite proprio Institutionum Anatomicarum sonant. *Fallopium* Glandularum illa maxima est, quæ juxta explicata vertebrarum lumborum principium sub tur. ventriculi fundo reperitur, quæ pancreas vel callicreas dicitur; cujus utilitas est portæ ramos suscipere, qui mox per totum mesenterium & alias partes diffunduntur, & intercedens ventriculolum & portam, vetat ne subdita corpora lædantur & ne ventriculus ciborum gravitate lumbis innixus ab eorum duritie lædatur; & ne arteria à ventriculo pleno comprimatur, &c.

Patet igitur, quod *Fallopium* dixerat de hac glandula sub ventriculi fundo posita, id *Asellium* perperam intellexisse de glandula maxima mesenterio propria, quæ ibi loci sita non est. Addit etiam *Fallopium*, glandulam hanc maximam venæ portæ ramos suscipere, qui mox per totum mesenterium aliasque partes diffunduntur.

36 *Uſus glandularum.*

Unde conſtat hanc ejus glandulam non eſſe in meſenterio. Verum ab eo forte appellari meſenterii glandulam, ob vicinitatem & connexionem ipſius cum meſenterio.

Quibus ſic definitis, revertimur è ſemita in viam. Quippe deſcriptâ jam lactearum diſtributione, earundem actiones & uſus atque etiam glandularum meſenterii faciliùs indagabimus.

C A P. IX.

*Anatomicorum ſententiæ de actione
& uſu Glandularum meſenterii
examinantur.*

A Natomici, venis lacteis nondum re-
repertiſ, ignobiles admodum uſus,
hiſce glandulis aſcripſerunt, præſertim ve-
rò duos; nempe ut *ſuperfluas inteſtinorum
humiditates abſorbeant, & vaſorum me-
ſenterii diſviſiones ſuffulciant.* Galenus
priorem videtur rejicere, tertiumque ei
ſubſtituere nimirum, *inteſtina humectare*,
quò melius cibum excoquant. Hic
uſus cum priore non conſiſtit. Etenim
ſi hæ glandulæ inteſtinorum humidita-
tes abſorbeant, quâ fieri poteſt, ut ex-
dem inteſtina humectent? Probabilior
quidem videtur *Galenii ſententia*, quo-
niam hæ glandulæ molles admodum at-
que humidæ ſunt, adeoque humectan-
dis partibus idoneæ. Quare non negamus,
quin

*An hu-
ditates
inteſtino-
rum ab-
ſorbeant?
Galenus
defendi-
tur.*

quin (ut *Galenus* voluit) ob loci viciniam blando suo fotu aliquid faciant ad ciborum elixationem. Quâ autem ratione superfluas humiditates absorbeant, equidem non intelligo. Postquam enim expletæ semel fuerint, novas superfluitates recipere nequeunt. Quod enim plenum est, ulterioris receptionis incapax redditur; nisi habeat, quò exoneret aliquo modo id quod priùs exceperat. Neque enim credendum est, materiam jam receptam in nihilum abjisse.

Negamus igitur his glandulis eum usum; nempe, ut sint absorbendis humiditatibus institutæ.

Quod ad alterum usum, à Veteribus, glandulis hisce adscriptum attinet, nimirum, fulcire vasorum divisiones, is quoque non tantum ignobilis, sed & planè improbabilis est. Primò enim hæ glandulæ omnibus vasorum diductionibus non adsunt; indeque saltem patet, ad cujuslibet divisionis vasorum tutelam non necessariò requiri; si enim necessariæ essent, omnibus divisionibus affigerentur. Natura quippe nunquam deficit in necessariis.

*An ful-
ciant va-
sorum di-
visiones.*

Insuper, si tutela divisionum vasorum esset summus glandularum harum usus, omnes ejusdem speciei forent. Verùm glandulæ diversarum specierum reperiuntur; nam illæ mesenterii, specie differunt à pancreate, & utraque à renibus suc-

centuriatis, ut etiam à thymo. Cum ergò glandulæ sint diversarum specierum, necesse est, ut usibus etiam diversis inserviant. Quorsum enim manente eodem usu, natura speciem variaffet.

Porro, si hæ glandulæ inserviant vasorum tutelæ, nè comprimantur, aut quoquo modo occludantur, videntur potius ad vasorum capillarium, aut aliarum minimarum propaginum munimentum requiri: minora enim vasa facilius comprimuntur, vel alio modo occluduntur. Majora enim vasa ob mentuum amplitudinem haud facilè hisce incommodis obnoxia sunt. Adhæc, vix explicari potest, quâ ratione hæ glandulæ, vasa quibus affixæ sunt, à compressione atque obstructione tueantur: non enim semper fossulâ aliquâ excavatæ sunt, ut vas in eam receptum, à compressione protegant: nequè ipsæ etiam rigidæ adeò sunt, ut corpus aliud in sinibus suis locatum, à compressionis injuriâ defendant.

Denique insufficientia hujus usus luculentius constabit, ex ipsâ veri usûs harum glandularum explicatione, quam proximo loco aggredieremur; nisi necesse videretur priùs venarum lactearum usum asserere.

C A P. X.

Uſus venarum lactearum.

HÆ venæ videntur manifeſtè inſervire *Lactea*
receptioni chyli ab inteſtinis. Enimverò *chylum*
non comparent, niſi animal opportuno *deferunt.*
tempore poſt paſtum aperiatur, quod ar-
gumento eſt, eas, in jejuno animali ideo
cerni non poſſe, quia tunc vacuæ ſunt.
Quippè haud ſuo colore, ſed alieno, nem-
pe, lactis, quod in ſe continent, conſpi-
cuæ ſunt.

Quærens autem, quò chylum hoc pacto *Quo eun-*
receptum deferant. Reſpondeo: non eſt *dem deſe-*
dubium, quin ab inteſtinis verſus glandu-
las meſenterii eundem deducant. Etenim
ſi digitorum compreſſu ſuccum hunc ver-
ſus meſenterium impellas, facilè & ſine re-
nixu ullo, leviffimo impulſui obſequitur.
Verùm ſi motum huic contrarium inſti-
tuas, pertinaciter renititur, conatùmque
omnem fruſtratur atque eludit.

Porro, paulò antequam in meſenterii
glandulas ſe exonerant, iterum divaricari
incipiunt, atque adeò chylum in omnes
glandularum partes diſtribuunt, eadem-
que diſtributio nos ad glandularum harum
verum uſum, quaſi manu deducit.

Exiſtimo itaque glandulas hæc non *Glandu-*
tam *alterationi* chyli inſervire, quam ſepa- *larum*
rationi purioris ac mitioris cujuſdam ſucci *meſente-*
ab eodem in partium nervoſarum alimen- *rii uſus,*
tum,

40 *Uſus venarum lactearum.*

tum, & *reſtitutioni* reliquiarum ejuſdem magis ſpirituofarum in commune receptaculum. Quarum actionum prior perficitur, partim percolatione quâdam per ſubſtantiam glandulæ factâ, partim attractione ſimilari extremitatum nervi glandulæ appropriati: poſterior ſimiliter fit, partim percolatione per glandulam, partim ſuctione electivâ extremitatum lactearum ſecundi generis, è glandulâ ortarum.

Si quis aſſerat, uſum earum præcipuum eſſe, ut alterationem aliquam chylo inducant; magnâ proſectò difficultate tenebitur. Quippe haud facile dictu eſt, quamnam mutationem in lacteum hunc humorem introducere queant, cùm ſubſtantiâ pariter ac temperamento lacti huic planè conſimiles appareant. Porro, ſuccus ab his glandulis tranſmiſſus in commune chyli receptaculum, nullo modo alteratus conſpicitur, ſive colorem ejus, ſive ſubſtantiam ſpectes.

Exiſtimo enim, ſententiam illam Cl. Viri D. Gliffoni Collegæ noſtri in *Anatomia hepatis eventilatam*, non planè improbabilem eſſe; nimirum, duo eſſe alimentorum genera, alterum ſanguinis ipſius, & ſanguineorum parenchymatum; alterum partium ſpermaticarum: atque iſthuc alimentum partibus fibroſis, nervorum miniſterio, diſpenſari; nervoſque è glandulis nutritiis idem primo imbibere. Eidem porro aſſentior, tres glandularum primarios uſus eſſe;

nempe

Usus venarum lactearum. 41

nempe nutritionem, excretionem, & reductionem: glandulasque has mesenterii, & illas lumborum esse præcipuè nutritias.

Usus ergò harum glandularum, earumque nervorum, & lactearum utriusque generis eisdem ministrantium ex dictis factis patet; nimirum *lactearum primigenis*, esse, advehere chylum integrum ad glandulas, & eundem in eas distribuere; ipsarum *glandularum*, secernere succum nutritium partium nervosarum à succo lacteo; *nervorum*, succum dictum nutritium assugere & absportare; *lactearum* denique *secundi generis* alteram partem, nempe lacteam, attrahere & in commune receptaculum deducere.

C A P. XI.

Affectus Glandularum mesenterii.

EXpeditis jam usibus harum glandularum, vasorumque iis famulantium; fortè non erit abs re affectus earundem frequentiores paucis expendere.

Sunt autem; *Intemperies*, *angustia* sive *Morbi obstructio*, *tumores* cujuscvis generis (utpotè *scirrhi*, *scrophulæ*, *strumæ*) *inflammationes*, *abscessus*, *ulcera*, & *tonus vitiatus*.

Aliqui censent partem hanc esse quasi corporis sentinam, ad quam, tota hujus colluvies confluat: unde *Fernelius*, se *cholerae*, *melancholiae*, *diarrhoeae*, *dysenteriae*, *cachexiae*, *atrophiae*, *languoris*, *lentarum errantiumque febrium*, *latentium morborum*, *melan-*

Glandularium mesenterii.

An mesenterium sit sentina corporis.

melancholiæ hypochondriacæ, vomitionum crebrarum, dolorum colicorum, tumorum, & abscessuum variorum causas, ut plurimum in hisce sedibus, invenisse scripsit.

Reverà partes hæ, erroribus maximè obnoxix sunt, & insalubris diætæ frequentisque intemperantiæ poenas luunt. Quin & à numerosis arteriis, venisque per tunicas earum distributis frequenter malè mulètantur. Præsertim cum hepar quoquo modo obstruètum, aut aliter malè se habens, non satis expeditè sanguinem per venam portæ affluentem, transmittit in cavam. Unde fit, ut in venas mesentericas regurgitet, easque faciliè reddat varicosas: aut etiam intra tunicas mesenterii sanguine effuso, abscessus occasionem ministret; aut (quod sæpiùs evenit) dysenteriam vel fluxum hepaticum inducat. Verùm hi morbi, ut plurimum, non principaliter mesenterio, sed erroribus externis, vel præcedenti aliarum partium vitio ascribendi sunt. Veteres enim medici partibus hisce, tam numerosam morborum seriem nunquam attribuèrunt. Recentiores verò practici videntur proptereà partibus hisce complures morbos tribuere, quod aliter eorum sufficientes causas assignare nequeant.

Nobis abundè satis erit, de propositis pauca advertere. Ac primò ad *intemperiem* quod attinet, ea rarissimè partibus hisce primariò accidit. In hypochondriacis ve-

Mesenterii in-
sempe-
rics,

rò,

rò, calida atque sicca intemperies, sive à ventriculo, sive ab intestinis, facile ad has partes derivatur; nimirum, quia in iis, ventriculus ac intestina phlogosi, ut plurimum, afficiuntur, unde fit, ut sanguis ab illis per veritas versus hepar recurrens, partim per mesenterium, partimque per vicinas sedes transiens, eidem mesenterio suam intemperiem communicet. Alioquin cum mesenterium solo lacteo humore, tanquam sibi proprio, alluatur, fieri vix potest, ut morbo sicco & calido primario corripitur. Siquidem lacteus hic succus contrarii planè temperamenti est, nimirum, humidi & frigidi, vel humidi & moderate saltem calidi.

Porro, in ascitide mesenterium colluvie aquosâ obrutum, humidam atque frigidam intemperiem ægrè evaserit. Imò fortè evenit, ut ex morbis ei propriis, etiam aliquando intemperies humida aut frigida oriatur. Sunt etiam hæ partes tumoribus nonnunquam frigidis obnoxie, ut mox dicetur.

Proximo loco, angustia & obstructio horum vasorum perpendenda est; quæ quinque modis contingere potest.

Primò in ipso aditu succi lactei in orificio venarum lactearum.

*Obstru-
tio, ejus-
que 5.
species.
10.*

Secundò in transitu ejusdem per mesenterii glandulas.

20.

Tertiò, in transitu sanguinis ex arteriis in venas, per earundem glandularum substantiam,

30.

Quartò,

44 *Affectus Glandularum*

40. *Quartò*, in canalibus aquosis vel lymphæductibus.

50. *Quintò*, in nervis.

Primò, si accidat obstructio, vel angustia in ipso ingressu lactei humoris, chylus ex intestinis non attrahitur: unde appetitus dejicitur & frequenter chylus ipse, ut in lienteria fit, per anum evacuatur; venæ lacteæ interim fotu atque humectatione chyli destitutæ, tractu temporis exarescunt, simulque totum corpus tabe conficitur.

Secundò, si contingat chyli obstructio, post ejus ingressum in has venas, nimirum in illius transitu per mesenterii glandulas, fit primùm nutritio diminuta, quam tandem atrophia consequitur.

Tertiò, si obstruatur sanguinis per has glandulas decursus, illæ protinùs intumescunt, sanguine suffunduntur, atque adeò impeditam chyli permeationem & diminutam nutritionem efficiunt.

Quartò, si contingat lymphæductus in mesenterio obstrui, quia valdè fragiles sunt, facillè rumpuntur, & aquas suas in abdominis cavitatem exspuunt; unde hydrops ascites certissimè consequitur. Sin verò, vasorum horum membranulæ, tenaciores fuerint, ita ut distensionem notabilem absque laceratione ferant, in vesiculas quasdam aquâ turgidas attolluntur, quas hydatides vocant, & peculiarem ascitidis speciem constituunt. Quælibet

libet autem vesicula inter binas dictorum vasorum valvulas quàm proximas efformari contingit: quia vero aqua nec prorsum propter obstructionem, nec retrorsum fluere potest, ob valvularum interceptionem, interstitia intumescunt in figuram orbicularem, utpote capacissimam, quæ figura in hydatidibus vulgò cernitur. Hydatides istæ haud longè diversæ videntur ab iis, quas per meatus urinarios & anum quoque excerni aliquando observavimus.

Quintò, si obstructio aliqua in nervis illis contingat, qui ad ipsa intestina deferuntur, sequitur intestinorum resolutio & stupor, quemadmodum in paralyfi graviore frequenter usu venit. Sin in iis tantum reperiat, qui ad glandulas mesenterii distribuuntur, causatur diminutam saltem nutritionem atque extenuationem, si non atrophiam omnium quoque partium spermaticarum; permanente interim constitutione vitali integrâ & satis validâ.

Obstructionum speciebus hisce sexta addi potest; quæ tamen propriè ad mesenterium non attinet: provenit enim ab impeditâ aliquo modo reductione sanguinis per hepatis substantiam in venam cavam; cujus jam supra meminimus.

Similiter, horum vasorum compressio quælibet aliqualem angustiam iis infert: quemadmodum evenit in ventriculi aut coli

46 *Affectus Glandularum*

coli inflationibus, in colicis doloribus; item in quibusvis mesenterii tumoribus, de quibus proximo loco agendum est.

Tumores eorumque genera.

3 Tumorum causa.

1 Affluxus.

Tumores sunt duum generum; flatuosi, & humorales. Mesenterium rarissime, quod cavitate careat, flatibus distenditur.

Tumores in quacunque parte, tres praesertim causas agnoscunt, nimirum, materiae affluxum ad locum tumentem: transitum ejusdem impeditum: & infarctionem. Ubi nullus est materiae affluxus, quascunque alias tumorum causas statueris, vix fieri potest, ut tumor inde excitetur: scilicet, corpus mortuum quantum libuerit fustibus verberato; pars tamen contusa, in tumorem non attolletur, quia omnis humorum affluxus in defunctis cessat. In vivis verò, quaelibet vel levissima contusio tumorem affert; arteriis, nempe, sanguinem ad partem contusam impellentibus, qui ob permeabilitatem partis ex contusione jam impeditam pertransire nequit: Adeoque partem necessario implet, infarcit & in tumorem attollit.

Affluxus tria genera.

Sanguineus lacteo & aquoso periculosior.

Cum verò *affluxus* ad mesenterium tribus modis contingat, nimirum vel per arterias, vel per venas lacteas, vel per canales aquosos; facile constat *tria tumorum genera*, huic parti accidere posse: tumorem nempe *sanguinem, lacteum & aquosum.*

Tumoris sanguinei quidem nomine, non hinc intelligo illum, specialiter sic dictum, nimi-

nimirum, phlegmonem; sed ex quocunque humore in malsâ sanguinis contento conflatum. Appello autem omnes hos tumores *sanguineos*, ut distinguantur ab iis, qui ex lacte sive chylo vel lymphâ oriuntur. Tumores qui fiunt ex sanguinis affluxu majores longè ac periculosiores sunt illis, qui ex lacteo succo prodecuntur. Etenim sanguinis affluxus per arterias valdè impetuosus est, ille autem qui per venas lacteas fit, imbecillis, parumque efficax. Porro, sanguis affluens multò fervidior ac ferocior est; lacteus succus temperatior atque mitior. Quare tumores lactei admodum exiles sunt, & fortè nondum ab ullis animadversî. In vivis autem dissectionibus, ligatis vcnis lacteis inter commune receptaculum & mesenterii glandulas, observavimus, chyli curriculo obstructo, glandulas illas ad quas venæ ligatæ spectant, nonnihil intumescere. Præter ea, quæ diximus de his lacteis tumoribus, nihil in præsentiarum observatu dignum occurrit.

Tumores canalium aquosorum modò explicuimus.

Tumores sanguinei vulgò dividuntur in sanguineos propriè sic dictos, in biliosos, *pituitosos, melaneolicos & serosos*. Verùm nobis non est animus divisionem hanc ulterius prosequi.

Aliter ergò dividimus in *tumores cum, & sine inflammatione*.

Tumo-

*Subdivi-
sio tumo-
rum san-
guineo-
rum.*

*In illos
cum in-
flamma-
tione, &*

Tumores cum inflammatione, putredinem quandam materiæ in parte tumidâ impactæ arguunt. Afferunt medici practici, inflammationes has esse causas diversarum febrium, præsertim semitertianæ; degenerant quoque inflammationes istæ aliquando in gangrænam, quemadmodum *Joubertus* observavit, in *Rondeletti* uxore demortuâ. Tales etiam inflammationes frequenter accidisse in malè curatis dysenteriiis, iidem testantur.

*Sine in-
flamma-
tione.*

Tumores sine inflammatione & putredine febrili, admodum varii sunt; omnes verò tardius augentur, morbosque planè chronicos constituunt. Aliqui eorum plures annos durant, priusquam sese evidenter suis indiciis prodant. Neque tamen vehementer interea ægrotos excruciant. In multis verò non dignoscuntur ante obitum, abdominisque apertionem.

*Horum
genera.*

Genera horum tumorum præcipua hæc sunt, *Abscessus, steatomata, atheromata, melicerides, strumæ, scirrhi*. Quæ omnia sigillatim persequi, esset limites constitutos transilire. Quare observationes solùm nonnullas selectiores ab authoribus memoratas, afferam.

*Tumo-
rum hi-
storia
varia.*

Paræus libri vicesimi tertii capite trigesimo sexto, observavit in foeminâ quâdam, mensenterium tumore miro & propè incredibili turgens, adeò ut libras decem cum dimidiâ penderet, scirrhosum omninò extrinsecùs, solisque posticâ parte lumbo-

lumborum vertebriis adhærescens, anticâ autem peritonæo scirrroso pariter ac penitûs cartilaginoso. Suberant infiniti in eodem mesenterio abscessus, suâ quique cysti inclusi, alii quidem oleoso, alii melleo, alii sebaceo, alii albugineo, aquoso alii humore & liquore differti, &c. Denique quot fermè abscessus erant, totidem erant materierum contentarum species & ideæ. Per octo annos sensim & sine sensu doloris augebatur ad tantam molem, ut præ tumoris pondere velut radicibus divulsus fluitaret mesenterium, non sine molesto oneris & doloris sensu, & continuâ febriculâ.

Fabritius Hildanus, Centuriæ primæ observatione septimâ, historiam attexit puellæ Coloniensis, cujus mesenterium tumoribus duris, scirrhosis & steatomatibus refertum fuit, præcipuè circa vasa aut venas, quæ ad portam tendunt: atque circumcirca portam tumores scirrhosos inventos fuisse multos, quorum nonnulli ovi gallinacei, alii nucis castaneæ magnitudinem excedebant, atque hic continua quoque febricula aderat.

Volcherus Coiter in observationibus Anatomicis, in hypochondriaco tumorem in sinistro genu & parte abdominis habente, aperto cadavere, magnam colluviem materiæ purulentæ ac fœtidæ inter duas mesenterii tunicas, quæ hepar suâ putredine infecerat, repertam fuisse, nar-

50 *Affectus Glandularum*

rat. Et *alibi* totum mesenterium multis magnisque scirrhis repletum, se vidisse, ait.

Schenkius etiam totum mesenterium pure repletum ac turgidum, memorat.

Alii tumorem instar ossis aut calculi; *alii* callum: *alii* lapides: denique *nonnulli* vermes inter mesenterii tunicas reperiêrunt. Possentque infinita hujus generis exempla in medium afferri.

Verùm unicam tumoris à me (præsentibus ingenuis viris, magistris *Roswell, Wright, Loveday, Grismond*) non ita pridem aperti historiam adjiciam.

Observatio
An-
thoris.

Benj: Wallenger generosus, annum a-
gens 32. ex lapsu ab equo circa regionem
lumborum contusionem passus est. Post
biennium per vices circa locum contusum
multum doluit, variaque secuta sunt sym-
ptomata, nempe dolor colicus sæpe re-
currents, urina pauca, & ejusdem non-
nunquam suppressio, (verùm absque are-
nulis & calculis) frequens vomitus, do-
lor ischiadicus: quibus accesserunt, tractu
temporis, difficultas spirandi, tussis conti-
nua & violenta, totiusque corporis macies;
demùm corpore tabè extremâ confecto,
suppressaque per tres dies expectoratione,
obiit.

Aperto abdomine, hepar floridum ap-
paruit, at *vesicula biliaria* ferè vacua: ven-
triculus & intestina satis sana, nisi quòd
hæc flatibus distenta, & in latus dextrum
propul-

propulsa: lien aliquantulum iusto turgidior, ut & pancreas; renes flacciduli, aliquin satis quoque sani; ureteres & vesica tum à calculis, tum à grumis, aliisque materiis obstructivis liberi; *Mesenterium*, (absumptâ à tabe illius pinguedine) *transparens*; cujus propterea *glandulae* admodum conspicuae erant, sed iusto flaccidiores. Partes huc usque à naturali statu parum recedebant. Verum circa mesenterii exitum *ingens* apparuit *tumor*, qui intestina in latus dextrum, ut dixi, detruserat. *Tumor hic* ab appendicibus diaphragmatis supernè, ad os coccygis infernè, ad renem utrumque lateraliter, ad umbilicum usque anteriùs, protendebatur, & vertebri lumborum fibrosâ connexionem firmiter adhærebat. Involvebat autem in suâ mole arteriam magnam, venam cavam, vasa emulgentia, plexus nerveos, renes succenturiatos & glandulas lumbares. Longus erat pedem unum, latus sex pollices, crassus quinque: pendebat circiter septem libras. In frustra dissectus, glandulosus apparuit, & carneus magis quam humoralis.

Aperto thorace, *pulmones* utrinque numerosis *tuberculis*, variae magnitudinis, instar cotyledonum vaccarum, albi coloris, substantiae glandulosae, ejusdem generis cum *tumore* abdominis priùs descripto, scatebant Quorum unum majusculum exactum uncias duas pendebat.

Adco tubercula hæc pulmones undique obsidebant (nam centum ad minimum numero erant) ut primo obtutu ex illis solis eos constare putares. *Lobi* insuper pulmonum plurimis in locis pleuræ adnascabantur, à quâ difficulter separabantur. Anterior pars cordis unico consimili tuberculo infestabatur. Dexter verò ejus ventriculus grumoso sanguine instar gelatinæ refertus inveniebatur.

Quæstio
circa ca-
sum pro-
positum.

Circa casum propositum, *dubitari* merito possit: num contusio ex lapsu fuerit origo symptomatum post biennium supervenientium? Ratio dubitandi est, quod æger ipse occasione huic malorum originem adscripserit, neque aliam potuerit ejus causam comminisci: At contrà urgeri queat temporis intervallum inter primam contusionem & symptomatum eruptionem. Nam quâ fieret, ut hujus mali seminium tam diu delitesceret nulloque symptomatum satellitio se proderet?

1. Fun-
damen-
tum con-
ducens ad
eiusdem
solutionem.

Ad hujus difficultatis decisionem, *primò* sciendum est, *scrophulas* facilè oriri posse à nimia fibrositate, crassitie ac visciditate succi nutritii: quoniam ob hanc ipsam causam, is succus difficulter omnibus corporis partibus ex æquo dispensatur, & consequenter alicubi redundat, facileque primâ tumoris stamina jacet. Hoc ipsum confirmatur ex historiâ datâ. Sanguis enim in dextro cordis ventriculo contentus, ut suprà notavimus, gelatinæ instar erat.

Nec

Nec dubium est, quin *succus nutritivus* consimili vitio laboraverit. Quanquam enim hi succi planè diversi sunt; magna tamen inter illos conformitas, ut plurimum intercedit; quod nimirum rejectanea pars alimenti partium spermaticarum, è nervis per glandulas in venas transfunditur, adeoque *sanguinem* qualitatibus suis non nihil inficit. Quin & idem testatur viri cœlibatus (cœlebs enim erat) & vita à vino & venere abstemia, quæ ut sanguinis ita & alimenti spermatici robur ac fibrositatem augment.

Secundò advertendum est, *scrophulas* 2. *Fund.* frequenter tardi incrementi esse; verùm in magnam molem demùm excrecere: tardè, inquam, & pedetentim augeri. Hinc evenire potuisse, ut scrophulæ istæ per biennium ferè ad eam magnitudinem non accesserint quàm cæteris partibus magnopere incommodarent. Hoc ex eo confirmatur, quia humorales non erant (quæ cito augentur, & frequenter rumpuntur) sed *carnosæ*, quæ more aliarum carniū paulatim incrementum sumunt.

Tertiò asserendum videtur, in aliis fe- 3. *Fund.* re omnibus corporis partibus *contusiones* scrophulis facilem succrescendi ansam ministrare. Nam *contusio* quoquo modo sanguinis quandam incrassationem, indeque ebullitionem ob difficilem ejusdem transitum per partium habitum pro-
C 3 movere

movere apta nata est. Hinc jubent medici, contusis quamprimum venæ sectione succurrere. Venæ sectio enim non tantum ebullitionem supprimit, sed & incrassata attenuat; adeoque non tantum imminentibus inflammationis ac febricitationis periculis præcavet, sed & crudorum tuberculorum scrophularumque (tumorum, nempe, tardioris motus) suppullulationi in antecessum prospicit.

*Solutio
questio-
nis.*

Hiscæ sic jactis *fundamentis*, haud difficile est inferre, potuisse *contusionem* hanc primæ originis scrophularum prædictarum occasionem suppeditare: eas quoque, quoniam scrophulæ per se morbosæ non erant, nihil damni cæteris partibus statim ab initio intulisse: verum, tractu temporis, in magnam molem auctæ, ex *compressione* potissimum vicinarum partium gravissima illa symptomata supra recitata produxisse. Ut nimirum, dolor *colicus*, frequensque *vomitus*, *detrusioni* intestinorum extra suam sepem tribuantur; urinæ *suppressio* absque arenulis, similiterque dolor *lumbaris* & *ischiadicus*, renum & ureterum *compressioni*; difficultas spirandi, & tussis, *compressioni* pulmonum ab adnatis glandulis; totiusque corporis demum *macies*, partim impeditæ *distributioni* succi nutritii, ob *compressionem* plexuum abdominalis, partim *defraudationi* partium, & *conversioni* alimenti in proprium augmentum; partim denique *febri hæctica*
à diffi-

à difficultate spirandi ortæ Atque ut diutius fortassis in hac narratione hæserim, quam oportuit; rei tamen utilitas, uti spero, tædium compensabit.

Ulcera mesenterii rariùs contingunt, & *Ulcera*
vix nisi post ruptum abscessum. Rumpi-
tur autem abscessus in cavitatem abdomi-
nis vel intestinorum, perforatis nimirum
horum tunicis. Pòsterioris hujus casus
exemplum habemus apud *Marcellum Do-*
natum, qui narrat, virum febre corre-
ptum, per alvum sanguinem nigerrimum,
corruptum, pessimeque olentem ad quin-
decim librarum pondo excrevisse, & in
ejus mesenterii parte superiore, ulcus for-
didum ad spithamæ longitudinem inven-
tum fuisse.

Benivenius refert; in juvenis cadavere
aperto, abscessum magnum in mesente-
rio repertum fuisse, quo præciso, materia
multa nigra fæctensque profluxerit, encau-
sto sutorio similis.

Denique præter pathemata memorata, *Tonus vi-*
mesenterio accidere potest *Tonus vitia-*
tus; qui rariùs quidem in observatio-
nem venit, quod in vivis vix signis ma-
nifestis se prodat, in defunctis verò fre-
quenter deprehendimus vel infirmam
mesenterii *tenacitatem*, vel *mollitiem*,
& *laxitatem* vitiosas, vel in interiori va-
forum ejus superficie nimiam *asperitatem*
aut *levitatem*.

Primò, ad *tenacitatem* vel cohæren-
tiam

56 *Affectus Glandularum*

tiam mesenterii vitiata quod attinet, ea in chronicis præsertim morbis contingere solet, in *cachexiâ*, *hydropè*, *scorbuto*, *morbo Venereo*, fortè etiam cum abscessibus mesenterii diuturnis conjungitur. In illis, qui ex hisce morbis obierunt, mesenteria, ut plurimum, friabilia, maleque cohærentia deprehendimus, ita ut levissimo negotio pars à parte divelli potuerit.

*Mollities
& laxitas.*

Secundò, *Mollities* atque *laxitas* hujus partis in *herniâ intestinali* frequenter cernitur. Usque ad eò enim laxatur mesenterium, ut permittat intestinum sibi appensum, quod intra orbitam suam coercere debuerat, in scrotum delabi. In *paralyfi* quoque *intestinatorum*, credibile est, ipsum mesenterium laxari atque enervari.

*Asperitas
& levitas*

Tertiò, *Nimia asperitas* atque *levitas* proculdubiò frequentes morbi sunt, quanquam fortè haud ad eò facilè cognoscuntur. Credibile est, ubi asperitas ac squalor aliis partibus evenit, consimilem asperitatem atque squalorem vasis quoque mesenterii contingere.

*eorumque
signa.*

Porro, conjectare licet de asperitate vel lævitate horum vasorum ex *assumptis* & *excretis*. Si enim alimenta indies assumpta lubrica atque lævia fuerint, quoniam mesenterium pertranseunt, verisimile fit, ea consimilem quoque lenitatem ejusdem vasis imprimere. Similiter, si diæ-

si diæta maximam partem ex cibis asperis, amaris, acribus, succique agrestis confiterit; fieri vix potest, quin dictis vasis consimilem qualitatem impertiat. At eundem modum, si excrementa alvi diutius retineantur, & tamen liquida excernantur, magnum indicium nimiae asperitatis præbent. Etenim facultatem retentricem potenter roborat asperitas; absque cujus adminiculo si foret, vix credibile est, liquida excrementa tam diu retineri posse. Contrà autem, ubi solida excrementa facile & citra fortio rem nixum, lubricèque excernuntur; argumentum est, consimili lubricitate ac lævitate intestina atque mesenterium affici.

Insuper, ex *Vrinâ* de his affectibus judicare possumus. Si enim hæc inæqualis substantiæ appareat, nullisque atomis fluitantibus scateat, aut bullis majusculis diu permanentibus coronetur, sique hypostasis sit æqualis & æqualiter in medio acuminata, lævitatæ vasorum certa indicia exhibet. Contra, si urina substantiæ inæqualis sit, atomisque frequentibus abundet, bullisque magnis & diu permanentibus supernè obsideatur, sique hypostasis ad matulæ fundum desidat, aut ex atomis coagmentari videatur, & quoties vitrum agitur, in ramenta sive filamenta faceßat, nimiam in iis locis asperitatem

58 *Dē Glandulis Omenti.*

denotat. Denique urinæ copiosissima profusio (qualis in diabete contingit) nimiam lubricitatem arguit. *Retentio* verò diuturna magnæque simul quantitatis excretio , asperitatis certum indicium est. Quippe *asperitas* retentioni, *levitas* autem excretioni perpetuò favent.

C A P. XII.

De Glandulis Omenti.

*Glandula omenti
quales.*

*Earumque
lactica.*

Glandulæ omenti , nempe illæ , quæ in eodem naturaliter & usitatè generantur , illis *mesenterii* simillimæ sunt ; & verisimile est , eas eidem planè usui inservire. *Duas* hujus generis in hæc membranâ perpetuò offendi ; nempe , *majusculam* unam , non procul ab ejus commissurâ cum pyloro. Hæc glandula , primigeniaris lacteas à ventriculi fundo ortas , in omento secundùm ejus longitudinem decurrentes ; excipit : Eas primus , præsentibus Collegâ nostro *D. VVybard* , & *M. Sturton* , in cane nuper pasto , observavi. Distribuantur verò more aliarum lactearum primi generis in glandulæ substantiam , indeque aliæ ibidem oriundæ oblique deorsum feruntur decussantes dextram pancreatis extremitatem : putares primo aspectu , eas pancreatâ subire ; verùm id præterlabuntur & ad commune receptaculum tendunt , in quod se exonerant.

Alteram paulò minorem versùs lienem sitam ,

fitam, quam nonnunquam duplicem, triplicem & quadruplicem, imò aliquando multiplicem vidi. In equo duodecim ut minimum magnas observavi, ejusque lien deceni libras pendebat. Suspicio tamen nonnullas harum adventitias fuisse & non naturales.

Verum præter has *D. Bartholinus* aliarum quoque glandularum in abdomine mentionem facit; nimirum, in omento, ait, innumeræ glandulae interjectæ quæ humidum feculentum depascentur. *D. Riolanus* hanc ejus observationem corrigit, dicitque adipem certis locis induratum ad divisionem vasorum, figuram atque usum glandularum æmulari.

Ego quidem fateor me frequenter observasse pinguedinem omenti vasorum instar ramificatam & quasi cænosam simulque hic & illic nonnihil protuberantem; easque protuberantias, videtur *D. Bartholinus* pro glandulis habuisse; *D. Riolanus* pro adipe indurato. Ego verò nondum potui, harum protuberantiarum substantiam, à reliquo omenti adipe, clarè distinguere; neque *Riolani* indurationem agnoscere, nedum *Bartholini* substantiam glandulosam. Quo nomine admittenda.

Dices, *Hippocratem* affirmare, glandulas in omento majores, quam alibi, reperiri quod intelligendum existimat *Riolanus*, de intestinis (melius fortè diceret, de mesenterio:) Ego potius putem, *Hippocra-*

tem intelligi debere de glandula pancreatis, quæ omento connectitur, eodemque quodammodo involvitur.

Verùm *Hildanus* ex observationibus *Horstii* asserit, se in nobili adolescentulo annos novendecim nato, *omentum* versus umbilicum, ad orbiculi formam, latitudine palmi conglobatum multis glandulis refertum observasse. Respondeo me non negare, glandulas morbosas multiplicisque, præter illas à me modò descriptas, in omento contingere posse, quemadmodum ex ejus observatione constat. Verùm ubi hoc acciderit, ajo, esse glandulas *adventitias*, non verò naturales, de quibus hic agimus; nec spectare ad divisionem hanc, sed ad illam *ultimam*, quæ agit de glandulis adventitiis sive de novo succrescentibus.

Omento ejusque glandulis varii affectus præternaturales accidunt. Quia verò utriusque vitia ejusdem fere conditionis sunt, & à communi plerumque causâ, obstructione scilicet, pariter dependent; *utraque*, compendii gratiâ, sub illis *omenti* includuntur. Hoc autem modo in magnam molem excrescit, modo è contra extenuatur, modo friabile & quasi putridum redditur, denique interdum loco dimovetur.

Aucta moles, ut & *diminutiva* cognoscitur, factâ comparatione ad medium ejusdem pondus: pendet autem in homine sano

fano circiter semilibram, quam si excesserit; vel obstructioni, vel pinguedini congestæ, vel glandulis adventitiis hîc succrescentibus tribuendum est. Excrefcit verò nonnunquam ad quinque librarum pondo; quo casu, ut *Vesalius* observavit, *ventriculum deorsum distrahens singultus lethales parit*: cui tamen haud facîle assentior, quia pondus quodcunque fuerit omenti, non tam ventriculum quam abdominis musculos gravat.

Omentum totum carnosum observavit *D. Bartholinus*. Quo dato, vix fieri potest, quin unâ augeatur ejusdem pondus. An verò caro illa, mediante nuda obstructione, congesta fuerit, an potius simul ex glandulosa materia formata constiterit, ex historia ejus non liquet.

Ego verò vidi omentum carnosum seu potius *glandulosum*, semipollicari crassitie à *D. Wybard* ad me allatum è virgine cachecticâ, 19. annos natâ exsectum. Illa per tres menses ante obitum diarrhœâ lentâ per vices recurrente, unâque frequenti materiæ porraceæ vomitu laborabat; pulsus languidus erat; urina pauca & intensa; abdomen circa regionem umbilicalem duriusculum & subtumidum apparebat; decubitus in latum dextrum molestè ferebat; paulò post tussiculâ spirandi difficultate, febriculâ, cum linguæ ariditate infestabatur. Medicamentis deopipilativis exhibitis, levamen aliquoties

62 *De Glandulis Omenti.*

ties sentiebat. Sed omiſſis remediis & morbo ſubinde recrudefcente, viribſque ſenſim fractis, *macie demum conſecta* ſatis conceſſit, verum per tres dies ante mortem alvus aſtricta & urina per diem integram ſuppreſſa erat.

Aperto cadavere, jecur malè coloratum, & veſicula fellea liquore nigricante & fruſtulis ſabuloſis reſerta, deprehendebatur. Ductus quoque hepaticus liquorem ex livido flaveſcentem exſpuebat, & (ut cætera paucis expediam) plurimis aliis partibus præternaturaliter ſe habentibus, Omentum, ut ſuprà dixi, increſcatum & fere coriaceum cernebatur, quod omnia prope viſcera ſuâ latitudine adeò arctè complectebatur, ut inteſtina quaſi conglutinata à ſe invicem ægrè ſeparari poſſent.

Apparet ex hiſtoria hac; omnia hujus puellæ viſcera obſtructionibus pertinacibus obnoxia fuiſſe, Omentum verò iſſum propè occalluiſſe, ſimulque carnibus glanduloſis loco pinguedinis fuiſſe inſarctum. Utrum verò hæc Omenti vitia cæteris ſymptomatibus primam dederint anſam, an potius primò menſium ſuppreſſioni adſcribenda fuerint, vixdum ſatis conſtat. Illud certum eſt, eam ante obitum feбри lentâ correptam fuiſſe, quæ tum extenuationis, tum iſſius mortis proxima cauſa fuit.

Rarius contingit Omentum *extenuari*;

ve-

verum aliquando in corporibus macris & præsertim hypochondriacis ejus pinguedo magnâ ex parte absumitur.

In scorbuticis verò admodum friabile & nonnunquam lacerum evadit. *M. Beale* generosus hypochondriacus & scorbuticus ab aquis Tunbrigensibus, quas incassum hauserat, rediens, subito diem supremum clausit. Cadavere aperto, præsentibus clariss. viris *D. Bathurst* & *D. Rugeley* collegis, omentum nigricans, laceratum, friabile & ferè putridum, & pinguedinè destitutum inveniebam, plurimis quoque in locis infra umbilicum peritonæo adhærebat, venisque nigris & turgentibus, certis obstructionis indiciis scatebat.

Porro aliquando evenit, ut *Omentum* de sede sua deturbetur, nimirum, in scrotum descendat, ut in epiplocele, vel per umbilicum ruptum protuberet, ut in omphalocele. De quibus *Columbus* sic scribit: *Lib. 15.* Conspicatus sum omentum peritonæo, nec non abdominis musculis adnexum. Præterea omenti selibram extra umbilicum, & in scroto omenti libram & amplius.

Quod ad causas attinet, cur aliquando copiosæ in hac membrana glandulæ præternaturaliter generentur, cum non alia earum ratio reddi possit, quàm quæ ad glandulas adventitias in genere spectant; lectores eò referendi sunt.

C A P.

Pancreatis descriptio, usus & morbi.

*Pancrea-
tis sub-
stantia
& con-
formatio.*

A Perto jam Omento, in conspectum venit nobilissima abdominis glandula, *Pancreas*; ad cujus examen proximo loco accedimus. Varia nomina hujus partis apud authores passim occurrunt, ut non opus sit hîc recitare.


Substantia ejus, si modo membranas & vasa excipias, tota glandulosa est. Ex multis quasi globulis, frustulis vel nodulis communi membranâ inclusis, & partim membranarum, partim vasorum connexionem junctis, compacta videtur: singuli globuli duritiem quandam & firmitudinem præ se ferunt: simul tamen sumpti (ob laxam eorum connexionem) molliusculi videntur; quo sensu illi intelligendi sunt, qui glandulam hanc laxam mollemque affirmant. *Color* ei pallidus est, & levissimâ sanguinis tinctura infectus.

Situs.

Situs ejus est sub posticâ parte fundoque ventriculi, extenditur autem à cavitate hepatis (ab illâ, videlicet, ejus parte, quam ingreditur porta, cujus ductum munit) ad inferiorem lienis crepidinem: idcoque situm in corpore *transversum* obtinet. Connectitur etiam duodeno, poro bilario, ramis splenicis, Omento, superiori mesenterii parti, & superiori abdominis plexui, cui ministrat primariò.

Figura.

Figura ejus oblonga est & compressa,





sa, circa duodenum latior, crassiorque conspicitur; versus lienem tenuior & angustior est, in diversis animalibus plurimum variat. In piscibus aliquibus, & pennatorum genere, duplex, cum duplici ductu, ab utroque extremo in unum truncum coeunte, ut evidentissimè cernitur in avibus tum palmipedibus, tum fissipedibus. In gallo sex pollices longum observavi: Descriptio verò hæc ad hominem imprimis referenda est, eaque animalia, quæ hominem hâc parte æmulantur.

Figuræ explicatio.

A. Parenchyma pancreatis apertum.

B. Truncus ductus pancreatici.

CCC. Rami ejusdem.

D. Ductus biliaris.

E. Intestinum duodenum apertum.

F. Horum vasorum insertio.

Magnitudo ejus, si ad viscera compararetur, eorum plurimis cedit; si tamen *Magnitudo.*

conferatur cum aliis glandulis in homine, omnes facile vincit: longitudo quinque circiter digitos æquat; latitudo maxima duos ferè cum semisse; crassities circiter unum. Pondus uncias 5. in equo uncias 11.

Vasa ejus quatuor sunt generum, arteriæ, venæ, nervi & ductus parti huic peculiaris: *arteriæ* à celiacis. *Venæ* à ramis splenicis; *nervi* à sexto pari & eorum plurimi à plexu superiore abdominis; *Ductus*

ctus proprius à parenchymate ejusdem , à quo prima ejus stamina, nempe vasa capillaria primam suam originem mutuatur.

*Ductus
proprius.*

Hic *ductus* Veteribus ignotus, primò inventus perhibetur à diligenti anatomico *Georgio Wirsungo*. Hoc vas ut plurimum unicum truncum obtinet, cujus orificium in infimam partem duodeni vel supremam jejuni, aperitur; & sæpissimè, eodem osculo cum ductu communi. Aliquando tamen distinctum habet ingressum, & nonnunquam duplicem. In duos præcipuè ramos finditur; quorum alter rectà versus lienem tendit, alter nonnihil deorsum flectitur. Hi duo rami, minores surculos in omnes globulos (è quibus præcipuè pancreas componitur) transmittunt: eorúmque operâ ductus hic humores à toto pancreate ablegatos excipit, & per suum truncum in intestina transfert.

*Varie
opinion
es de eodem.*

Circa hujus glandulæ *usum* variæ occurrunt authorum sententiæ. *Alii* existimant, eam chyli præparationi ac distributioni inservire; *alii*, fermentum ventriculo ministrare; *alii* recrementum chyli purgare; *alii* tandem, esse quasi vesiculam bilariam lienis. Hi usus alii que consimiles difficultatibus gravissimis urgentur.

*Prima
rejjicitur.*

Prima opinio, quæ partem hanc præparationi ac distributioni chyli inservire autu-

autumat fortè errori *Asellii* adscribi potest: qui lactes suas ad pancreas deduci ait. Verùm suprà monstravimus venas lacteas in hanc partem nequaquam terminari. Multò minus chylo hinc in lienem deferendo (ut ibidem in sanguinem abeat) institutæ sunt.

Secunda opinio Horstio juniori tribuitur, qui putat partem hanc ventriculo *fermentum* suppeditare. Verùm, quí possit, eùm nullus ductus hinc in ventriculum pateat, neque ejusmodi humor in hac parte unquam generetur? Porro, si pars hæc ventriculo subministret, nulla ratio reddi potest, cur ejus ductus non rectà in ventriculum aperiatur. Nam proximè sub ventriculo sita est, adeoque commodè in ejus cavitatem, si ita usus postulasset, infereretur.

Tertia opinio, Liceto, Riolano & Veslingio adscribitur; nempe hanc partem *recrementum* chyli excernere. Verùm, si chylus partem hanc nunquam ingreditur, ut suprà probavimus, ridiculum fuerit existimare, secretionem hujusmodi hinc perfici posse.

Quarta opinio, Bartholini est; nimirum partem hanc, instar vesiculæ biliaræ lieni inservire, bilémque expurgare; sive in pancreate genitam, sive in liene: utrúmque enim hepar subsidiarium putat. Hæc sententia variis erroribus implicatur. Primò enim, sanguificationem hepatis adscribit:

Item secunda.

Similiter tertia.

Quarta.

bit : Dein arbitratur , lienem hepatis in eo opere suppetias afferre. Postremò , existimat pancreas locum vesicæ biliaris supplere , vicariamque habere sanguificandi potestatem.

Reverà autem , nec hepar , neque lien , neque pancreas sanguificationis muneri præsumt. Lactæ enim thoracicæ satis evincunt , in illis locis sanguificationem non perfici ; neque chylum ad easdem transmitti ; sed ad venas subclavas. Figmentum verò de vicario vesicæ biliaris & pancreatis officio planè ridiculum est. Quænam enim similitudo aut proportio inter has partes intercedit ? Vesica biliaris rota membranæ est , nullumque vas ; nullas glandulas , in sinu suo complectitur : Pancreas verò hæc omnia possidet , & cavitate interim pari destituitur ; neque bilis vel minimum in ejus ductu vestigium. Substantia quoque ejus dulcis est , bili adversissima. Porro , caret meatu derivato à liene , qui ipsi , ceu porus alter biliaris , inserviat. Idemque telum Author hic paulò antea in aliorum sententiam intendebat ; non animadvertens , idem quoque in suam retorqueri posse.

*Vernus
sus excre-
torius af-
feritur.*

Rejectis itaque jam dictis opinionibus , quid nobis maximè probabile videatur , nunc afferam. Et universaliter quidem verum esse arbitror , partem hanc ad excrementitii cujusdam humoris secretionem , ejusdemque in intestina expurgationem forma-

formatam esse. Id enim ipsemet *ductus* ejus luculenter testatur; quippe osculum illius ita clauditur, ut nihil ab intestino in eum refluere possit, prospicitque interim, ut exitus liberrimus in intestina pateat. Quisnam autem humor particularis, hic loci separetur, dictu haud ita facile est. Conjecto autem, non esse humorem biliosum, acrem, amarum, falsum aut acidum: sed potius dulcem esse, aut saltem insipidum, lenem atque anodynum. Neque enim aliter causam video, cur pars hæc tam suaviter sapiat. Porro, quibus hic humor pro more non excernitur, illi crassas flavasque urinas reddunt, quæ tamen meatus, per quos transeunt, minimè vellicant aut erodunt. In *ictero* flavo tales urinæ redduntur, quas verisimile est, à solâ bile in venosum genus restagnante oriri non posse. Neque enim sincera bilis tantopere flavet; imò si meraca esset, nec leni humori commixta, sine meatuum dolore atque erosione, excerni non posset. Existimamus ergo istiusmodi urinas ex mixtis humoribus constare, & ex ipsa mixtura intensam illam flavedinem contrahere. Videmus enim *intestina* partes spermaticas naturâ suâ albas & pituitosas; ubi vesica biliaria eas immediatè tangit, saturatiore *flavidine* tingi, quàm ipsam vesicam bilariam aut humorem in ea contentum. Unde patet, flavedinem illam, non soli bili, sed & alii admixto

*Quem
humorem
excernit.*

*Humor
ictericus
qualis?*

*Causa
flavedi-
nis ejus-
dem.*

mixto humori ex parte saltem deberi. Nam credibile est, bilem non omnem liquorem pari flavedine inficere : Verùm cum peculiari pancreatis humore commixtam, protinus saturatam flavedinem induere. Si verò sinceram bilem cum urina miscueris, neutiquam colorem intensum, qualem in urina ictericorum cernimus, exhibet. Argumento evidenti, ictericorum flavedinem, à sola bilis redundantia non provenire; sed partim ab humoris hujus pancreatici commixtione. Notum est, tincturam gallarum, si vitriolum injece-
ris, nigro colore infici; qui color in neutro earum ante commixtionem reperiatur. Similiter, quamvis humor pancreatis palleat, humorque bilis non intense flaveat; cum tamen commiscantur, saturatam flavedinem producunt. Hoc evidenter cernimus in iis, quæ per alvum excernuntur. Etenim in sanis, quamdiu ductus, tum communis, tum pancreaticus aperti sunt, suisque officiis funguntur, excrementa alvi crocea flavedine tinguntur. Ubi verò horum humorum alter in intestina non deponitur, excrementa alvi albescent, aut argillaceo colore inficiuntur.

Nam si *bilis* descensus supprimatur, alvus excrementa lubrica citra dolorem aut acrimoniam deponit. Sin verò bilis liberè descendat, sed *pancreatis* humor retineatur, excrementa sive liquida, sive solida fuerint, non sine acrimonie sensu eliminantur.

31. *Casus circa descensum bilis & humoris pancreatici.*

nantur. Si verò *uterque* meatus obstru-
ctus fuerit, icterus flavus mox præ foribus
est, citiusque quàm in duobus prioribus
casibus per totum corpus diffunditur; tum-
que alvi excrementa, ut plurimum suppri-
muntur, aut ægrè prodeunt: nisi fortè li-
enteria quoque accesserit, quæ faciliè icte-
ro conjungitur, quòd uterque affectus ab
obstructionibus originem ducat.

Ex dictis constat, humorem, cui ex-
cernendo pancreas destinatur, dulcem
esse, aut saltem insipidum, crassum, le-
nem, atque anodynum.

Verùm quærat hîc aliquis, unde pan- *Pancreas*
creas *humorem* hunc sibi comparet? Non *humorem*
à liene (quem tamen tangit, ut modò *à liene*
probavimus) neque à venis *Lacteis*; quan- *lacteis*
quam harum aliquæ à ventriculo ortum
ducentes, non procul à duodeno sub pan-
creatis membrana decurrunt, non tamen
corpus ejus subintrant, nedum in eodem
terminantur, sed inde in chyli receptacu-
lum deflectuntur. Idémque, mutatis mu-
tandis, de *lymphæductibus* ab hepate de- *lymphæ-*
scendentibus dicendum. Nam illi quoque *ductibus.*
pancreata præterlabentes ad idem rece-
ptaculum divertunt.

Venæ autem, quas exiles habet à ramo *Venis, non*
splenico, huic parti nihil adferre possunt, *habet.*
quòd cursu sanguinis in illis extrorsum
sit, & non introrsum, & non ex sangui-
nis circuitu patet.

Arteriæ denique ab hoc munere exi- *Neque ab*
mendæ *arteriis;*

mendæ sunt. Primò enim illæ perexiguæ sunt , & haud multum sanguinis in hanc partem effundunt. Nec credibile est , universalem ejusdem depurationem per tam exilia vasa sufficienter administrari posse. Nam quanquam ille sanguis , qui in pancreata effunditur , ab eodem depurari posset ; is tamen si comparatur cum reliqua sanguinis massa , planè inconsiderabilis ejusdem portio & parvi momenti est , nempe vix millesima totius pars. Secundò , pancreas est pars alba , mollis , saporis dulcis , nullúmque asperitatis , quæ in partibus sanguineis deprehendi solet , indicium de se præbet.

Porro, excrementa sanguinis copiosiora sint oportet, quàm humor qui per hanc partem excernitur. Videmus tartaream ac salinam ejusdem partem cum potulenta copiose per renes effundi ; biliosam sive adustam partem largiter quoque per vasa biliaria exonerari ; denique pituitosam partem inutilem ac emortuam copiose etiam per interiores ventriculi & intestinorum tunicas excerni. Si ergo alius humor præter hos ex vitalium spirituum depredatione generetur , oportet in majore copia producat, quàm is humor quem pancreas eliminat. Quòd verò humor à pancreate excretus quantitate *paucus* sit , ex eo innotescit , quod ductus ejus rarissimè , si unquam , repletus cernitur.

Imò

Imò etiamsi in viva dissectione ligamentum ei injeceris, ubi intestina ingreditur, parum ejusdem in hoc vase contentum deprehendes. Non ergo existimo, arterias materiam, quam hæc pars excernit, suppeditare.

Rejctis igitur aliis omnibus vasis quæ *sedè nervi* quoquo modo hanc partem spectant; supersunt tantum *nervi*, quibus hoc munus tribuatur. Existimo itaque, hanc glandulam (quemadmodum & alias omnes) nervis ministrare. Hanc verò in specie, cum sit glandula excretoria, nonnullas nervorum sexti paris cum spinalis medullæ ramulis in majore plexu unitorum superfluitates excipere, & per vas suum proprium in intestina deponere. Etenim *plexus* superior nervorum (qui celeberrimus est in toto corpore) pancreati contiguus est, eidem surculos frequentes sufficit, ita ut nervi in hanc partem distributi tum arterias tum *venas* omnes ejusdem mole longè superent.

Objicies, dari alias glandulas excipiendis hujus plexûs excrementis dicatas; nimirum glandulas renales. Respondeo, duo fortè recrementorum genera per nervos hujus plexûs rejici: quorum primum Excrementitium quidem fuerit respectu nervorum, sed utile adhuc respectu succi vitalis; & hoc effundi per funiculum nervosum hujus plexûs in glandulas *renales*, & earum operâ in ve-

nas deduci, ut mox fufius dicetur. Alterum genus, nempe merè excrementitium, quodque in venas non erat transmittendum, ad glandulam pancreatis, de qua nunc agimus, defertur. Nervi enim non promiscuè, sed cum delectu materias quas vehunt, in partes illis excipiendis appropriatas effundunt. Quare, cum pancreas, si spectes ejus substantiam, temperiem, dulcedinem, lævitatem, colorem vel mollitiem, facile deprehendas, nullatenus eam abhorrere ab humore peculiari, quem excernit; sed potius commodissimè posse eundem ad se alligere. Est enim, ut suprà notavimus, humor dulcis vel saltem insipidus levisque & friabilis, & in paucis pancreati dissimilis. Potest itaque electivè attrahere è nervis excrementitiam hanc materiam & toti corpori noxiam; quanquam suæ substantiæ nonnihil (ut dictum) similem; & in intestina per vas suum excretorium rejicere.

Pancreatis morbi. Morbi pancreatis sunt *obstructio & tumores, schirrus, vel abscessus.*

Obstructiones. Ad *obstructiones* quod attinet, illæ in quolibet hujus partis affectu, necessario adsunt, neque enim tumor, aut abscessus contingere possunt, nisi præcesserit aliqualis obstructio; imò verò, neque in hac parte diu duraverint illi morbi, nisi à præsentibus obstructionibus foveantur. Unde ratio patet, cur in omni pancreatis

creatis affectu deoppilantia ex usu sint.

Duplex autem in hac parte *obstructio* *Que du-
plices.* contingit : vel in transitu sanguinis ex arteriis in venas ; vel in transitu succi excrementitii nervorum per hujus partis parenchyma in ductûs illius peculiaris extremitates. Quod verò ad ductûs orificium attinet , per quod exoneratur in intestina , nondum mihi contigit illud obstructum cernere : neque facile crediderim , id ab aliis visum. Nemo enim testatur se observasse , ductum hunc humore eo , quem excernit , distentum ; quod tamen necessario eveniret , si ostium ejus quod in intestinum dehiscit , præcluderetur. Quare obstructionem hanc rarissimè aut nunquam contingere arbitror.

Quod ad sanguinis obstructionem attinet , si ea in venoso genere contingat ; vel *Sanguis-
nea.* inflammatio , vel tumor durus oboriuntur , quæ mala in obstructum totius partis habitum subinde transferuntur : Consimilis nimirum obstructio accidit in ipso parenchymate , vel habitu partis , per quem sanguis ex arteriis in venas transmigrat. Quapropter , impedito illic sanguinis transitu , necesse est , parenchyma quoque ipsum intumescat : Sanguis enim continuo affluens , parcèque transmissus , *Tumores
scirrhus
& abs-
cessus ,
inde orti.* ibi loci tumorem parit , ubi primum sistitur. Tumores hujus partis in hunc modum exorti , tractu temporis in magnam

De qui-
bus hi-
storia.

molem excrescunt, nisi prius indurentur, vel in abscessum abeant. Quare cum obstructio sit communis horum omnium affectuum causa; vix erit operæ pretium separatim de eisdem agere. Solummodo, ut constet partem hanc affectibus istiusmodi obnoxiam esse, lubet historias aliquot, quæ ad hanc rem faciant, attexere. Cl. *Riolanus* narrat illustr. *Augustum Thuanum* melancholici temperamenti virum per quadriennium conquestum esse de dolore colico circa regionem intestini coli cum sensu ponderis ad regionem stomachi, dum itaret erectus, vel ambularet. Hunc demum ait, repentinâ gangrævâ correptum, à pede dextro ad superiora celeriter reptante, ex decubitu serosi humoris crura & tibiae infestantis, cum diris cruciatibus intra sex horas expirasse. Aperto cadavere, deprehensum jecur induratum, rotundum instar corporis sphærici, fractum & transfixum gypseâ pituita sebum referente; Pancreas verò amplitudine sua & pondere ipsius hepar æquabat, totum scirrhosum, multis glandulis specie ovi columbini differtum, lien vix unciam unam ponderabat.

Hildanus Cent. 1. obs. 7. meminit fabri cujusdam lignarii, qui biennio variis per intervalla morbis, dolore capitis, *ictero*, viscerum obstructionibus, & cachexia laboraverat, tandemque extinctus

ctus est. In eodem (inter alia mala) tumor scirrhusus suppuratus & instar steatomatis magnitudine duorum pugnorum, ortus ab inferiore parte pancreatis, intestinum duodenum circumdederat, sic ut peritonæo tectus alterum quasi ventriculum mentiretur. Credibile est, retentis nervorum excrementis, materiam per ramos arteriæ cæliacæ in ipsum pancreas definentes affluxisse; venis verò non eandem satis expeditè reducentibus, tumorem illum ingentem consecutum esse.

Quod si ductûs pancreatici capillaribus obstructio eveniat, diversi generis morbi oriuntur, Excrementa alvi nimia acrimonia æstuant, ob defectum mixturæ lenis huius humoris. Humro autem ipse regurgitat in totum corpus, quod inde ignavia; corpore & ineptudine ad morem afficitur, quemadmodum videre est in ictericis, in quibus modò asseruimus ductum hunc obstructum esse: icterumque non à sola restagnatione humeas bilarii, originem ducere.

C A P. XIII.

Glandulæ renales, vel ad nervæum plexum abdominis sitæ, earumque usus.

Methodus generalis ab initio proposita, proximè nos ducit ad glandulas renales, quæ, jam remotis pancreate & omento, facilius conspiciuntur.

Prima
earum
inventio.

Bartholinus de his hæc habet. *Prima inventio horum corpusculorum Bartholomæo Eustachio debetur*, qui earum sub *glandularum* nomine meminit: & post eum *Archangelus* & *Baughinus*. *Casseri*us *renes succenturiatos* vocat. Nos ob usum, quem iis tribuimus, *capsulas atrabilarias* vocabimus.

Nominis
ratio.

Alia quoque nomina his fortè coaptari possunt, mihi id videtur maxime iis quadrare, nimirum, ut dicantur *glandulæ ad plexum*, sive *glandulæ ad plexum nerveum* sitæ.

Non multum autem interest, quo nomine præ cæteris appellentur; modò non sit ejusmodi, quod nos faciliè in errorem circa earundem usum deducat. Rejicimus ergo illud nomen, quo *capsulæ atrabilarie* vocantur, factique nostri rationem postea subjiciemus.

Earum
situs.

Quod ad situm harum glandularum pertinet in genere, haud multum inter se discrepant authores. *Bartholinus* inquit: *Ita sitæ sunt, ut foris incumbant renibus parte supernâ, quâ venam cavam respiciunt*. Et *Veslingius*: *Sitæ sunt sub diaphragmate supra membranam adiposam: sic tamen, ut earum dextra venæ cavæ conjungatur, sinistra verò ventriculo nonnihil subdita conspiciatur*.

In brutis tamen, ut plurimum, non proximè incumbunt renibus, sed tantillum distant, nimirum, versus spinam & dia-

diaphragma nonnihil recedunt. Porro, sinistra vicinior est diaphragmati, locumque, quam dextra aliquanto superiorem occupat. Situs in diversis animalibus nonnihil variat, in aliis enim supernæ renum parti incumbunt, ut in sorice, talpa, &c. In aliis verò animalibus, à renibus digiti latitudine aut amplius distant; perpetuò verò à renibus versus spinam vergunt; Atque eo ipso in loco reperiuntur; ubi nervorum plexus conspicitur; quibus etiam firmiter adnectitur, non autem in omnibus animalibus ipsi venæ cavæ adhærent; sed aliquando venis emulgentibus, ut in bove, ove, aliisque; præsertim in sinistro latere. Nam in his quoque à dextris cavæ adnectuntur. Unde clarè constat, quod ad harum glandularum usum attinet, perinde esse, utrum venæ cavæ, an emulgentibus adhæreant.

Magnitudinem harum glandularum Bartholinus ex Bauhino sic æstimat. Non semper, inquit, equalis est; ut plurimum, dextra sinistram superat, aliquando tamen & hæc illam, in fœtu renes ferè adæquant, in adultis verò arctantur, minoresque fiunt: Et Veslingius: Magnitudo utriusque dispar est, nucem tamen vomicam grandiusculam frequenter adæquant, si corpus ætate proVectius sit. Unde videre est, authores in magnitudinis harum partium æstimatione dissentire. Secundum

*Varieta-
tis causa.*

Bauhinum in fœtu , rertes ferè adæquant ;
postea autem minores fiunt. Ex *Veslingii*
autem sententia , potius ætate provectio-
re augentur. Crediderim ego magnitu-
dinem harum glandularum ; partim sequi
magnitudinem animalis in quo insunt ;
partim ætatis discrimina ; partim denique
constitutiones peculiare certorum ani-
malium. Certissimum est , in magnis
animalibus glandulas hæc multò maio-
res esse quam in minoribus. Pariter cer-
tum esse arbitror eas in embryonibus ; ha-
bita ratione ad exilem corporis eorum sta-
turam , multò majores esse , quàm in ad-
ultis , ad sua corpora collatas ; quo sen-
su *Bauhini* potiùs quàm *Veslingii* æstima-
tionem probo. Tertiò simul assero eas
in adultis simpliciter grandiores esse ,
quàm in embryone aut nuper natis , eo-
que nomine *Veslingio* potiùs quàm *Bauhi-
ni* assentior. Interim agnosco , hæc glan-
dulas non pari passu cum reliquis corpo-
ris partibus augeri , sed multò tardiùs
post partum incrementa sumere ; Imò
crescente ætate , indies minus proportio-
naliter crescere , tandèmque circa puber-
tatem ab ulteriore incremento planè ces-
sare. Quod verò *Bauhinus* insinuat , hæc
glandulas in ætate provectis , minui ;
experientiæ non respondet ; imo in tabe
& in febre hectica confectis , ubi pluri-
mæ aliæ partes emaciantur ; hæc ferè in-
tactæ & sanæ solitam magnitudinem re-
tinent.

tinent. Etenim nuper, præfente cl. D. Glifsono, filiolarum M. Beckwith è Rachitide in tabem delapsam, eique superveniente febre extinctam secui; in qua thymus prope absumptus, sed glandulæ hæ sanæ erant.

Figura harum videtur varia. Sæpe enim, inquit Bartholinus, depressa sunt ejusque substantia, instar placenta (intus tantum excavata) & figurâ quadratè oblongâ, subinde triangulares, rariùs orbiculares, quia rarò eadem figura cernuntur. Veslingius verò ait, esse renibus similes, quippe oblongæ, pressulaeque rotunditatis, nunquam tamen in angulos superius coactas esse: Ego vero hîc potius ad Bartholini quàm Veslingii partes accederê; quippe renibus planè dissimiles sunt, oblongasque in homine & compressas sæpissimè vidimus, quadrangulares rarò, triangulares autem, ut plurimum observavimus. Situ medio inter transversum & rectum gaudent. Major earum extremitas versus spinam inclinât; minor, quæ conicam figuram proximè refert, lienem spectat. Semipollicem distant semper à rene sui lateris, & pinguedo quædam interjacet; alterutra duos pollices longa, unum lata est. Ejus duo anguli oppositi peritonæo, numerosis plexûs fibris arctissimè alligantur. In majore hujus glandulæ extremitate, cavitas quædam conspicua deprehenditur; in quam plurima è glandulæ

substantia prodeuntia foramina hiantibus osculisterminantur. Cavitas verò ipsa in venam sibi proximam dehiscens, ibidem valvula munitur, venam versus aperta, retrorsum clausa.

*Descri-
ptio ha-
rum
glandu-
larum in
bove.*

Figura harum glandularum in bove certior est, omnesque ejusdem partes ob magnitudinem facilius certiusque describuntur: quare figuram quam in hoc genus glandulis observavimus, hinc afferemus.

Latera ei quatuor tribuuntur A. B. C. D. *extremities* duæ E. F. Latus anterior C. diaphragma respiciens, oblongum gibbosumque est, & segmentum convexum refert. Latus posterius D. quoque oblongum, sed inæquale deprehenditur. Ab F. enim ad D. ferè respondet ex adverso latere C. verum in ipso D. angulus acutus fit ex protuberantia majoris extremitatis inter E & D. Latus superius A. & inferius B. consimilia fere sunt, nimirum nonnihil compressa, & à gibbosa figura versus planam ex æquo recedentia. Inferior extremitas E, altera multò latior est, quod protuberantiam quandam inter E, & D, includat. Exterior extremitas ab F. ad D. quodammodo teres, sed nonnihil compressa. In majore extremitate glandulæ E, ejusque superiore latere A. conspicuum & rotundum *foramen* (g) pisi fere magnitudinem æquans, cernitur. Foramen hoc,
modò.

fig. 1^a



fig. 2. P. 82




fig. 3. reversa E



fig. 4^a





modò in venam cavam, nempe in dextro latere, modò in emulgentem, scilicet in sinistro, patescit. Ipsum verò ejus ostium valvula quadam tenui circumquaque munitur: idque eo artificio, ut materiam à glandula affluentem faciliè excipiat, regredientem verò remoretur. Idem foramen penetrat quoque in cavitatem quandam (H,) sive sinum in ipsamet glandula efformatum. Cavitas illa mediam glandulam percurrentem, ad utrumque ejus extremum fertur, totòque illo ductu versus glandulæ ambitum, innumeris foraminulis in substantiam glandulæ penetrantibus aperitur.

Ipsamet glandulæ substantia ad illam renis proximè accedit, ejusque colorem maximè refert; si verò exteriorem glandulæ carnem cum interiore compares, hæc paulò rubicundior, illa paulò pallidior conspicitur.

Ex dictis constat, decipi Riolanum, dum cavitatem aliquam glandulis hisce inesse negat. Quippe in animadversionibus in Bartholinum, ait: *falsum est, istam glandulam cavam esse*: postea vero in eadem pagina asserit, cavitatem illam si quam habeat, adeò exiguam esse, ut vix tenue pisum admittat.

*Descendit
tur glandula
cavitas.*

Ille autem, ut videtur, glandularum harum usum planè ignoravit, vel saltem in majoribus animalibus easdem nondum erat conspiciatus. Quippe fines manifestè

occurrit, qui proculdubio materiam quandam in glandula secretam per foramen suum in venas apertum exspuit. Hic glandularum harum usus, si in majoribus animalibus concedatur; absurdum fuerit credere alium esse usum earundem in minoribus. Dato autem hoc usum in minoribus, necessariò quoque iisdem concedenda est cavitas, & illius consimilis perforatio in venas, per quas ad eundem modum exonerentur.

*Circa
usum
hujus
glandulæ
quæ diffi-
cultates*

Licet autem usus harum glandularum ex dictis aliquo modo constet; dubia tamen quædam occurrunt, quæ nobis animum de hac re incertum reddant. Nam primò vix constat, quamnam materiam separent. Dein non minus later, per quas vias materia illa separanda in glandulam deferatur.

*Prior
quam
materiam
separat.*

Ad priorem difficultatem quod attinet, nimirum, qualis materia sit, quæ hic separetur; certò possumus statuere, non esse materiam planè excrementitiam, sed utilem; quia in venas perpetuo recipitur: inutilis autem & excrementitia materia semper transmittitur ad aliqua emunctoria, ut foras è corpore eliminetur.

Porro, haud facilè crediderim materiam hanc esse eandem cum lacteo succo, qui ad glandulas mesenterii distribuitur. Nondum enim deprehensæ sunt venæ lacteæ ad has partes deferri. Insuper hæ glandulæ dissimilis planè structuræ

aturæ atque substantiæ sunt ab illis, quæ lacteo succo inserviunt. Ad hæc, conspicuum habent sinum in aliquam venam per ostiolum apertum; glandulæ vero lacteis inservientes, tum sinu hoc, tum foramine in venas aperto destituuntur. Denique hæ glandulæ *nervum* utrinque sexti paris clare conspicuum, turgidulum & quasi nodosum firmissimo nexu sibi appensum habent, & in hunc finem plexui nervorum semper *adstites* sunt. Istæ glandulæ nervorum horum opera, tanquam anchoris, locis suis affiguntur; quippe nervus à sinistro latere ad dextrum vergens, cum nervo sexti paris dextro, in unum quasi *funiculum* contextitur. Estque hic funiculus decuplo crassior, quam videtur postulare magnitudo harum glandularum; in quas tamen totus ita inseritur, ut citrà lacerationem, nullo modo separari queat. Ab hoc funiculo, qui variis nodis tumescere cernitur, nervi ad varias partes derivantur, imprimis vero ad lienem, & in ejus substantiam totam mirum in modum disseminantur. Num vero quicquam à liene per hos nervos attrahatur, & an ex materiâ sic attracta pars aliqua nervoso generi inutilis, per funiculum nervosum jam dictum, ad hæc glandulas deponatur, nondum ausim certo affirmare. Quanquam multa concurrunt, quæ aliquam probabilitatem

tem huic conjecturæ adferant. Etenim quorsum tanta nervorum moles in lienem disseminatur? Quorsum illi nervi arterias splenicæ, quasi tunica, investiunt? Quorsum item à funiculo dicto exortum sumunt? si nihil commercii inter hæsc glandulas & lienem, nervis mediantibus, intercedat. Porro, quorsum funiculus nervosus utrique glandulæ strictè adeò adaligatur; & in ambas inseritur? quorsum tantus nervus tantillæ parti? profectò plusquam probabile est, aliquid adferre vel auferre ab hisce glandulis. Non autem auferre, ex eo constat, quod quicquid per has partes separatur, per alias vias manifestè exoneretur; nimirum, per foramina illa in venas, ut dictum, hiantia. Verisimile ergo est, funiculum aliquid ad has glandulas apportare, quod in iisdem separetur; & quia succus utilis est, (quantum forte nervoso generi inutilis) à provida natura cautum est, ut idem in venas restituatur denuo.

*Altera
per qua
vasa il-
lam ma-
teriam
recipit.*

Quod ad alteram difficultatem attinet: nimirum, per quas vias materia seperanda ad has partes deducatur, quid mihi ea de re probabilius videatur, ex jam dictis facile innotescit. Etenim si funiculus nervosus aliquid nervis inutile, venoso autem generi proficuum, in has partes deponat, difficultas hæc statim evanescit: habemus enim partem adferentem, de qua modo dubitabatur.

Quoad

Quoad partis hujus morbos, nihil omnino apud authores reperias: quare difficile admodum fuerit, quicquam super hac re definire. nihilominus, si conjecturæ locus sit, crederem glandularum harum obstructionem ex parte causam esse posse serosæ illius colluviei; quæ nervosum genus debilitat, tonumque partium fibrosarum enervat. An verò hæc eadem sit colluvies serosa, de qua tam copiose scripsit *Carolus Piso*, non pertinaciter asseruero. Quanquam non improbabile est, ejusdem vel consimilis generis esse. Etenim si glandulæ hæc destinantur secretioni inutilis & serosi humoris in nervos derivati, sique suo non rectè fungantur officio, sequitur necessario redundantia & colluvies serosa in nervoso genere, quæ non tantum nervos ipsos laxet, sed & fibrosas totius corporis partes enervet; multorumq; morborum seminarium producat.

C A P. XV.

De glandulis abdominis vagis.

HArum suprà in generali glandularum *Situs earum vagus.* abdominis methodo meminimus, quas tamen ad illas *mesenterii* haud incommodè referemus. Sunt enim uniusmodi fere simularis substantiæ, ejusdemque fortè generis vasis donatæ. Verum quoad situm plurimum discrepant, quippe

penunc hic, nunc illic per varias abdominis partes, saltem in multis diversæ speciei animalibus, reperiuntur. Vidimus harum nonnullas cavitati hepatis propinquas verasque lacteas ad easdem distributas; quod forte faciliorem errandi ansam illis Anatomicis dederat, qui lactearum distributionem ad hepar sensus testimonio asseruerunt. Existimo autem, aliam & præcipuam illius erroris occasionem à numerosis lymphæductibus è sinu hepatis prodeuntibus emeruisse. Verum quoad lacteas versus hepar tendentes, aliquoties deprehendimus illas non in hepar sed in glandulas dictas cavitati hepatis vicinas inseri. Quanquam autem nondum mihi contigit ductum harum lactearum ad commune receptaculum prosequi; quia tamen non procul à spinâ sitæ sunt, non dubium est, quin ob loci viciniam, facilem aditum ad illud receptaculum, aut aliquos ejusdem ramos, nanciscantur.

*Lacteas
ad has
vagas,
nonnullas
quam de-
dusi.*

Porro, in oye, bove, cane, &c. sæpè plurimas glandulas ejusdem similis substantiæ infra lumbos, suo osse sacro & utrinque ad ilia, & ad anum usque sitas vidimus. Ad quas quoque credibile est, rivulos nonnullos lactearum transferri; qui Bartholino fortè aliisque conjectandi ansam præbuerunt, lacteas non minùs ad infernas quàm supernas partes distribui. Quanquam ex libello Bartholini
de

de venis lymphaticis nuper edito, alia occasio erroris in libro præcedente de venis thoracicis admitti, assignari potest. Etenim in capite illius libri 7, videtur de venis suis lymphaticis agere, quas tamen nondum invenerat. Afferit enim venulas à se visas, vinculo levi interceptas, versus inferiora intumescere; contrà autem, versus mesenterium inanitas fuisse; quod ipsum & venis lymphaticis convenit. Ità enim eas, etiamsi minùs aptè appellare, voluit. Danda venia est primò inventori, nomina rebus à se inventis pro arbitrio imponendi, talem autem in hoc negotio se profitetur Bartholinus, etiamsi revera D. Iohannes Collega noster, circa An. 1650, eadem illa vasa invenerat, adeoque inventionem hanc Bartholino præcipuerat, poteratque jure gloriolam hanc sibi vendicare. De nomine verò parùm sumus solliciti; videntur tamen commodiùs appellari posse, aquæductus, aut lymphæductus; quippe aquosam materiam sive lympham, à partibus exterioribus in commune receptaculum, indeque in venam subclaviam vel jugularem deferunt. Si quis verò negaverit vasa Bartholini, cap. 7. lib. de venis thoracicis, fuisse vasa ejus lymphatica, quòd vasa ibi loci descripta, non aquea, sed lactea fuerint: tunc assero, lacteas ab eo visas, non profectas fuisse ab intestinis, sed fuisse lacteas secundi generis; nempe, è numero earum, quæ originè ducunt ab aliquâ glandulâ,

Vel saltem lymphæductus.

dulâ, in quam lacteæ primi generis per ramificationem terminabantur, ut suprâ explicuimus. Patet enim, in his fluxum non fuisse ab intestinis versus glandulam, sed à glandula versus commune receptaculum. Factâ quippe alicubi inter glandulam & receptaculum ligaturâ, pars illa, quæ receptaculo vicinior est, detumescit; quia nihil adest, quod humoris fluxum in illud receptaculum impediat: grandescit autem vasculum ultra ligaturam; quoniam liquor, qui curriculo ab intestinis per alias venas prioris generis ad glandulam istam remotiorem affluerat, indéque pari passu versus receptaculum properaverat, ab injecto vinculo, retardatur. Verùm, dimissa, in ulteriorem probationem, hâc *Bartholini* observatione; demus impræsentiarum, nonnullas ex his glandulis inferioribus lacteum succum ad se delatum, in commune receptaculum non refundere: tunc quærendum est, per quas vias illæ succum suum amandent. Hoc, inquam, supposito, necesse est, easdem in aliquam vicinam venam succum suum deponere.

*Lacteum
succum
ad nullas
partes de-
ferri an-
tequam
ad cor
prove-
niat.*

Parum enim interesse videtur, num in venas superiores, an inferiores inferantur lacteæ, modò in earum silem aliquas, non autem in partium habitum immediatè distribuuntur. E qualibet enim venâ in cavam via expedita est; indéque succus (sive ille supernè, sive infer-
nè,

nè, rivulos ejus subeat) brevi ad cor ipsum deducitur.

Succum autem hunc non immediatè, priusquam ad cor pertingat, in habitum partium distribui, firmo mihi argumento est; quod luculenter constet, illum in nonnullas venas, subclavias nempe, immediatè transire: ut in historia lactearum thoracicarum videre est. Non est autem naturæ mos, ejusdem materiæ dissimilem distributionis modum instituere. Etenim si materia hæc lactea per se satis idonea est, quæ in habitum partium immediatè transeat; cur maxima ejus pars primò ad cor, non autem ad alias partes dirigatur? Non dubium est, quin in corde & arteriis cum vitali sanguine commixta, aliquam alterationem, & ut ita dicam, meliorationem, sive exaltationem, priusquam inde in alias partes derivetur, acquirat. Necessè autem est, ut illa portio chyli, quæ immediatè ad partes fertur, careat illâ ulteriori elaboratione sive melioratione, atque adeò imperfectior atque ineptior, sit ad munus suum obeundum.

Conjectat quidem *D. Bartholinus*, nonnullas lacteas ad renes aut vesicam immediatè deferri, alias item ad uterum; ad mammas alias. Quod ad renes & vesicam urinariam attinet; conjectura valde improbabilis est, immediatè & ex naturæ instituto, ullas lacteas eò distribui. Non enim materiam excrementitiam in se continent,

92 *De glandulis abdominis vagis.*

tinent, sed succum utilem ex naturæ proposito, miroque artificio ex alimentis assumptis prolecutum. Minus autem credibile est, cum, à naturâ tam sollicitè in eum finem, eductum esse, ut mox cum lotio protrudatur foràs. Quapropter, si *Bartholinus* sententiæ huic patronus adesse velit, opus est, nos doceat, aliquam saltem succi hujus partem utilem prius aliorum secerni, quàm reliquum ejus in vesicam abeat; simulque vias, per quas id fiat, demonstret.

Historias *D. Bartholini* quod attinet, quas plures congestit, morbosas utique corporis conditiones præ se ferunt. Neque sanè novum est, nonnunquam in morbosis affectibus insolitos humores per urinam excerni. Si autem in dictis casibus, materia hæc à lactibus immediatè profunderet, vix ulla ratio reddi posset, cur id perpetuò iis non eveniat. Præsertim cum ex ejus sententiâ, natura vasa ista lactea huic excretioni destinaverit, idque adeò in sanis pariter ac morbois constitutionibus, sine præviâ aliquâ secretionē, contingeret.

Quid autem existimandum sit de distributione lactearum ad uterum & mammas, erit postea commodior dicendi locus.

C A P. XVI.

De glandulis thoracis & primò de thymo.


EXaminatis jam glandulis inferioris ventris, ad thoracicas proximo loco procedimus; primò verò in conspectum venit *thymus*, cavitatis hujus glandula præcipua.


Substantia ejus magnam cognitionem *Substan-*
cum pancreate ipso (de quo non ita pri-
dem egimus) obtinere videtur. Est enim
conflata ex multis similiter globulis, vel
frustulis) communi membranâ inclusis.
Estque similiter dulcis, seu potiùs delica-
tioris saporis: color item utriusque palli-
dus, simulque levissimâ sanguinis tincturâ
inficitur; pancreate tamen nonnihil mol-
lior est, præsertim in junioribus, & insu-
per caret peculiari vase excretorio.

Sita est hæc glandula in supremâ tho- *Situ:*
racis parte, inter divisiones arteriarum &
venarum subclaviarum; ut plurimum
subtus claviculas, ascendit ad infimam
colli partem. In vitulis verò aliisque non-
nullis animalibus thoracem egressa, bi-
fariam dirimitur & utrinque latera tra-
chææ arteriæ perreptans ad maxillares &
nonnunquam ad parotides usque proten-
ditur.

Thymus in foetu vitulino, jam pilis in- *In foetu*
duto, intraque mensem nascituro, amplo *vitulino,*
prin-

principio incipit paulò supra sinistram cordis auriculam, pericardio adhærens, ubi pars ejus inferior à corde ad supremam costam protensa, in angustum quasi colulum pollicari latitudine contrahitur, quod inter spinam dorsi & vasa majora thoracem egreditur. Nam hîc desunt claviculæ, *Thymus* sic egressus, mox iterùm grandescit, & trium circiter pollicum spacio supra costam dictam bifariam dirimitur partesque ejus sic divisæ, utrinque ad asperæ arteriæ latera perreptantes, & glandulas thyroïdæas prætereuntes, ad maxillares usque pertingunt, quibus ita contiguæ sunt, ut iisdem continuas esse diceres. Ex anteriore parte varios nervos excipit, & ex inferiore duos nervos insignes emit; minorem in diaphragma ramificatum, majorem in κοιλίαν μεγάλην, reticulum, & omasum, in plexum ipsum superiorem, quem ex parte constituit, inde in ejus glandulas, mesenterium, omentum, lienem, renes, uterum; testes, &c.





Figuræ Explicatio.

A. Major portio thymi extra thoracem sita.

B. Minor portio ejusdem intra thoracem contenta.

C. Angusta ejusdem continuatio.

DDD. Productiones thymi utrinque ad maxillares usque ascendentes.

E. Glandulæ thyroideæ.

aa. Glandula maxillaris.

c. Truncus posterior ductus salivalis.

d. Reditus ejusdem & unio cum anteriore.

e. Ductus utrique communis.

fg. Musculus biventer.

iiii. Glandulæ jugulares.

o. Parotis.

Magnitudo ejus diversimodè se habet: Magnitudo.
in junioribus enim (habitâ ratione magnitudinis totius animalis) multò major, quàm in senioribus. Etenim in fœtu vacino grandiusculo, *Thymus* pendebat uncias quinque & drachmas tres: In alio vero majore maturo, appropinquante partu thymus pendebat $\frac{3}{4}$ 14. In excluso bimèstri, pendebat tantum $\frac{3}{4}$ 9. Ab hac ætate æqualis fere ponderis permanet usque ad annum quintum, nisi bos sub jugum priùs missus fuerit. Nam circiter semestris
spacium
Magnitudo ejus
varietas.

spacium à labore, thymus multum absumitur, ut in annoso bove vix ejus vestigium deprehendas. Laniones testantur, se thymum bovinum usque ad annum quintum vendere posse; verum post id temporis nec sapore nec colore, nec mole junioris thymo respondere, adeoque apud ipsos nullius esse pretii. Testantur etiam, bobus subjugatis, antequam quintum annum attigerint, thymi diminutionem, eodem modo quo quinquennibus, accidere.

Thymus, in agno, per annum quasi integer permanet: verum paulò ante triennium ferè absumitur; aut certè ita obliteratur, ut vix eum agnoscas. Non ita pridem præsentibus Clariss. viris D. *Ent* & D. *King* Coll. nostris doctiss. aperui embryonem sex mensium abortivum, in quo thymus (eodem modo, quo thymus vitulinus uti modo diximus) pericardio adnascebatur, & inde bifurcatus subclaviculis extra thoracem ad tracheæ latera ascendebat. Quem propterea naturalem hujus partis situm esse arbitror. Exectus $\text{D} \text{ } \text{jj}$. ejusdem ren alteruter tantum 3 j . & glandula renalis ferè $\text{D} \text{ } \text{i}$, pendebat.

Vasa.

Porro, in scæmina pars hæc largior est, quàm in mare: & in humidis complexionibus, quàm in siccis.

Quatuor genera *vasorum*, ad hanc glandulam distribuuntur, nempe, arteriæ & venæ à jugularibus, nervi à sexto pari

pari, & à plexu subclavio, & fortè nonnulli *lymphæductus*.

Vidi enim frequenter *lymphæductus* per hanc partem decurrentes, & in venam subclaviam sese exonerantes; utrum verò eæ omnes per capillares in hujus glandulæ substantiam terminentur, an potius earum aliquæ ab aliis partibus oriundæ per eandem tantùm labantur, quò rectius è thorace in venam, in quam exonerari debent, perveniant; nondum satis perspectum habeo.

Diligenter tamen quæsi alterius generis vas, scilicet, parti huic appropriatum; quemadmodum ductus pancreatis peculiaris est. Verùm nusquam reperi, nullumque ejus vestigium comparuit; quare suspicor, eum carere ejusmodi ductu excretorio, aliisque usibus inservire; de quibus proximè agendum est.

Usus, quos Anatomici parti huic adscripserunt, sunt isti: *Primo* fulcire vasorum divisiones. *Secundò* vasa defendere à claviculæ duritie. *Tertiò*, munimentum ipsi cordi præstare.

*Usus tres
enumerantur.*

Primum facilè admittimus, quia divisiones arteriarum & venarum sub claviculis manifestè in hujus glandulæ substantiâ quasi immerguntur. Verùm hunc esse principem hujus partis usum, haud facilè concessero. Est enim usus valde ignobilis tantæque partis amplitudine indignus. Est enim in junioribus animalibus, ipso pancrea-

Primus.

E

te ma-

te major, poterátque solo membraneo tegmine vasorum fulcimentum compendiosius stabiliri.

Secundus. Secundus usus pariter admitti potest, præsertim si loco defensionis à claviculatum duritie, substituamus defensionem ab earundem compressione. Quippe in motu colli mixto, nempe partim antrorsum, partim ad alterutrum latus, fortè vasa hæc faciliè comprimerentur inter claviculas & vertebrae colli; nisi à glandulæ hujus interventu protegerentur.

Tertius. Tertius usus, quem *Bartholinus* solus videtur huic parti assignare, nimirum, ut cordi tegmen præstet, nullius momenti videtur. A quibus enim partibus, quibusve ab injuriis cor defenderetur? fateor ossa pectoris, cor undique munire & ab injuriis protegere. Verùm ea ipsa idem lædere nullo modo possunt; quoniam id ligamentis suis affixum, procul satis ab hisce ossibus remotum est, suæque insuper capsulâ undequaque clauditur.

*Alium n-
sum ex-
quiren-
dum esse.*

Haftenus igitur usum hujus nobiliorum, qui non tantum organizationem, sed & similem ejusdem substantiam respiciat, desideramus. Quippe omnes partes non solum quatenus organa sunt, sed & quatenus hoc vel illo peculiari temperamento præditæ sunt, certo alicui muneri destinantur. Etenim vix aliter ratio reddi potest, cur diversæ animalium partes hoc, potiùs quàm illo, temperamen-

to perpetuò consent. Si enim temperamenti, in muneris executione, nullus foret usus; perinde esset, num hoc, an illo modo partes contemperarentur. Concludendum ergo est, non sufficere usus, parti huic hætenus adscriptos: quod nulli eorum constitutionem illius similem respiciant. Arduum sanè est, usum ejusmodi vel probabilem asserere. Dicam tamen quid mihi hæc in re, in mentem venerit. Quatuor tantum, ut dixi, vasorum genera huic parti ministrant: quorum duæ, nempe, arteriæ & venæ, circuitui sanguinis in illâ parte inserviunt. *Lymphæ ductus* verò reductioni lymphæ in eadem parte secretæ tantum destinantur. Quartum genus, (putà, *nervi*) cui usui in hanc partem inferantur, non ita facilè est explicatu. Pars ista non est organum motus, nec dictu facilè, quorsum sensus eidem tribueretur. Certissimum est, solo tactu frui posse; Si verò consideremus partis situm, in ipso pectore sub clavicularum munimento; haud obviam erit dicere in quem finem, tactus parti tantopere ab objecto tangibili diffitæ, communicaretur. Difficilius autem erit dictu, in quem usum, habitâ totius corporis ratione, tactus ille inserviat. Crediderim ergo, nervos huic parti tributos esse; non tam sensûs causâ, quàm in alium finem; non tamen inficias iverim, partem hanc, cum nervis gaudeat, sensu quoque necessariò donari. Dico

*Authoris
sententia
de eodem.*

*Thymum
inservire.*

*Item e-
jusdem
pancrea-
tionis.*

autem, nervos ipsos in eum finem primario haud concessos esse, ut pars sensu polleat. In quem igitur finem, inquires? Si conjecturæ locus datur, *nervi* isti parti huic vel adferunt, vel auferunt, vel utrumque nimirum, vel alii nervi adferunt, alii auferunt, vel iidem successivè diversis istis muneribus incumbunt; scilicet, modò adferunt, modò auferunt. Sed quorsum, inquires, aliquid adferant! Revera pars ipsa sui ipsius gratiâ, congestionem istiusmodi nihil opus habet. Fortè liquor nutritius, quem præsertim nervi sexti paris primò imbibunt nonnullâ impuritate aut acrimoniâ nimîâ inquinatur; quam depurandî gratiâ coguntur exspuere in hanc glandulem, ubi superflue ejus partes in transitu per glandulæ substantiam secernuntur & per lymphæductus auferuntur, purusque liquor per nervos in eandem disseminatos resumitur in partium nervosarum totius corporis usum. Quod verò hic sit usus hujus glandulæ, probabiliter creditur, quia pars hæc dulcior, delicatior, & visceribus aliisque plurimis glandulis albidior est. Quare aptè proportionatur ejus temperamentum præparationi ac secretioni materiæ nutritiæ in usum nervosarum partium, quæ similiter dulcis ac delicatæ substantiæ esse debet. Idem confirmatur ex observationibus suprâ citatis, quia glandulæ hæc ampliores sunt in jumentis eo tēpore, quo graminis copia magis abundat, nèpe mense

Junio,

Junio, ex quo tempore nonnihil sensim minuuntur. Porro partes, quæ hoc succo reficiuntur & augentur, gratiores gustui sunt, quàm parenchymata viscerum, quæ sanguinis massâ potissimum aluntur.

Similiter in junioribus animalibus, quorum nervosæ partes indies plurimum augentur, thymus multò maximus reperitur: Verùm in animalibus ad summum incrementi apicem provectis (præsertim in partibus nervosis) hæ glandulæ non modo non augentur, sed fortè etiam minuuntur & exarescunt. Argumento claro, easdem tunc temporis maximam partem officio functas esse. Videmus enim partes illas, quæ in embryone utiles erant, post partum, cessante usu, subito quasi evanescere, aut saltem in aliam naturam degenerare; quales sunt arteriæ & venæ umbilicales, foramen ovale, ductus arteriosus, venosus & urachus.

Quoniam igitur glandula hæc, eâ ætate major cernitur, quâ tali nutrimento opus erat; eadèmq; mox, cessante hoc officio, minuitur & decrescit; credibile sanè est, eam huic potissimum usui destinari.

Quòd verò nervi succum nutritium depuratum in se resumunt, ex eo constat, quoniam nulla alia vasa hîc reperiuntur quæ huic muneri apta sint. Nam supra arterias & venas, ut & lymphæductus, quia venoso generi, non autem nervoso alimentum ministrant, rejecimus. Quin & haud

facile erit, nervis in hac partè usum vel probabilem, hoc denegato, assignare.

Est autem fateor, scruposa hæc sententia, multisque objectionibus obnoxia: ut nihil fore cœptum simul, & consummatum videas. Quare priusquam ulterius invium hunc tramitem ingredior, visum est sagaciorum hæc in re vestigia opperiri.

C A P. XVII.

De glandulis œsophago annexis.

IN thorace quoque aliæ glandulæ, ut plurimum duæ, aliquando plures *œsophago* peculiariter ab authoribus adscriptæ continentur; quæ in posticâ sede inter *œsophagum* & thoracis vertebrae aliquando adeò occultantur, ut vix etiam sedulo investigantium oculis appareant. Prima earum detectio diligentissimo *Vesalio* attribuitur, cujus verba hæc sunt:

Earnm ex Vesalio descriptio. pag. 595. In medio autem propemodum stomachi ductu, quâ is asperæ arteriæ in duo truncos ad pulmonem divisæ subjicitur, binas alias sæpe stomacho non modò in sed & apponit, posteriore ipsius sede & ad latera adnectit, illis planè respondentes, quas vesicæ cervicis initio in viris natura circundedit: & quemadmodum has urinae seminisque genitalis in pene meatum irrigare suo loco commemorabimus: sic etiam glandulæ hæc stomacho adnatæ, illius cavitate irrorant, ac ne ob siccitatem cibus in

ven-

ventriculum difficilius prolaberetur, salivali quodam humore imbuunt. Et alibi appellat, Glandosum corpus stomacho frequenter adnatum.

Substantia earundem glandulosa, molli, ac fungosa est: Color ut plurimum ex pallido nonnihil sanguineæ tincturæ admittit, & aliquando livescit.

Sitæ sunt in posticâ mediæ œsophagi parte, juxta quintam thoracis vertebra; nimirum, ubi ille aortæ trunco cedens, ad dextram deflectitur; ibi enim loci hæ glandulæ œsophago strictè adhærent.

Magnitudo unius, apparet instar phaseoli minoris; aliquando major, sed frequentius minor: cum minores, sunt numero plures, nimirum quatuor vel quinque.

Figura quoque earum illam phaseoli æmulatur; habent enim figuram renis inversam, nempe, convexum latus interius, & cavum exterius. Hinc non ineptè Anatomici dicunt, eas in suâ sede inspectas, renis per medium divisi figuram habere. Verùm quoties plures duabus occurrunt, aliis & variis plerumque figuris donantur.

Vasa habent, arterias & venas à ramis coronariis, nervos insignes à sexto pari, & à duodecimo vertebrarum pari, circa œsophagum prius involutos, demumque ventriculo infixos, & denique lymphæductus, qui in communem ductum chyli ferum sese exonerant.

Uſus harum glandularum apud Anatomicos duo præcipuè recensentur. Prior, œſophagum à vertebrarum duritie tueri, & ſimul cavere, ne is in alterutrum latus moveatur, & gulæ ob longitudinem hûc & illuc aliàs fluctuaturæ, ſtabilimenti ſive anchoræ vicem præſtare.

2 Ut œſophagus ab iisdem continuè humectetur, cibufque in deglutitione faciliùs delabatur.

*Rejeſſio
prima.*

Quod ad primum uſum attinet, non video cur œſophago à dorſi duritie hoc in loco plus periculi impendat, quàm in reliquâ parte ejus tranſitus per collum & thoracem; in quibus tamen caret iſtiusmodi ſulcris. Præterea ſpinæ pars interior non adeò aſpera eſt, ut œſophagum lædat, præſertim cum perioſtio & pleurâ tegatur, adeoque lubrica ſit. Oeſophagus verò ipſe lubricus quoque & hiſce membranis laxè annexus tantillâ ſuâ ceſſione facilè eludit quaſlibet injurias ab hac duritie illatas.

Porro, ubi prior iſte uſus ſuggerit hæc glandulas firmare œſophagum, ne fluctuet: non video, quî iſtuc poſſit, cum ipſæ friabiles, ſint & planè ineptæ, quæ ligamenti vicem ſufficiant. Quin & conſtat, eas hoc non perficere, cum œſophagus membranèâ connexionè cum pleurâ in ſua ſede manifeſtè detineatur.

Posterior

Posterior verò uſus, humectare interiorem œſophagi ſuperficiem, ut faciliùs cibum deglutiat; ſi vas aliquod excretorium
ab

ab hisce glandulis in gulæ cavitatem apertum monstrari posset, foret sanè nobilis; imò harum partium exilitate dignior. Verùm tantum abest, ut vas hujusmodi monstretur, ut potius alia vasa, quæ propius respiciant usum harum glandularum, pridem mihi innotuerint; nempe lymphæductus supra descripti. Adhæc, alia à naturâ comparata sunt vasa & glandulæ, humectationi gulæ peculiariter destinatæ; utpote glandulæ maxillares earumque canalis salivalis, & tonsillæ, ut ulterius infra dicetur. Restat ergo ut alium harum glandularum usum perquiramus.

Habent, ut dixi, nervos à sexto pari *Ufus ut-*
& à duodecimo vertebrarum dorsi pari; *rus.*
item lymphæductus, tum à musculis intercostalibus, tum à pericardio & partibus annexis. Ex hisce vasis, harum glandularum usus videtur optimè colligi posse. Nam quorsum lymphæductus suos latices per has partes deducerent, si liquor, quem deferunt, nihil haberet cum illis commercii? Existimo igitur glandulas hasce cuidam secretioni inservire, nimirum è lymphæ per eas decurrente, mitiorem & nutritioni aptiorem succum elicere, in usum nervorum utriusque generis sibi affixorum: reliquam verò lympham vinosiorem ac asperiores per canalem in communem ductum chyliiferum deponere.

Hic mihi in mentem venit thoracici ductus chyliiferi descriptio, centum fere ab-

hinc annis observati & evulgati à celeberrimo Anatomico *D. Bartholomæo Eustachio* libro de venâ sine pari Venetiis, anno 1564. edito. Quem locum mihi primus indicavit Collega noster ornatiss. *D. Ent.* Quia verò liber ipse rarius occurrit venalis, & quòd haud facilè quis credat hujus vasis inventionem tantæ esse antiquitatis, verba authoris hîc transcribere lubet.

p. 301.

Ad hanc (inquit) naturæ providentiam, quandam equorum venam aliàs pertinere credidi: quæ, quum artificii & admirationis plena sit, nec delectatione ac fructu careat; quamvis minimè sit ad thoracem alendum instituta; operæ precium est, ut exponatur. Itaque in illis animantibus, ab hoc ipso insigni trunco sinistro juguli, qua posterior sedes radicis venæ internæ jugularis spectat; magna quedam propago germinat; quæ præterquam quod in ejus origine hostiolum semicirculare habet: est etiam alba, & aquei humoris plena; nec longè ab ortu in duas partes scinditur; paulò post rursus coeunt in unam; quæ nullos ramos diffundens, juxta sinistrum vertebrarum latus, penetrato septo transversò, deorsum ad medium usque lumborum fertur: quò loco latior effecta, magnamque arteriam circumplexa, obscurissimum finem, mihi quæ adhuc non bene perceptum, obtinet.

Pater,

Patet, authorem vidisse & hîc descripsisse ductum ipsum chyliferum. Nam primò, à jugulari (rectius fortè à subclaviâ diceret) duplicem ejus originem deducit. Verùm intelligendus est de origine terminationis & continuationis, non autem scaturiginis. Nam hic ductus in subclaviam exoneratur, nec ex eadem quicquam, tanquam è fonte, exhaurit. Secundò, valvulam ipsam ad ostiolum, quo ductus hic subclaviam intrat, accuratè describit, eamque *ostiolum semicirculare* vocat. Tertiò, descensum vasis ad commune usque receptaculum, grâphicè depingit. Nam ab ortu (inquit) in duas partes scinditur; paulò post coeuntes in unam, quæ nullos ramos diffundens, juxta sinistrum vertebrarum latus penetrato septo transverso deorsum usque ad medium lumborum fertur. Quartò, commune etiam receptaculum non obscurè verbis sequentibus exprimit. Quo loco latior effecta, magnamque arteriam circumplexa, obscurissimum finem, &c. obtinet. Quintò, succum lacteum, quem defert, manifestè insinuat; dum propaginem albam aquei humoris plenam, vocat.

C A P. XVIII.

De glandulis thyroidæis.

Methodus Glandularum generalis ab initio proposita primo loco nos du-

cit ad eas, quæ circa *collum* & *palatum* reperiuntur, nimirum ad glandulas *thyroidæas*, *jugulares*, *parotides*, *maxillares* tum externas tum internas, easque submento, & *tonsillas*.

*Earum
ficus.*

Primò in conspectum veniunt glandulæ *thyroidææ*, quæ *sitæ* sunt circa laryngis sedem humiliorem, ad latera cartilaginum thyroididis, cricoidis primorūmq; aliquot annulorum asperæ arteriæ, quibus partibus immediatè incumbunt; ita tamen ut facilimè ab iisdem separentur, nisi ubi pertinaciùs iisdem adhærent circa earundem caput & caudam, quibus locis eorum vasa vel ingrediuntur vel egrediuntur.

Figura.

Figura earum ficum oblongum sive pyramidum aliquatenus refert; verùm eo latere, quo respiciunt asperam arteriam, non nihil excavantur; ex adversa parte acuminantur, & supernè crassiores factæ, ad ovalem figuram propius accedunt, ubi inter duas laterales prominentias quasi in capitulum externè protuberant.

Substantia.

Authores in *substantiæ* harum glandularum descriptione, videntur sibi parum constare; Ajunt enim, esse glandulas magnas & admodum fungosas; esse quoque crassas, spissas, ac veluti carneas. Verùm si spissæ, crassæ & carneæ fuerint, quî fieri potest, ut simul fungosæ admodum sint. Siquidem, quod fungosum dicitur, id etiam porosum simul & spongiosum habendum est.

Quod

Quod verò ad illarum *magnitudinem* attinet, in homine circiter 28. annos agente, earum alterutra pendebat drachmas vij. β . *Jugulares* verò numero 15. ejusdem lateris simul appensæ, non excedebant 3 ij. *Parotis* una in eodem homine pendebat 3 β , 3 β , *maxillaris* interna alterutra, 3 ij β , *thymus* vix 3 j β . *Estque Varietas.*

In foetu vaccino jam pilis prædito ult. mense gestationis, alterutra *thyroidæarum* pendebat 3 j *jugulares* ad diaphragma usque juxta vertebrae colli & thoracis descendentes vix numerabiles erant, quarum suprema 3 j. *Parotis* 3 ij. *Maxillaris* interna tantum 3 ij. *thymus* ejusdem 3 14. pondo erant.

In bove alterutra *thyroidæarum* non excedebat 3 β 3 j. *maxillaris* interna 3 ix. *thymus* 3 viij. pendebant.

Adeoque *maxillaris* octuplò minimùm, *thyroidæarum* molem in bove excedebat. Quare, si in bove cùm vicinis glandulis conferantur, exiguae potius dicendæ sunt.

Verùm dictis authoribus concedendum est, in variis animalibus, præsertim collatis inter se junioribus & senioribus, foetibusque recens natis, &c. magnam occurrere proportionis glandularum harum inter se varietatem. Etenim in homine 27. annos nato, earum alterutra 3 vij β . pendebat. Cùm interim *maxillaris* interna 3 ij β . non excedebat. Unde patet glandu-

lam hanc in homine longè superare maxillarem; quanquam, ut dixi, in bove ab eadem ut plurimum superetur. Similiter; in eodem homine hæc glandula omnibus præponderabat unius lateris jugularibus n°. 15. simul appensis, quæ 31℞ vix excedebant. Porro, superabat parotidem, quæ 34℞ pendebat; thymum quoque 31℞ tantum pondo. E contra verò, pondus harum glandularum in fœtu vaccino, penultimo gestationis mense longè aliud deprehensum est; nam alterutra *thyroidearum*, ut & maxima *jugularium*, *parotis* quoque *singulæ* 2j pendebant. *Maxillaris interna* 3ij. ejusdem verò *thymus* 3 14.

Ejus solitas.

Quod ad carneam earum substantiam spectat, ea multò magis sanguinea est, quàm cujusvis aliæ glandulæ; viscidior quoque, solidiorque ac similior carni musculosæ. Hoc solummodo interest, quod non sit fibrosa, sed potiùs glutinosa; quo nomine partes ejus firmiter inter se cohærent, & cultello quoque inter secandum multum resistunt, idque magis, propter vasorum, nempe, arteriarum, venarum & nervorum ramulos hic distributos, & propter membranas partium earum connexiones.

Vfus 4.
1.

Vfus harum glandularum primus ac præcipuus videtur, superfluas quasdam nervi recurrentis humiditates excipere, & in venosum genus denuò deducere per lymphæductus suos.

2. Car-

2. Cartilagines, alioquin frigidiores, quibus affigitur, calore suo fovere. Est enim copiosis arteriis perfusa & sanguine abundat, unde commodè vicinis partibus calorem impertit.

3. Laryngis lubricationi suis halitibus conducere, adeoque vocem læviorem, canoram, suavioremque reddere.

4. Ad colli rotunditatem & ornatum multum contribuere, implent enim vacua spacia circa laryngem, partesque ejus protuberantes ferè in lævorem ac planitiem deducunt: præsertim in fœminis, quibus ob hanc causam majores obtigerunt, eorumque colla æqualiora ac venustiora reddunt.

C A P. XIX.

De Glandulis Jugularibus.

Secundo loco spectandæ veniunt glandulæ jugulares: videntur hæ hæctenus nomine caruisse, quia verò juxta vasa jugularia sitæ sunt, *jugulares* appellavimus.

Quodammodò racematim crescunt; erant autem in corpore à me dissecto 14. in alterutro latere, (atque insuper altera oblonga, à reliquis nonnihil sejuncta, utrinque ad processûs styloïdis radicem, inter musculos cervicis & vasa jugularia latitans) quanquam hic numerus forte non est perpetuus.

Aliæ

Magnitudo.

Aliæ aliis majores sunt. Nam ab exiguitate seminis coriandri ad fabæ molem; earum magnitudo variat. Aliæ anteriores, aliæ posteriores, aliæ superiores, aliæ inferiores. Earum superiores ferè pertinent ad processum styliformem, & ad inferiorem ac posteriorem maxillarium sedem: Inferiores juxta latera thyroidæarum, inter spinam & vasa thoracica thymumque in thoracem descendunt, & in ætate provectionibus prothymo à nonnullis habentur. In agno (& magis conspicuè vitulo) hæ glandulæ valde numerosæ è gutture ad diaphragma usque secundum vertebrarum cervicis & thoracis seriem descendunt, & ejusdem ordinis videntur esse cum illis suprâ descriptis œsophagæis.

Numerus.

Color.

Illæ colli, quò inferiores, eò rubicundiores: quò superiores, eò pallidiores. Etenim eò propiùs accedunt ad maxillarium colorem, quò iisdem viciniore sunt: In equo, quam in multis aliis animalibus, albidiores sunt.

Subst. & figura.

Substantia & figura harum, iis quæ circa œsophagum, in inguinibus & sub maxillis nonnihil respondent.

Membranarum & vasorum connexion inter se mobiliter junguntur, ut & cum parotidibus ac maxillaribus.

Vasa & usus.

Vase quinti generis, sive excretorio, conspicuo destituuntur; videntur igitur ad glandulas reductivas spectare, inque eum

eum finem factæ, ut exceptam superfluum nervorum humiditatem in venas & lymphæductus sibi proximos reducant. Hoc enim hisce glandulis maxillaribus, aliisque plurimis videtur commune, nervorum superfluitates aliquas quoquo modo exonerare; sive igitur in venas, sive in aliam partem easdem deponant, usus earum respectu nervorum, ejusdem generis est.

Observatu dignum est, strumas potissimum in locis hisce glandulis vicinis contingere, quod fortè evenit, quoniam hæ glandulæ quoquo modo obstructæ, suo non satis funguntur officio.

C A P. XX.

De Parotidibus

- T**ertium genus glandularum colli, *Parotides* dicuntur. *Sitæ* sunt circa radices auriculæ, ubi foveam quandam cavam ex processûs mammillaris, ossis jugalis & posterioris processûs maxillæ inferioris, *κροσσωλίδης* dicti, protuberantiis factam, occupant. Totam auriculæ sedem ambit, multò tamen crassior latiorque in parte ejusdem inferiore cernitur, quàm in superiore. Nam paulatim, ut ascendit, attenuatur; in parte verò infima protenditur ad maxillares glandulas, quas etiam tangit. In equo multò major est hæc glandula quàm in aliis animalibus;

libus; exsecabam unam quæ pendeat 3
xj. nec tamen præternaturalis erat, aut
solito tumidior.

*Substan-
tia.*

Substantia ejus haud multò dissimilis
est illi maxillarium, quanquam paulò du-
rior & viscidior; color item parum ab illo
ejusdem distat, nisi quod in bovino ge-
nere propius ad illum thyroidæarum acce-
dit.

*Usus tres
examin.*

Anatomici glandularum harum *tres u-
sus* recensent; nimirum vasorum divisio-
nes munire, cerebri excrementa suscipere
vel emungere, & partes circumjectas hu-
medtare.

*Y. Parvi
momenti.*

Quoad *primum* attinet, nempe vasa
munire, parvi momenti est, præsertim
cum nec arteriarum nec venarum majores
rami per has glandulas deferantur, sed
anteriori solum earum crepidini contigui
sint; adeoque propagines duntaxat evi-
dentes hinc inde ramificatas intra has
glandulas immittant.

*2. Impro-
babilis.*

2 Usus, nimirum cerebri emunctoria
esse, ejusdemque excrementa suscipere;
magni momenti foret, si modò nobis o-
stenderent, per quæ vasa quòsve meatus,
humiditates illæ a cerebro huc depluant.
Humores quidem in catharris ad nares vel
palatum per foramina cibiformia mani-
festè destillant. Verùm qui sic descendunt
ad nares & palatum, facillè vel screando
vel emungendo, excernuntur. Nec cre-
dibile est, illos semel delapsos in partes,
c qui-

è quibus conspicuos & patentes exitus habent, sursum per obscuras & fortè inaccessas vias ad parotides ferri. Insuper concedimus, alium exitum è ventriculis cerebri dari, nimirum per infundibulum in glandulam pituitariam & in plexum reti-formem nervorum, ubi vel per nervos tertii paris, aut saltem cum illis cerebri superfluitates aliæ in oculorum orbitam, aliæ in partes circa os & fauces descendunt. Verùm quod sciam, nullæ harum in parotides derivantur. Cùm igitur cerebri excrementa non perveniant ad has glandulas; non video, quì possint eadem emungere, cùm declivior & apertior exitus iisdem in palatum pateat.

3. *Vsus*, partes circumjectas humectare, non magis hisce partibus, quàm aliis omnibus totius corporis humidioribus appropriatur. Siquidem omnes partes humidiores halitu suo partes vicinas madore afficiunt, lubricosque & expeditè mobiles reddunt. Verùm si velint authores, hasce glandulas humectare partes, affundendo, per vas aliquod proprium, humorem peculiarem; oportet nobis ostendat vas illud, humoris speciem, & modum quo pars, humorem excipiens, se quoque expediat.

4. Dices, eas, unctuosum illud sudamen *κνφελίδα* Græcis, Latinis verò cerumina & marmorata, dictum, sordes nempe illas in aurium alveario collectas, exspuere,

3 *Limitatur.*

4. *Proponeitur & rejicitur.*

spuere , ad meatum auditorium septumque membraneum illinendum , & eo fine auditui aliquid conferre. Respondeo , parotides non videri eo fine has sordes conficere ; quia omnium glandularum secretiones sunt potius dulces , saltem insipidae ; at hæc sudamina videntur cartilaginum excrementa , amara , & medullæ ossium instar inflammabilia. Concludo igitur , veros usus harum glandularum esse , Primò , nonnullas durioris rammi nervi quinti paris superfluitates excipere , & reducere in venas. Secundo , Aures & auriculam calore suo refocillare. Tertiò , Foveam illam in auris ambitu explere & complanare.

*Veri usus
tres.
Fall. 454.*

C A P. XXI.

De Glandulis maxillaribus.

*Earum
divis.*

*Extern.
sit.*

Quartò , Maxillares glandulæ vel in externas , vel internas dividuntur. Externæ exiguæ admodum sunt & minoris momenti , sitæ sunt exterius in mediâ ferè longitudine maxillæ inferioris , ubi exterior ramus arteriæ carotidis , venaque jugularis externa , & ramus conspicuus nervi tertii paris in musculos faciei adscendunt.

Cre-

Credibile est & admodum verisimile, eas dicti nervi superfluitates aliquas excipere, & in venam proximam transmittere, qui plurimarum glandularum mos est. *Vfus.*

Forſitan majore concitato fluxu per nervos ad faciem, quàm qui per habitum partis percolari, perque lymphæductus ad glandulam hanc remitti poſſit; facies plane ſubtumida & inflata apparet; nempe œdemaroſo tumore inflari, quemadmodum frequenter cernimus in odontalgia declinatione.

Glandulæ maxillares internæ immediate intra maxillam inferiorem ſita ſunt; Earum pars poſterior, ubi parotidi & glandulis jugularibus appropinquat; multò craſſior & rotundior eſt, ut & rubicendior; antèius progreſſa, paulatim attenuatur; mediâ autem viâ, videtur primo aſpectu ab anteriore parte quaſi diſcontinuari & recedere, reipſa tamen exiguo ramo continuoatur; dein verò nonnihil iterum craſſeſcit & cunei inſtar inter maxillam & linguæ muſculos ad mentum uſque omnino protenditur. *Internæ ſita ſit.*

Habet arterias, venas, & nervos, item *Vas.*
vas quoddam diverſi generis ſibi proprium: arterias, à carotidibus; venas à jugularibus; nervos inſignes à tertio præ-

Vas pro-
primum.

præsertim, quarto & septimo paribus, anatomoses inter se evidentes habentibus.

Vas huic parti proprium, Anatomicis hætenus incognitum fuit. Verùm haud difficulter in conspectum proferas, si præmonitus advertas illud, ortum ducere è crassiore & posteriore hujus glandulæ parte, rectaque tendere mentum versus. Antequam verò ad anteriorem ejusdem partem pervenit, ramulos subinde novos ab eadem excipit; adeoque protenditur ad medium menti spacium, ubi immediate intra gingivas in papillam quandam utrinque terminatur, qua se facile exoneret, nihil verò ab ore refluxum admittat.

Pinguedine & musculis quibusdam hæ glandulæ magna ex parte teguntur, adeò ut primo aspectu minores multò appareant quàm reipsa sunt, quemadmodum amotis illis musculis, videre est.

Substantia earum simillima est thymovitulino, vel hominis pancreati; videtur, nimirum, quasi ex frustulis plurimis aptè inter se commissis & membranarum ac vaporum ope junctis coagmentari, sapore quoque & colore thymum vituli & hominis pancreata æmulatur, & apud nos in porcis & vitulis sapidior est, cupidèque expetitur.

Quo certius hujus glandulæ genium & usum deprehenderem ipsemet, præsentè Collega nostro celeberrimo *D. Glifsono*, aperui caput bovis, in quo sperabamus,

ob

ob animalis magnitudinem, omnia ut ampliora, ita conspicua magis futura esse; summa autem diligentia quærebamus vas excretorium huic parti proprium, idque demum invenimus.


Vas hoc radices suas capillares in omnes hujus glandulæ partes æqualiter spargit; & in aliquibus geminum ramum, in aliis plures ramulos emittit. Cum geminum; è glandulæ capite, alter; alter è cauda prodit. Anterior ramus mox ab egressu extrorsum fertur versus glandulam quandam *minorem*, sitam inter intimam maxillæ partem, & hanc glandulam majorem; estque diversi generis, cineritii coloris, substantiæ compactioris, minusque granulata, & figuræ ovalis, quæ interno latere impressura levi & rotunda excavatur, è qua prodit, vas peculiare, quod recta fertur, & in glandulam hanc maxillarem distribuitur circa locum dictum. Posterior ramus, spacio trium vel quatuor digitorum è glandula egreditur; priusquam cum anteriore caudice conjungitur. Simulac verò è glandulæ substantia prodiit, fertur sub musculo maxillari tereti biventri, vel digastrico, qui eidem ramo quasi *trochleæ* vicem præstat: Exinde reflectitur ferè ad glandulæ medium, ubi cum anteriore ramo descriptio & pluribus ramulis eidem quasi sociis, unitur; & inde *canalis communis* ex horum concursu aliquantò auctior redditur. Hinc canalis ductus


ctus rectâ anteriùs tendit, & à linguæ lateribus, nimirum in inferiore ejus parte, cute & pinguedine glandulosa testus, ductu *tredecim* pollices longo provehitur, & inter gingivas in maxillæ extremitate, inter ipsam & papillas quasdam compressas & rigidas ei pertinaciter adhærentes in os aperitur, eidemque quoties usus postulat humorem salivalem impertit. In equo, circa mediam linguæ longitudinem utrinque aliæ glandulæ conspicuæ in ductum salivalem sese exonerantes occurrunt. de quibus forsân uberius dicetur posthac, cum earum varietates in cæteris animalibus examinatæ fuerint.

Tab. 1. 2. Glandulæ maxillaris.

- A. *Posterior pars ejusdem.*
 - aaa. *radices posteriores ductus salivalis*
- B. *Anterior pars glandulæ.*
 - bb. *radices anteriores ductus ejusdem.*
- C. *Truncus posterior ductus ejusdem, tendinem musculi biventris conscendens.*
- D. *Reditus ejusdem & unio cum ductu anteriore.*
- E. *Truncus communis ductus salivalis.*
- F G. *musculus biventer.*
- H. *Progressus trunci dicti versus dentes anteriores maxillæ inferioris.*
- I. *Apertio ductus salivalis sub apice linguæ prope dentes incisores maxillæ dictæ.*
- K. *Glandula rotunda maxillari assidens.*
- L. *Se-*

BIBLIOTECA NAZ.
ROMA A. M.
MUSEO





L. *Series asperitatum sub lingua latere.*

M. *Lingua extra sedem propulsa, ut vasis exitus cernatur.*

N. *Tonsilla.*

O. *Auriculæ foramen.*

Notatu dignum est, hanc glandulam, prout variatur in junioribus & senioribus animalibus, diversam servare sibi met ipsi proportionem: diversam inquam, & quodammodo contrariam illi, quam thymus in iisdem animalium ætatibus obtinet. Nam quò junius est animal; eò minor hæc glandula, major thymus: & contra, quò ætate grandius, nisi in extrema senectute, eò major hæc glandula & minor thymus. Maxillaris foetus vaccini 3 ij pendebat, thymus ejusdem 3 14. Maxillaris vituli bimestris 3 j. thymus ejusdem 3 1x. Maxillaris bovis 3 ix ß. thymus ejusdem 3 iiij. Maxillaris foetus ovini 3 j. thymus ejusdem 3 j. ß. Maxillaris agni semestris 3 ij. thymus ejusdem 3 j. ß. maxillaris ovis 3 v. thymus ejusdem fere 3 vi. ponderabat.

Ufus harum glandularum scriptores hætenus latuit, ut & ipsæ glandulæ. Utunque certum videtur, esse partes excretorias, munereque publico fungi. Et enim ubicunque vas excretorium peculiare reperitur, non putandum est, frustra; conditum fuisse sed speciali cuidam excretioni destinari. Cumque excretio

F

quæ-

quælibet determinati excrementi, humorum residuorum depurationi inferviat, quod in emolumentum totius cedit: sequitur hoc ipsum esse officii publici.

Restat autem adhuc inquiremus, quem peculiarem humorem hæc glandula seceruat & excernat, unde eundem excipiat, & quis sit ejusdem post excretionem usus.

Certissimum est, humorem hunc *salivam* esse; at per salivam non intelligo crassum illum viscidumque humorem, qui è tonsillis sreatu aut tussi (sputum dicimus) ex primitur: sed illum tenuem & aquosum, quem, Græci *σίαλον* & *σίελον* vocant; de quo sic Gorræus, *σίαλον* saliva videtur esse similis, mediocriter fluida & aquosa, est enim ei naturalis aquæ qualitas, quæ *ἁπλοῖος* est. Hujusmodiverò humorem ex hac glandula per suum vas in os exspui oculari experientia testari possumus. Enimvero in partis hujus canali, tam in homine quam in bove, humorem salivalem manifestè deprehendimus, neque quicquam præterea inerat. Quare cum vas hoc adhuc nomine careat, licebit appellare canalem sive ductum salivalem; siquidem tenuem illum humorem, quem propriè *salivam* dicimus, quique ad masticationem necessarius est, sub anteriore inferioréque linguæ parte in os effundit.

Proximo loco inquirendum est, è quibusnam

busnam partibus & per, quas vias hic humor in glandulas salivales derivetur. Credibile est, è nervoso genere profundi. si-
quidem corpora tum humidiora, tum sicciora (modò hypochondriaca) salivam copiosius exspuunt: illa, quod eorum nervi quoque superflua humiditate madescant; hæc, per consensum nausentis ventriculi. Etenim nervus sexti paris, cu-
jus magna pars in ventriculum disseminatur, origine haud longè distat à nervis ad has glandulas delatis: unde nervi maxillares facilè per consensum cum inordinato motu ejusdem sexti paris, excitantur ad consimilem motum moliendum; & copiosas humiditates in maxillares glandulas exprimunt. Idem quoque consensus ex eo promovetur, quod interior ventriculi tunica continuetur illi, quæ faucium & palati cavitatem occupat: hinc irritato gutture irritatur quoque ventriculus; & vice versa irritato ventriculo, fibræ tunicæ oris una vellicantur; ut cer-
nere est in vomiturientibus quibus copiosa saliva ex ore profluit. Etenim membrana illa inter linguam & maxillam glandulæ maxillari accumbit, adeoque mota, ex solo suo contactu excretionem ejusdem promovet. Cujus rei testimonium ulterius exhibent masticatoria omnia medicamenta, item acria quævis & pungentia in ore retenta; salivam quippe copiosè proliciunt.

Porro in magnis salivationibus, quales Mercurii opera cientur, nervi multum exsiccantur & à superflua humiditate liberantur. Quod vix contingeret, si nervi ad sialismum nihil planè conferrent. Præterea haud facile dictu est, in quem alium usum tanta nervorum copia in has glandulas deferatur. Certè motui nihil plane conducunt, nec multum sensui, quoniam ab objectis sensibilibus longe absunt. Quare aliquid vel apportant vel auferunt. Afferre autem, non auferre aliquid, ex eo constat, quod hæ glandulæ sint excretoriæ. Denique, major est quantitas materiæ salivalis per has glandulas excretæ, quàm facile credas ab exiguis illis arteriis & venis quæ ad has partes distribuuntur, adferri posse. Non negamus tamen, quin forte arteriæ quoque aliquid ad hanc humoris illius accumulationem conferant.

Tertio loco, restat despiciendum quis sit usus salivæ in os excretæ. occasionem hujus disquisitionis ministrat, quod saliva excrementum quoddam videatur, & in os partem nobilem per quam alimenta omnia ingeramus, præter rationem excerneretur, nisi insignis aliquis hic foret ejusdem usus. Dicimus igitur salivam non esse excrementum omnino inutile nec indignam esse, quæ in os ipsum deponatur. Etenim primò quasi lymphæ peculiaris ad masticationem solidorum & præsertim aridorum ciborum idonea expe-

expetitur. Absque eo enim, animalia quæ fœno, avenâ, aliisve siccis alimentis vescuntur, vix commodè ea masticare possent aut deglutire. Secundò, requiritur idem humor ad gustum, quod è siccis, tinctura sapida sine aliqua humiditatis perfusione vix educi queat. Tertiò, idem conducit ad coctionem ventriculi promovendam, quippe fermenti cujusdam vicem in ventriculo subit. Ultimo, sitim alias perpetuo molestaturam exstinguit, linguæ motum lubricat, ardorem oris, squaloremque sua humiditate temperat.

C A P. XXII.

De Tonsillis.

G Landulis hisce succedunt illæ *Fan-*
cium, quæ variis nominibus donan-
 tur. Aliis improprie *σιολόχοι*, quod sali-
 vam fundere putentur. Aliis *αἰκίδες* ab
ἀντικείῳ ἀλλήλοις, quod è regione sibi in-
 vicem opponantur. Item *παρίσθμια*,
ἀπὸ τῷ ὁρίσει τῷ ἴσθμῳ, quod in isth-
 mo vel faucium angustiiis sint. Barbaris &
 vulgo *Amygdala* dicuntur, quod à late-
 ribus faucium amygdalarum specie non-
 nihil protuberent. *Serenus* tolles vocat &
 tollia, cujus diminutivum *Tonsillæ*, quod
 nomen vulgo hodie recipitur.

Hæ glandulæ quanquam geminæ cre-
duntur, reverà tamen inter se continuæ
sunt.

sunt. Nam membranam, fauces, palatum, uvulamque sive gargarconem, obtegentem intus oblinunt, ipsamque intimam membranæ linguæ partem: utcunque non negamus, eas videri posse geminas, quod à lateribus faucium utrinque multo crassiores sint & elatiores, quam alibi: conne-ctuntur autem inter se solum tenui lata-que *productione* ejusdem glandulosæ substantiæ, quæ aliis Anatomicis, quod sciam, nondum comperta est. Optimè verò conspiciuntur in faucibus bovinis vel ovini, ut & ad radices linguæ eorundem animalium, uti diximus.

Amygdale car-diala.

Partes harum crassiores ad gutturis latera sitæ, *Amygdalæ* vocantur, quas tamen non adeò accuratè referunt. Nam in sanis multò minus protuberant, quam ut hoc nomen mereantur. Ubi verò intumescunt, in formam amygdalarum prominent, indeque verisimile est, glandulas hæc nomen istud primò obtinuisse.

Substantia car-nam.

Substantia similis tonsillarum friabilis & quasi granulata est, instar mellis aut olei frigore concreti; nisi quod firmius cohæreat, & veluti membraneâ connectione. Est similiter coloris subflavi, tactui mollis, coctione tamen induratur; quippè dum cruda est, spongiosa & porosa conspicitur, eam verò porositatem coctione amittit.

Vasa.

Quatuor *vasorum* genera huic parti infer-

ferviunt : arteriæ, venæ, nervi & sinus proprii ; habet arterias & venas à jugularibus , nervos à tertio & quarto , & forte etiam à septimo pari.

Ad ductus proprios quod attinet , *Sinus proprius.*
num habet utrinque unum communem amplum & ovalem in os apertum , intra cujus fimbriam duos majores & plures minores *sinulos* obtinet : eodem quoque modo per totam linguæ radicem glandulosam fere innumerabiles protuberantiæ instar papillarum dispersæ sunt : quarum unaquælibet in medio sinulum foraminulo perforatum habet. Ex omnibus his foraminibus per linguæ radicem sic dispositis mucus exprimitur. Ubi vero amygdalæ crassissimæ sunt , sinus earum communes aperto osculo in guttur hiat. Estque osculum hoc in bove ingens adeò , ut digitum minorem facile admittat. In ipso *Ejusque exitus.*
tamen exitu fibris quibusdam transversis nonnihil constringitur , ut , quasi vi facta , laceratum videri possit. *Fallopianus* observavit , sinus hujus aperturam , in homine quoque tumente glandulâ ulcusculum æmulari , & nonnunquam protali ab imperitis tractari ; nempe quoties osculum hoc , à copioso humorum in glandulam decubitu , nimium dehiscebat.

Glandulis hisce varii *usus* tribuuntur, *usus.* ;
i. existimant eas , cerebri humiditates excipere , additque *Riolanus* (ut cæteris

oculatio videatur) id fieri, ne decurrant in pulmones.

*Ufus pri-
mus exa-
minatur.*

Primò, quod ad defluxum pituitosi humoris è cerebro in has glandulas at-
tinet, is admodum probabilis est; si-
quidem in emunctione narium, suctione
palati & sreatu, sputum vel humo-
rem pituitoso congenerem sæpe excer-
nimus. quoniam igitur humor è naribus
stillans, è cerebro delabatur; Credibile
est, humorem quoque ab eodem fonte
in tonsillas defluere. Quod autem *Riola-
nus* existimat, humorem illum glandulæ
hujus opera intercipi, id nulli videtur
fundamento inniti. Etenim si hæ glandu-
læ abessent, quemadmodum in penna-
tis fit, quod dentibus careant, nec ci-
bum mastitent, humiditates cerebri,
immediatè in oris cavitatem, non in
thoracem decumberent. Neque enim è
cerebro in thoracem alius patet adi-
tus, quam per trachæam arteriam, cu-
jus clausuræ, epiglottis à natura præfi-
citur, ne quid ex ore, per ejus fora-
men delabatur. Porro, si excrementa
cerebri necessariò prius in os defluant,
quàm in pulmones descendant, tonsil-
læ nihil ad eorum sufflaminationem fa-
ciunt; illæ enim, humores è cerebro
delapsos, in intimas fauces exonerant,
quam proximè orificium ipsius trachææ
arteriæ: adeoque humor videtur, hoc pa-
cto, faciliùs in pulmones delapsurus,
quam

quam si aliter in oris cavitatem immediate deplueret.

Secundus usus, quem his glandulis assignant, est, humiditates è cerebro, exceptas in salivam convertere. Contra hunc usum objicimus. Primò peculiarem humorem, quem glandulæ hæ in os effundunt, non esse salivam, sed pituitam quandam sive materiam mucosam, haud multum dissimilem illiquam è naribus emungimus, quæ evidentissime distincta est à sputo illo, quod vulgo saliva dicitur. Reverà vox illa, *sputum*, genericum est, & significat, quicquid ex ore sub forma liquida vel humida exspuitur. Quatuor ergo diversa significat, quod *quadruplex* materia hoc modo ex ore rejiciatur. Primò, *saliva*, Secundò, *sputum* è pulmonibus vel tussi ejectum, Tertiò *pituita palati*, Quartò *mucosus tonsillarum*. Secundus
rejicitur
argumen-
tis duo-
bus. Quatuor
sputi si-
gnifica-
tiones.

Ad *salivam* quod attinet, ea, ut supra diximus, à glandulis maxillaribus per ductus salivales sub lingua sitos & papillas in os effunditur, multumque differt, tum ab illa materia, quæ è pulmonibus tussi expellitur, tum ab illa, quæ à tonsillis secreta exprimitur. tum etiam ab ea pituita, quæ è naribus & palato, vel ex meatu è naribus in os supra palatum subter osse, vomere dicto exsugitur.

Est enim saliva humor tenuis, aquosus, translucidus, minusque viscidus, &

plane insipidus. At vero humor, quem tonsillæ effundunt, est crassus, viscidus, magisque lubricus, albusque vel pallidus, & sapore non caret; nimirum, naturaliter dulcis est; alias autem, vel salsus, vel acidus, vel etiam amarus, quibus omnibus indiciis abunde distinguitur ab humore salivali.

2. Materia quæ *tussi* è *pulmonibus* expectoratur, (sive sanguis floridus, sive pituita sanguine striata, sive pus, sive pituita crassa & viscida, sive tenuis, sive spumosa, sive alba, sive flava, sive grisea, sive dulcis, sive foetida, sive alterius vel saporis vel coloris) adeò manifeste distinguitur ab alterutra priorum, ut vix operæ pretium sit eorum comparationi ulterius insistere.

3. Humor demum qui è *naribus* supra palatum in os affugitur; ab omnibus prædictis discriminatur; neque enim limpidus, aut insipidus est, ut saliva; simpliciorque est materia è pulmonibus rejecta; viscidior quoque minusque lubricus mucosillarum; & quoad originem quæ è cerebro est, ab hisce omnibus materiis luculentur discrepat. Concludo igitur, *salivam* proprie significare debere, liquorem per ductus salivales effusum; sputum tussi rejectum, excrementum pulmonum; humorem è naribus & supra palatum, pituitam cerebri; verum mucum mucosillarum, materiam illam, quæ per
ton-

tonsillas, de quibus nunc agimus, excernitur.

Si quis regerat, salivæ quoque nomen extendi posse ad quodvis sputum significandum. Respondeo, 1°. Nunquam, quod sciam, usurpatur pro sputo è pulmonibus rejecto, & rarò quidem pro mucosa illa materia, quam excernunt tonsillæ. Quare cum quatuor distinctas habeamus materias ab ore rejectas, æquum est, ut cuivis earum distinctam tribuamus appellationem. Quod commodius fieri nequit, quam restringendo salivam, uti diximus, ad ductus salivæ, humorem; sputum è pulmonibus, ad illum tussi elisum; humorem è palato eductum, ad cerebri pituitam; & tonsillarum mucum, ad propria earum excrementa.

Secundò, contra hunc usum objicimus, partes excretioni dicatas, gratia transmutationis humorum haud comparatas esse; quare authores improprie loquuntur, dum asserunt, has glandulas, humiditates è cerebro defluas, in salivam convertere. Credibile quidem est, defluxam è cerebro materiam, aliqualem in hisce glandulis alterationem subire. Nimirum vel per incrassationem, vel per aliqualem humoris proprii mixturam; ad cujus secretionem hæ glandulæ à natura instituuntur. Verum alterationes istæ non sunt tanti momenti, ut mereantur titulum convertendi defluxa

cerebri excrementa in salivam, immo nec in mucum; quanquam, ut antea monstravi, mucum sui generis in se continent & excernunt. Hoc ulterius illustrari potest, quod partes mutationi rerum assumptarum destinatae, nutritioni inserviant, ut ventriculus & intestina, quae chylum conficiunt. Finis enim harum partium est, alimenta ingesta ita præparare atque digerere, ut in aliam substantiam transmutari apta sint. Verum non opus est, ut partes excretoriae hujusmodi facultatibus instruantur; siquidem satis est, si materiam inutilem ab utili secerant & excernant. Sic pariter vesica urinaria & biliaria, licet excrementa aliquandiu retineant, illa tamen nequaquam mutant, sed asservant duntaxat ad tempus excretioni idoneum.

3. *Ufus
ex parte
admitti-
tur.*

Tertius usus his glandulis adscriptus, est humectare linguam, fauces, laryngem, & oesophagum. Hic usus admitti potest, nisi quod loco humectationis harum partium, malim substitui lubricationem. Saliva enim mucoso hoc humore humidior est, atque etiam copiosior; ideoque partes has humectare, illius potissimum muneri incumbit. Hic autem humor faucibus, partibusque vicinis & praesertim oesophago intus lubricandis aptior est; ut assumpta facilius deglutiantur. Est enim humor naturaliter quasi mucilagineus & lubricandis partibus maxi-

maximè accommodus. Non tamen perfractè negaverim humorem hunc nonnihil humiditatis dictis partibus adferre; sed majorem solùm humectandi virtutem salivæ concedimus: huic enim humori vim lubricandi potiore afferrimus.

Quartus usus ab aliis adductus, est, gustum adjuvare, quem aiunt sine madore non fieri. Tantum abest, ut negem, hanc partem ad gustum facere: ut potius putem eam cum membranâ, quâ tegitur, & nervis suis, esse ipsum gustûs organum, atque hunc partis hujus usum esse primarium. Verum quod aiunt, ideò ad gustum facere, quod madore suo fauces humectet, res certè vel ambigua, vel parvi momenti est. Etenim, ut jam diximus, potiores humectationis partes ad salivam spectant, quæ etiam ad tincturæ ciborum extractionem & ad masticationem plurimum contribuit; adeoque ea, proprius ad gustum facere, dicenda est. Quippè absque tincturæ aliquali extractione, sicca commodè gustari nequeunt. Cum ergò mucilagineus hic humor tincturæ proliciendæ minùs sit idoneus, cumque cibus inter masticandum minimè commisceatur, haud multum in hoc sensu ad gustum facere, putandum est. *Sed quorsum dicatur ad gustum facere, cum sit ipsum gustûs organum, uti diximus?*

4. Usus
limitatur

Madorem
tonsilla-
rum pa-
rum ad
gustum
contri-
buere.
Salivam
plurimum

Usus veri

4.

Examinatis jam aliorum sententiis , de usibus hujus paris , coronidis loco sententiam propriam summam interponam.

1.

Inprimis existimo , hanc glandulam esse primum gustûs organum , & hoc munus esse primum ejus usum. Etenim omnes oris partes , in quibus gustus perficiatur , glandula hæc solâ membranâ suâ interveniente subtendit. Non est autem naturæ mos , aliam partem inter illam , cujus munus est sentire , & organum sentiendi , interponere. Quare , cum pars hæc , ubicunque gustus exercetur , proxima sit objecto gustili ; necesse videtur ut ipsum gustûs instrumentum sit : & si instrumentum fuerit , ex concessis evincitur , idem munus , primum esse usum ejusdem partis ; cum enim hoc munus nobilissimum sit , palmam cæteris faciliè præripit.

2.

Secundò , dico , eandem glandulam esse quoque instrumentum excretorium. Quippe , ejus munus est , materiam quandam mucosam sive pituitosam à cerebri parte inferiore per nervos præsertim tertii paris , stillantem & depluentem , vel partim forsan à massa sanguinea per arterias effusam secernere & in fauces & os refundere , quemadmodum suprâ à nobis dictum est.

4.

Tertius usus hujus glandulæ est , lubricare & emollire fauces , laryngem , linguam & œsophagum : & quidem fauces , laryngem , & linguam facilioris respirationis

tionis

rionis gratiâ , utque vox suavior magisque canora reddatur; œsophagum verò, ut deglutitio facilius perficiatur. Hic quoque usus suprâ satis dilucidè explicatus est.

Quartus usus est , ut in copiosis cerebri catharris , præsertim obstructis narium meatibus , materiæ partem in spongiosam suam substantiam imbibat , atque inde in os exspuendam eructet. Hic quoque usus suprâ innotuit.

Quintus denique usus addi potest , coctionem ventriculi vi suâ fermentativâ promovere : facilè enim aciditatem contrahit , quæ rectâ ad fermentationem excitandum tendit , ejusque præcipua causa est.

C A P. XXIII.

De Glandulis Capitis , & primò de Pineali.

Methodus ab initio proposita, nos proximo loco ducit ad glandulas illas , quæ in capite reperiuntur ; sunt autem *glans pinealis* , *plexus choroides* , *glans pituitaria* , & *caruncule lacrymales* , de quibus ordine.

*Glandula capitis
enume-
rantur.*

Glans pinealis agmen ducit : Græcis dicitur *κωνίαειον* & *σῆμα κωνοειδὲς* quod nuclei pinei turbinatam figuram ex parte referat.

Sita est hæc glandula in posteriore ter-

Gland.
pinal.
situs.
& figura.

tii ventriculi sede, vel potius extra eundem. Nam in sectione *inversa*, remoto cerebello, & cruribus medullæ cerebrealis antrorsum flexis, hæc glandula extus cernitur: nimirum inter duas dictorum crurum protuberantias, quas ob qualemcunque similitudinem, aliqui *nates*; aliásque minores protuberantias vicinas, *testes*; & conarion ipsum, *penem* nominarunt. Quæ omnia fælicius nominibus istis respondent in cerebro ovino. Apex glandulæ hujus, sive conus, sursum spectat, basis deorsum.

Substantia.

Est *substantiæ* durioris cerebro, coloris pallidi, & membranâ tenui obducitur. Verum est, quod aiunt, in recens matris animalibus majorem esse, in diutius asservatis nonnihil colliquari; ubi autem dicunt, vel annihilari ad instar camphoræ aëri expositæ, vel ad salis modum in humido liquefcere, mihi non usquequaque arridet. Etenim Camphora aëri exposita in exhalationes solvitur, non sic conarion; neque quidem ad instar salis colliquationi aptum est, cum sit pars terminata, & soliditate aliis glandulis non multum inferior. Verum ideo minuitur aëri expositum; quòd liquorem, quem continebat, in venam proximam, cui annectitur, exoneret; quo factò, mollius quoque fit. Nam quod suffarcinatum est, durius; quod inanitum, flaccidius cernitur.

Vasa

Vasa habet trium generum ; arteriam, venam, & nervos. Nervi duo sunt, utrinque unus, ex ipso exortu spinalis medullæ oriundus, nimirum ab ejus *cruribus*, ubi cerebro continuantur. Exiles admodum brevesque sunt hi nervi, & ad hanc solam glandulam distribuuntur, nec egrediuntur è calvariâ. *Sylvius* nerveos funiculos appellat.

Ufus hujus glandulæ, si magnitudinem *Ufus*. spectes (vix enim pisum excedit) haud magni æstimes. Verùm, si loci, cerebri nimirum, dignitatem pensites, in quo reperitur, pluris proculdubio reputes, quàm molis ipsius exiguitas spondeat.

Anatomici, de hujus usu inter se dissentiunt. Alii distributioni vasorum per cerebrum disseminatorum præesse autumant. Verùm, hic usus nimis frivolus atque inscitus est, & vix memoratu dignus ; siquidem nulla vasa, præter arteriam, venam, nervosque proprios, ad hanc partem deferuntur. Oportet autem pars hæc sit usûs multò nobilioris, cùm in plurimis animalium generibus reperiatur. Non est enim naturæ mos constanter & in plurimis animalibus eandem partem efformare, nisi fuerit ejus usus aliquis eximius.

Alii suspicantur, valvulæ munere *Nec val-* fun-
gi, quia in transitu è quarto ventriculo in *vulæ mu-*
tertium sita est. Vult enim *Riolanus* hanc *nere fun-*
glandulam interjectam esse inter ter-
tium

tium & quartum ventriculum, ut ostioli vicem præstet, aditumque ab uno ad alterum pro re natâ vel det vel prohibeat. Ejus verba sunt: *Tanquam vulvula canalis principio imposita est, ut canalem ad quartum ventriculum claudat & aperiat.*

Si autem naturæ propositum esset, loco huic valvulam præficere, cur non membraneam extruxit? Quemadmodum alibi solet, ubicunque valvulâ opus est. Haud facile credam, naturam tantopere hîc à more, in aliis omnibus partibus usitato, recedere.

Porro hæc glandula non apponitur, uti putat *Riolanus*, ipsi transitui inter 3. & 4. ventriculum, sed posticæ tertiæ extremitati. Aditus enim à 3. ad 4. duplex occurrit, nimirum foramina duo rotunda & conspicua lenticularis magnitudinis; quorum id, quod glandulæ huic propinquius est, circiter pollicem ab eadem distat; alterum adhuc semipollicem amplius versus anteriora recedit. In ipsa verò glandulæ sede nihil commercii est inter ventriculos. Glandula itaque isthæc neque aperit, nec claudit canalem ad quartum ventriculum.

Præterea *Riolanus* videtur supponere spiritus animales in ventriculis cerebri fabricari. Hinc hujus glandulæ operâ serosos humores repelli ait; qui aliàs subito & confertim irruentes, derepente hominem citra convulsionem suffocarent. Verùm re ipsa

re ipsa ventriculi cerebri excrementis tantum expurgandis inserviunt. Etenim natura instituit *tres patentes meatus*, in quibus excrementitii humores evidenterprehenduntur, & per quos excrementa cerebri exonerantur: unum è 4. ventriculo in infundibulum, de quo mox: duos reliquos ex 1. & 2. ventriculis per nervos *olfactorios* vulgò dictos in foramina lateribus *cristæ galli* utrinque ad sita, unde in os cribrosum, atque hinc vel in palatum vel nares excrementa derivantur.

Dices, humores cerebri excrementitios per nares & palatum excretos, non è cerebri ventriculis per foramina cribriformia, sed in homine è cavitate superciliorum in osse frontis formatâ; & in brutis evidentissime è cavitatibus amplis sub cornubus, defluere. Respondeo: quamquam cavitas illa ossis frontis plerumque satis ampla cernitur, & tunicâ circumvestitur; rarissime tamen, si unquam, humor ullus in eâ continetur. At verò, sub cornubus quorundam bisulcorum, nempe damarum, ovium, caprarum, frequenter observavi materiam pituitosam instar gelatinæ inclusam esse; ex quâ, mensi Aprili, vermiculi vel galbæ plurimæ (Anglis *Maggots* dictæ, producuntur, quæ per nares & palatum descendentes & prodeuntes, brevi in muscam illam (à *Musseto* nostro) carnivoram dictam, abeunt. Sed in his quoque animalibus foramina cribriforma

formia admodum patentia sunt, in quæ meatus excretorius ab anterioribus cerebri ventriculis humores excrementitios deducit & excernit.

*Nec esse
sedem in-
tellectus.*

Alii existimant, glandulam hanc esse animæ sedem primariam, omnesque operationes animales ex eâ originem ducere.

*Bartholi-
ni argu-
menta.*

Hanc opinionem primus proposuit *Cartesius*, lib. de affect. art. 31, 32. eamque variis rationibus *Bartholinus* expugnavit; nempe, 1. Nimis exile est corpus, quàm ut omnium rerum species repræsentet. 2. Species omnium sensuum huc non appellant, quia nervi externi glandulâ non tangunt. 3. Posita est excrementotum loco, ubi species rerum inquinarentur. 4. Species sentiuntur potius ubi deferuntur; at primò deferuntur ad principium spinalis medullæ, quæ pars certè multò nobilior, majorque hâc glandulâ est; iisdemque rationibus ego quoque lubens assentior. Nam incongruū videtur, ne dicam ridiculum, principes animæ operationes parti adscribere, quæ nullam communionem cum externis organis obtinet: quomodo enim species ab iisdem excipiat, aut mandata motum imperantia eisdem communicet.

*Usus ve-
rus.*

Reiectis ergò usibus huic glandulæ hactenus attributis, alium in eorum loco substituere conabor. Glandulæ omnes videnturaliquam familiaritatem habere cum nervis, ita ut nervi aliquid vel ad eas adferant, vel ab iisdem auferant. Glandulæ
huic

huic superius duos nervos adscripsimus, quos existimo prolicere excrementitias quasdam humiditates peculiaris generis è duobus cruribus superioribus principii spinalis medullæ: eandemque adeò clariorem, rebusque percipiendis magis idoneam reddere. Sunt enim duo illa crura, superiora atque etiam inferiora sita in ipso concursu nervorum omnium, qui intra calvariam oriuntur; & propter continuitatem cum spinali medullâ, è quâ alii omnes nervi oriuntur, dici possunt eorum quasi centrum; cum actiones & passionες omnes totius corporis, per imagines suas ad hanc partem primò appellant, credibile est, in ipso confinio ejusdem cum cerebro communem sensum perfici; qui, ut clarius perficiatur, defæcationem istiusmodi hujus partis exigit. Afferò itaque, quo defæcator hæc pars cerebri servetur, glandulas duas, pinealem & pituitariam, eidem appositas esse. Et pinealem quidē, per geminos suos nervulos, recrementa superioris illius partis in spongiosas suas cavitates recipere, eademque (quoniam corpori aliter ex usu sunt) in venam suam exonerare, quæ præterea multo amplior est arteriâ sibi comite. Videturque posse plus materiæ educere, quam arteria in glandulam adduxerat. Quare probabile est, eandem præter humorem ab arteriâ allatum, excrementitiam quoque humiditatem à dictis nervulis prolectam, auferre.

Ratio

*Est exte-
nuatur
post mor-
tem.*

Ratio autem, cur pars hæc in demor-
tuis corporibus diu asservatis diminui sive
extenuari videatur, hæc est: quia cum
naturaliter spongiosa sit, quamdiu porosi-
tates ejus humiditatibus replentur, majus-
cula atque turgidula apparet; verum in
diu asservatis, compressis paulatim à fri-
gore ejus lateribus, humiditates illæ in ve-
nam dictam recipiuntur, adeoque pars
flaccescit, multoque minor quam antea
conspicitur.

C A P. XXIV.

De glandulis plexûs choroidis.

Plexus.

Nomina

Plexus choroides, qui etiam reticulā-
ris dicitur & χοραιοειδὴ πλέγμα, quod
chorio similis, & χοραιοειδὴ συσπρέγμα, quod
convolutiones secundarum nonnihil re-
ferat; proximo loco inspicendus venit.

*Situs &
exortus.*

Situs est, in tribus superioribus cerebri
ventriculis, cui verò istorum ventriculo-
rum exortum sui potissimum debeat, di-
ctu haud facilè est. Anatomici enim ejus
descriptionem ordiuntur ab anteriore se-
de superiorum ventriculorum, & nullā
exortis mentione factā, ajunt, eundem
in tertium ventriculum descendere. Vi-
dentur itaque, vel dubitasse de ejus exor-
tu, vel clam insinuasse, eundem ab ante-
rioribus sedibus primi & secundi ventricu-
li petendum esse.

Revera autem, si exortus hujus partis
ab

ab arteriarum ingressu petendus sit, neque primo & secundo ventriculo, neque etiam tertio adscribi potest. Etenim non tantum per extremitates in primo & secundo ventriculo, sed & per extremitates in tertio, juxta conarion, arterias excipit, imò & per intermedias ejusdem partes: ita ut hoc respectu nullibi exortum sibi vindicare possit. Sin verò exortus rationem ducamus ab ejus laterum unione inter se, tum manifeste dicetur oriri prope conarion: Nihilominus, si velimus ductum sanguinis sequi, haud inauspicatò à primo & secundo ventriculo ejus descriptionem ordiemur. Quo sensu, assentiri illis anatomicis, qui inde deducunt, non gravarer: quanquam mihi pòtior videtur illa describendi illius ratio, quæ à partium unione petitur. Sumendo igitur exortum à conario non procul à sinu quarto sub duobus cruribus fornicis posterioribus, dico eum ab initio latum & aliquandiu unitum rectà antrorsum protendi per uncie fere spacium, dein quasi in alas dividi, nempe partes ejus, dextram & sinistram, latitudine servatà, ab invicem paulatim utrinque recedere, & paulò post ascendere in primum & secundum ventriculum, nempe portionem ejus dextram in primū; sinistram verò, in secundum. Hinc reflecti denuò à lateribus septi lucidi versus posteriorem dictorum ventriculorum partem, simulque extrorsum nonnihil declinare.

Ad

Ad quam simul ac appulerit, denuo reflectitur versus anteriorem horum ventriculorum sedem, in quo progressu, posteriora, exteriora & anteriora latera crurum medullæ cerebialis ambit.

*Ejusdem
partes.*

Componitur hic plexus ex tribus partium generibus, membrana, vasis & glandulis.

Membrana.

Membrana admodum tenuis est, videturque in eum finem exstructa, ut vasa & glandulas in situ suo præservet.

Vasa.

Vasa sunt saltem arteriæ & venæ. *Riolanus* solas venas admittit. *Fallopins* autem solas arterias. Verisimilius verò est ex utroque genere constare. Venæ enim nulliusui sunt, ubi desunt arteriæ, nec arteriæ tutò in partem aliquam distribui possunt, si venæ abfuerint, quæ sanguinem affluentem regerant. Porro, sensuum testimonio constat, duo vasorum genera è quarto sinu in hunc plexum emitti; alterum rubicundius & majus: alterum exilius & pallidius; Hoc ad arteriosum; illud ad venosum genus referimus.

Habet ergo plexus hic arterias & venas: & arterias quidem triplicis originis:

I.

1. Prima est ab anterioribus arteriæ soporalis ramis quæ juncti per anastomoses, versus processum cerebri mammillarem tendunt, ibique sub falce reflectuntur ad posteriorem usque cerebri partem, ubi anastomoses iterum instituunt cum ramulis cervicalibus, è quibus surculos juxta
cōna-

conarii latera in hunc plexum immittunt : & propterea, ut diximus, si hujus partis exortus debeat arteriarum ingressui, non minus huic loco quàm alteri cuivis attribui possit.

2. Secunda propagatio arteriarum in hanc partem derivata, est illa, quæ oritur à posteriore ramo soporali juncto per anastomosin cùm cervicali. Ab his enim unitis communis ramus emittitur, qui retrorsum & extrorsum flexus, cerebri medullæ crura circumit, ubi ramulum apici alæ hujus plexus utriusque distribuit.

3. Tertia arteriarum classis, est illarum, quæ hîc illîc à tenui membranâ per cerebri substantiam in varias ejusdem plexus partes tendunt, & per anastomosin cùm nominatis ejusdem arteriis coeunt.

Habet quoque hic plexus suas venas, *Plexus easque valde conspicuas, nimirum ubi coeunt in duos truncos conarion versus decurrentes. Verùm primæ earum capillares adeò exiles sunt, ut sensum fere effugiant; confluentes autem, ut dixi, in duas venas majusculas desinunt; atque istæ, ubi ad conarion pertingunt, in canalem unum coalescunt, conario arctè affixum, qui glandulam illam prætergressus, mutat nomen, & vas venosum dicitur; exoneratur autem in sinum quartum.*

Quoad usum horum vasorum, non dubium est, quin, ut in aliis corporis partibus,

arteriæ sanguinem vitalem caloremque hûc affundant, venæque calefacto jam & vivificato cerebro, sanguinis partem reportent.

Dixi hunc plexum continere saltem arterias & venas, quas utrasque jam monstravi. An verò præter eas, alio vase fruatur, valde dubium est. Reliquæ omnes glandulæ totius corporis *nervis* gaudent, nullusque alibi plexus deprehenditur, *nervis* planè destitutus. Quare credibile est, *nervosas* quoque nonnullas fibras hisce glandulis attribui, quamvis ob exilitatem cerni nequeunt. Verùm hâc de re nolim perfractè quicquam statuere.

Glandule in hoc plexu sitæ exiles admodum ac numerosæ seu potius innumeræ sunt. Rubicundæ omnes & prope sphaericæ, tantillum solum compressæ. Frequentiores sunt in plexûs partibus in primum & secundum ventriculum protensis. Ulus harum glandularum particularis, quodammodo involvitur in generali totius plexus usu, de quo nunc dicendum est.

*Earum
plexusq;
totius us-
us.*

*Varia o-
piniones.*

Anatomici de hujus plexus usu, nihil inter se dissentiunt, abeuntque fere in tres sententias.

Prima est, eam continere sanguinem ad cerebri nutritionem; ut voluit *Riolanus*.

Secunda est; superfluas humiditates imbibere; ut visum est *Varoli*.

Tertia; Spiritus animales generare; ut
Colum-

Columbus : vel sanguinem ad spirituum animalium generationem præparare ; ut *Columbi sententiam* attemperat *Veslingius*.

Quod ad *primam* opinionem , nempe , *Riolani* attinet. Hæc vasa sanguinem continere ad cerebri nutritionem ; etiamsi daremus cerebrum sanguine nutriri, haud tamen vasorum horum usum sententia illa rectè exprimeret. Nam continere sanguinem ; est quasi in repositoio vel promptuario eundem absque motu ad utendi tempus asservare. Verùm in hisce locis sanguis nunquam stagnat, aut subsistit, sed in perpetuo fluxu ac reflexu est ; in fluxu quidem versus cerebrum per arterias , & refluxu ab eodem per venas.

Varolii sententia, cum *Riolani* , ex parte pugnat ; nempe, hunc plexum cerebri humiditates imbibere. Si enim nutrit cerebrum , non potest simul humiditates auferre. Quippe nutritio humectationem quandam subinfert. Verùm nonnulli du-

Nec ejusdem humiditates imbibere.

bitant (& fortassis meritò) numnam omnes corporis partes sanguine nutrian-
tur , cujus quæstionis decisio ad præsens institutum nihil attinet.

Quare contra *Varolium* aliud ratiocinium afferendum est. Plexum hunc esse partem exiguam , & cavitate in quam humiditates assumat , destitui ; carere etiam vasis per quæ easdem excernat : humiditates quoque cerebri copiosas esse , vasa-
que conspicua , quibus exonerentur, po-

stulare. Dari quoq; alia vasa evidentia per quæ superfluæ cerebri humiditates manifestè ad nares & palatum deponantur; suprà ostendimus.

*Nequē
spiritus
animales
generare.*

Quod ad *tertiam* opinionem attinet; plexum hunc spiritus animales generare, vel saltem præparare; eidem assentiri non possum. Supponit enim spiritus animales in cerebri ventriculis generari. Cùm reverà ventriculorum horum usus alius non sit, quàm excrementorum cerebri receptio & derivatio ad foramina excretoria ad latera galli cristæ sita, ut infrà fusiùs explicuimus in descriptione glandulæ pituitariæ. Rejēctis itaque hisce usibus, alios in eorum locum sufficere conabor.

*Usus veri
hujusple-
xis qua-
ntor.*

Primus est, Plexum hunc ventriculorum coalitum impedire.

Secundus, Uberiori sanguinis affluxu cerebri medullium calefacere.

Tertius, motum aliquem cerebro impertire.

Quartus, calidis suis exhalationibus transpirationem cerebri facilitare.

*x. Coale-
scentiam
ventricu-
lorum
præcave-
re.*

Primus usus hujus plexûs propositus, nimirum, ventriculorum coalitum impedire, eò magis necessarius videtur, quò minus ab invicem distant parietes ventriculorum oppositi. Superioris enim parietis interior tunica incumbit, & contigua est parietis inferioris tunicæ; nisi quod plexus iste, ejusque numerosæ glandulæ interveniunt,

niunt; quæ cunei instar dictos parietes ab invicem aliquatenus divisos servant. Eò autem facilius alioquin coalescerent eorum contiguæ membranæ, quòd mollis, humidæ ac glutinosæ substantiæ sint.

Secundus ejusdem plexûs usus est, uberiori sanguinis affluxu meditullium cerebri calefacere. Ingens est cerebri moles, ejusque temperamentum frigidum ac humidum, ut ergo moderatè incalescat, videtur indigere majore arteriarum copiâ, quàm tener & friabilis mollisque tonus ejusdem ferre poterat. Prudenter itaque natura commenta est frequentes anastomoses inter omnes cerebri arterias. Nam soporales antrorsum tendentes, anastomosis non tantum inter se, sed duplicem cum arteriis cervicalibus circa cerebri basin constituunt. Propaginesque ab arteriis sic unitis frequenter sibi invicem occurrunt, aliasque subinde anastomoses efficiunt; atque hoc modo pluribus in locis cerebrum tangunt, quàm possent, si absque anastomosibus rectà ferrentur ad partes, in quas se exonerare debent; & hoc contactu idem potentius calefaciunt. nullâ vel quàm minimâ interim vi partibus ejus illatâ. Quare in cerebro, ut & in testiculis, arteriæ numerosiores apparent, quàm sanguinis quantitas, quo cerebrum perluendum erat; postulare videtur. Quoniam verò majores arteriarum anastomoses ad cerebri usque meditullium pervenire

2. Cerebrum calefacere.

non poterant, aliam natura excogitavit machinam, quâ intimas cerebri partes calore sufficienter perfunderet; nimirum, hosce plexus commenta est: qui similiter ne minima quidem vi illata, easdem abundè calefaciant. Quia verò necesse erat, ut sanguis qui per arterias in plexum hunc effunderetur, per venas (circuitu ejusdem hoc postulante) reduceretur. Addidit natura in tota ejusdem textura innumeras glandulas, in quas, extremitates tum harum arteriolarum, tum venularum terminarentur. Atque adeò extremitates venarum sanguinem ab arteriarum extremitatibus in glandulas illas effusum, commodè exciperent, & in cavam reducerent. Quòd verò hæ glandulæ spongiosæ sint, magnitudinisque ratione habita, copiosum sanguinis affluxum admittant, & in venas transmittant; ex eo innotescit, quod colore sanguineo saturo; præter aliarum glandularum morem, inficiantur & resplendeant.

Si quæras, quorsum cerebri medulla exigua admodum portione sanguinis perluenda fuerit?

Respondeo, ne aliàs candidus ejusdem color obscuraretur, & imagines sive rerum ideæ eidem impressæ oblitterarentur. Est enim medulla cerebri albissima, & exilibus ac fere inconspicuis arteriis & venis irrigua. Eo nimirum fine ut omnimodas rerum ideas facilius admittat. Tantillæ autem

autem arteriæ eidem calefaciendo minime sufficerent. Ut ego natura ulteriori calefactioni prospiceret, idque citra sanguinis inundationem, plexum hunc in hisce cerebri ventriculis, ut suprâ descripsimus, inferuit. Atque hunc hujus plexus usum principem putamus.

Tertius usus addi potest, nempe motum aliquem cerebro communicare. Existimat quidem *Laurentius*, cerebrum propriâ quâdam & insitâ virtute se movere. Verum, cum omnimodis motus organis, villis nempe destituatur; haud verisimile est: id ita contingere. Imò modus, quo possibiliter se propria vi sine villis moveat, planè concipi nequit. Nihilominus motus quidam cerebro, cogente sensuum testimonio, imò & necessario usu, concedendus est. Nempe, tum ut materiam illam, quæ in nervos influit, facilius à se in eosdem protrudat; tum ut proclivius quoque excrementa sua in ventriculos expellat, & è ventriculis excernat. Hunc motum partim ab arteriis, per anastomoses suprâ descriptas conjunctis, partim ab arteriis plexus, aliisque omnibus per substantiam sive cerebri sive membranarum ejusdem distributis, ortum ducere putamus. Etenim cum dilatantur arteriæ in cerebrum dispersæ, necesse est unâ dilatetur cerebrum; iisdemque subsidentibus, unâ quoque subsidat. Arteriæ enim dilatatæ, majorem locum postulant; & contractæ

3. *Certe
brum mo-
vere.*

minorem. Quare, necesse est, ut cerebri substantia hisce motibus cedat, adeoque ipsa unà dilatetur & contrahatur.

4. *Transpirationem facili-
tare.*

Ultimus usus superest, nempe, calidis suis halitibus insensilem cerebri transpirationem promovere. Promovent enim illi halitus ex plexu spirantes hanc transpirationem dupliciter: nempe, calore suo eandem excitando, & similitudine substantiæ vapores excitatos unà secum educendo. Id ergo ex parte hinc agunt plexus huius halitus, quod in pulmonibus aer attractus. Nam aer inspirando attractus, evocat & in se recipit exhalationes sanguinis per pulmones decurrentis. Similiter, halitus hi alliciunt & excipiunt vapores cerebri perspirabiles, & unà secum per os cribri-forme ad nares derivant. Sciendum enim est, cerebrum extrinsecus undique circumvolvi dura meninge, densissimâ illâ quidem membranâ, & solidis cranii ossibus arctè inter se commissis, unde illac difficillimus exhalationibus pateat exitus. Quoniam verò, ubi calor cum humiditate conjunctus reperitur, ibi necessario exhalationes excitantur; & requiritur, ut viæ, satis patulæ, per quas illæ faciliè expirent, à natura comparatæ sint. Cùmque, ut diximus, per cerebri circumferentiam ægrius emittantur; verisimile est, eas, per alias vias, scilicet, illas per quas excrementa ventriculorum cerebri excernuntur, potissimum exhalare; nempe, per foramina ad late-

latera cristæ galli sita , & per infundibulum & per foramina aurium. Experientia enim nos docet , quòd quandocunque illa spiracula cerebri crassâ pituitâ aut aliis crudis fluxionibus obturantur , capitis gravedinem , hebetudinem & repletionem percipi : quæ affectiones ad apertis illis meatibus , subito evanescunt.

Idem confirmari potest ex levamine cerebri , quod percipitur ex sternutatione , scilicet illâ ab intus , non ab extrâ excitatâ. Nihilominus non hîc assero , omnes exhalationes in cerebro excitatas specie vaporis expirare ; quin plurimas earum posse in liquorem illum quem *lympham* vocant , condensari , & fortasse per lymphæ ductus quosdam nondum satis exploratos exportari.

Accidit frequenter in apoplexiâ , arterias & venas , ipsâsque glandulas hujus plexûs intumescere ; quo casu facilè fit , ut sanguis dictas glandulas infarciens , cùm permeare non possit , cumque novo subinde affluxu ab arteriis impellatur , glandulas dictas disrumpat , aut venarum capillarium orificia divellat , atque in cerebri ventriculos effundatur. Hinc frequenter in iis , qui Apoplectici moriuntur , hosce ventriculos sanguine repletos deprehendimus. Et nonnunquam fortè fit , ut consimilibus morbis occumbentes largam sanguinis copiam etiam post obitum , è naribus suis profundant.

C A P. XXV.

De Glandula Pituitaria.

Ejus si-
tus.

Glandula pituitaria σφηνοειδής vel cune-
alis, sita est in ipsa cellæ equinæ ca-
vitate, extra duram meningem, ita tamen
ut ipsa meninx à parte anteriore & poste-
riore glandulæ, ossis sphænoidis proces-
sibus firmiter affigatur, adeoque situs ejus
stabilis ac permanens redditur. Meninx
verò ipsa ulterius protenditur & pertingit
ad glandulæ summitatem, quam supernè
investit, infundibuli ingressui tantum ce-
dens.

Figura

& sub-
stantia.

Figura nonnihil depressa est, supernè
cava vel sima, infernè gibbosa, in ambitu
ferè quadrata. *Substantia* ejus durior &
compactior est, quàm aliarum glandula-
rum. In homine pisi majoris magnitudi-
nem haud multum superat. Est tamen ma-
jor nonnihil pineali. *Color* ex albo & san-
guineo mixtus.

De *vasis* hujus glandulæ nihil apud au-
thores reperias; non tamen dubitandum
est, quin arterias à Carotidibus, venas à
jugularibus, & quidem admodum conspi-
cuas obtineat.

Nervos item habet à plexu retiformi u-
trinque adjacente, quibus in se distributis
illi plexui pertinaciter adhæret. Excipit
etiam *vas* quoddam vel *canalem* è quarto
ventriculo cerebri in hanc glandulam de-
pen-

pendentem. Vulgò hic canalis nomine *infundibuli* venit; quòd crederent hætenus Anatomici vulgaris *infundibuli* speciem referre; & revera tabulæ quibus depingunt hunc ductum, planè *infundibuli* formam præ se ferunt. Etenim supernè unguis latitudinem æquat, infernè propemodum in conum desinit. Interim hic ductus tantillo amplior est parte suâ superna, quàm inferna. Illa verò latitudo, quam tribuunt anatomici supernæ ejus parti, spectat ad membranam *tenuem*, quam pertundit cuique in illo transitu adnascitur. Aliàs verò ductus hic, *infundibulum* dictus, superna suâ parte aptè quadrat magnitudini foraminis excretorii quarti ventriculi, cui in ambitu per medullarem quandam substantiam, corticis cerebri simillimam, undique connectitur. Constat enim *infundibulum* duplici substantiâ, extrâ membranæ, intus medullari: & membranæ quidem ejus pars, undique, ut dixi, tenui meningi annectitur: medullaris verò, similiter undique margini foraminis quarti ventriculi continuatur.

Canalis hic tenuem membranam egres-
sus, oblique retrorsum fertur, donec ad
anteriorem hujus glandulæ partem per-
veniat; ubi crassâ membranâ pertusâ ean-
dem subintrat; & diviso tamen canali in fo-
ramina exigua, quæ demum partem mem-
branæ glandulæ posteriorem pertundunt.

*Ufus se-
cundum
Bauhi-
num.*

Ufus hujus glandulæ, secundum *Bauhi-
num*, est cerebri humiditates excipere, &
in palatum per quatuor foramina in calva-
riæ basi exsculpta derivare. Afferit enim
ad latera hujus glandulæ canales duos in
osse utrinque cavatos descendere: unum
in foramen anterius, per quod secundum
par nervorum deducitur, descendere:
Alterum in posterius descendere, & per
asperam rimam duci ad latera foraminis,
ramum carotidis insigniorem in calvariam
transmittentis. Non nego quidem, dari
quatuor illa foramina in osse cuneiformi
excavata, atque etiam complura aliâ: Ve-
rùm quatuor canales ab hac glandula in
illa foramina deduci, id mihi nondum
compertum est, quanquam deditâ operâ
sedulôque ea in dictis locis non semel
quæsi. Verùm foramina illa omnia, va-
sis ingredientibus vel egredientibus alte-
rius generis & diversis à dictis *Bauhini*
canalibus replentur. Quare vel alius hujus
glandulæ usus, vel alius modus perducen-
di cerebri humiditates ad palatum, inve-
niendus est;

*Alius u-
sus secun-
dum Bar-
tholinum*

Bartholinus præter hunc, alium usum
affert; nempe, claudere infundibulum,
nè spiritus animales egrediantur. Quæ
sententia cum priorè evidenter pugnant;
undè subit mirari, *Bartholinum* utrum-
que admisisse. Etenim prior usus statuit
copiosa atque crassa cerebri excrementa
per carnem bibulam & spongiosam hujus
glan-

glandulæ permeare : Si autem crassi & aquosi humores eam permeant ; quî fieri potest , ut eadem obturet infundibulum , idque adeò , ut ne spiritus quidem animales quanquam subtilissimos , egredi permittat. Si naturæ scopus fuisset , obturare infundibulum , ne spiritus egredierentur , compendiosus tutiusque id egisset objectâ qualicunque membranulâ ; Verùm natura nunquam solet meatum exstruere , ut eundem mox obturet : nisi prius ejusdem usus prorsus cessaverit , ut fit in clausura foraminis ovalis post partum. Verùm infundibulum durante vita permanet, & si usus ejusdem sit excrementa deponere , ridiculum est , idem obturare. Quare hunc usum *Bartholini* nequaquam admittendum censeo. Quisnam autem alius in illius locum substituendus est ? Certè idem , quem ex parte *Bauhinus* huic parti adscripsit , sed aliter explicandus. Nam certissimum est , infundibulum in infima ventriculorum parte situm , commodissimè posse excrementa vel humiditates cerebri superfluas excipere : & porrò , primum & secundum ventriculum per duas oblongas rimas se in tertium exonerare ; tertiumque per duo foramina in quartum patentia. Infundibulum igitur potest excipere cujusvis ventriculi excrementa ; nimirum , si ad quartum fortè decubuerint. Non enim me latet duos alios meatus , unum è primo , alterum è secundo.

Qui rejicitur.

ventriculo patere, qui sua excrementa in foramina ad latera cristæ galli sita deponunt. Nihilominus cum conspicuus sit aditus, isque declivis ab omnibus ventriculis in infundibulum; vix fieri potest, quin plurimæ ejusdem humiditates in idem distillent. Hoc dato, necesse est, illas humiditates derivari in hanc glandulam: siquidem canalus ille in nullam aliam partem, præterquam in eandem, terminatur.

Magna adhuc restat difficultas circa hujus glandulæ usum. Si enim ideò tantum superfluitates exciperet, ut per suam substantiam transmitteret, ejus parenchyma inutile foret. Etenim ductus pervius absque parenchymate ad hoc munus obeundum sufficeret, imò amoto obice, quem caro glandulæ objicit, facilius idem præstaret. Insuper, si ductus infundibuli tantillum produceretur, nimirum ad posteriores sellæ processus, ubi glandula se exonerat, & humiditates exceptæ evacuari debent, minore cum negotio easdem ibidem deponeret. Cum ergo nullatenus concedendum sit, parenchyma glandulæ frustra factum esse; peculiaris eidem usus, in ordine ad materiam per infundibulum exceptam, adscribendus est. Oportet igitur aliquo modo se exercean, vel per viam alterationis, vel per viam secretionis circa dictam materiam. Quid autem alterando ageret, aut in quem finem, vix fingi potest.

Imò

*Verus usus expos-
vitur.*

Imò impossibile videtur , tantillum parenchyma posse tam copioso latici materię alterationem imprimere. Quare necesse est , aliquid agat circa eandem , per modum secretionis. Quid autem, inquires, secernit? Respondeo, superfluas cerebri humiditates, quanquam reipsa excrementosæ reputandæ sint , respectu ipsius cerebri; respectu tamen aliarum partium , aliquid succi nutritii in se continere posse, & munus hujus parenchymatis esse , illum succum nutritium à parte excrementitia secernere. Sed quò transferat selectum hunc succum? Nimirum, in plexus retiformes nervorum sibi connexos transfertur, indeque per nervos alios distribuitur in partes quibus usui est. Quid demum fit de materia excrementitia? Dico, eam per minuta foramina (in majoribus animalibus facilè conspicienda) in parte glandulæ posteriore sita excerni , & à posteriore sellæ equinæ parte utrinque delabi ad fibrarum filamenta , sive fibrosum laxumque *funiculum* nervorum tertii paris mox ab egressu ejusdem à crassâ meninge. Cujus spongiosis & peramplis ibi loci ramis , credibile est, hasce humiditates imbibi & transferri vel ad oculos vel tonsillas, vel glandulas maxillares; quarum ope hæ omnes, prout earum natura postulat, humectantur. Hoc eò confirmatur, quòd circa horum nervorum radices statim atque egressæ fuerint hujusmodi humiditates stagnantes

res perpetuò observentur, quæ à nulla alia parte, præterquam ab hac glandula, dimanare possunt.

C A P. XXVI.

De Glandulis oculorum.

DUæ reperiuntur glandulæ in alterutro oculo, quarum altera in majore cantho sita, *caruncula lachrymalis* audit, *Galenus* & *Scarbis*, *Columbo* oculi inferior. Altera quæ in superiore & exteriori oculi regione sedem obtinet, nomine caret, nisi periphrasis pro nomine habeatur.

Sitns.

Prior harum glandularum, nempe, *caruncula lachrymalis*, spongiosa, mollis, laxa, parva & rara; partim, ut dictum, majorem oculi angulum occupat, ubi etiam in viventibus ejus portiuncula cerni potest; partim in exsculpta primi ossis maxillæ superioris cavitate, per quam pervium in nares ab oculo patet foramen, cujus hæc glandula quasi operimentum est. Hanc unam solam manifestam & perpetuam esse asserunt *Fallopianus*, *Bauhinus* & *Bartholinus*. Verum mihi nondum contigit alterius defectum in quovis animali cui glandulæ istæ usui esse possint, observare. In brutis autem, nimirum in oculo bovino, ovino, & equino glandula hæc non ad oculi canthum ita apponitur, ut exterius conspiciatur. Verum ejus loco prominet tuberculum exterius membræneum,

neum, interius cartilagineum; cui appenditur glandula quædam oblonga, continens in media sui longitudine cartilagineum latam & longam. Existimo tamen cartilagineum hanc aliquo modo conducere ad membranæ deterforiæ expansionem, quæ animalium horum oculis concessa est; quemadmodum plurimis avibus, & piscibus quoque nonnullis, membrana solum obrigit.

• *Vasa* glandulæ lachrymali appropriata *Vasa* sunt arteriæ, venæ, nervi, & fortè puncta lachrymalia. Arteriæ, à soporalibus; venæ, à jugularibus; nervi, à secundo, tertio, quarto & octavo paribus, qui per *plexum* decurrunt; & licet secundum par, ut *Fallopianus* observavit, in quatuor tantum oculorum musculos insumitur; *plexum* tamen gratiâ hisce etiam glandulis, quam minus directè, tribuuntur.

• *Puncta lachrymalia* quoque videntur *Puncta lachrymalia* aliquo modo ad hanc glandulam spectare. Etenim foraminum horum ora, quanquam in limbis extremis palpebrarum cartilagineis, *tharsis* dictis, juxta carunculam lachrymalem primùm aperiuntur, mox tamen eorum ductus versus carunculam eandem deflectuntur; ita ut subtùs immediatè eandem amplectantur, ejusque humiditates, si quas exspuat, exeipiant.

His glandulis Anatomici varios usus *Usus* 1. adscribunt: 1. Ut operiant foramina ossis maxillaris in nares; qui usus non sic intelligi

telligi debet, quasi naturæ scopus sit, hæc foramina penitus occludere. Frustra enim fit meatus, eo fine, ut mox obturetur. Dicendum ergo est, hanc glandulam non penitus claudere ductum hunc in nares; verum complanare tantum rimam illam, siue foramen ossi narium insculptum, quod aliàs indecorè hiaret; nimirum id, per quod puncta lachrymalia sese exonerant. Ita verò huic foramini adaptatur, ut facilè lachrymas ex oculo in nares delabi patiatur, sed recursum omnem è naribus in oculum impediat.

Ufus. 2. Secundus usus eisdem attributus, est, oculos humectare. Videntur Anatomici ab hoc usu glandulas hæc *lachrymales* appellasse: Verùm quomodo glandulæ istæ humiditates has exspuant, vel per quæ vasa easdem excipiant, nemo adhuc demonstravit. Enimverò hæc glandulæ per exiguæ sunt, & multum humiditatis in se coacervare nequeunt, nè vicesimam quidem lachrymatum partem quæ tantillo temporis spacio à nonnullis profunduntur. Non tamen negandum videtur, easdem humiditates aliquas (quanquam non eâ copiâ, quâ lachrymæ stillant) suppeditare. Quod verò aiunt, erosâ vel absumptâ hâc glandulâ, oriri fistulam lachrymalem, adeoque laborantes illo morbo, lachrymas continuè effundere; non satis evincit, lachrymas omnes ab hâc glandulâ promanare. Non enim existimandum, eas ab
ulce-

ulcerosa parte stillare; cum puriores sint, quàm ut ulceri originem debeant. Verùm sordes ulceris membranas oculorum irritantes occasionem ministrant perpetuò lachrymandi; haud aliter atque iis accidit qui festucas, arenulas, aut humores pungentes, imò acia cæparum incisarum effluvia, in oculos suos excipiunt.

Tertius usus à *Bauhino* asseritur; nimium, præcavere exulcerationem illam, quam *fistulam lachrymalem* vocant: vult enim inservire in tutelam ossis. Non dubium est, quin aliquid emolumenti ossi, ex vicinitate carnium quibus tegitur, accedat. Verum non necesse est, erosâ hâc carunculâ fistulam reddi incurabilem; quod tamen sequeretur, si hæc caruncula necessaria foret ad ossis tutelam. Vidimus enim fistulam lachrymalem, post abiûmpcionem hujus carunculæ, sanatam: Quod fieri non posset, secundum *Bauhini* sententiam.

Quartus usus est, aqueas cerebri superfluitates expurgare. Hunc usum proponit *Placentinus*, verùm ingenuè fatetur, *Sen- sum nobis denegare viam per quam hoc fiat.* *Atratione*, inquit, ut doctore, uti possumus, qui *venas quasdam cerebri & oculi communes indicat, nec non foramina quasdam satis conspicua in ethmoide siue cribri-formi osse, &c.* in quam sententiam *Rhasin* quoque citat. Verùm hæ opinio vix sibi satis constat. Etenim, si lachrymæ ad

*Tertius
rejecitur;*

*Quartus
explica-
tur.*

*Placenti-
ni senten-
tia corri-
gitur.*

ocu-

oculum per venas deferrentur, quî fieri potest, ut eadem per foramina ossis cribriformis deducantur? Natura enim nunquam tam diversa organa, tamque dissimilia eidem muneri destinat. Verùm ad venas quod attinet, facillimè evincitur, hoc munus illis minimè convenire. Circuitus enim sanguinis satis dilucidè demonstrat, eas tantum sanguinem ab oculo, non autem versus illum deferre; nedum posse lachrymalem humorem ibi deponere. Porro, ad os cribriforme quod spectat, sensuum testimonio demonstrari potest, ejus foramina non in oculorum orbitam, sed in nares patefcere.

Origo lachrymarum.

Hiscè igitur viis per quas lachrymæ à cerebro ad oculum deriventur, rejectis; vel novæ in earum locum excogitandæ sunt, vel concedendum est cerebrum inter lachrymandum nullas suas humiditates per oculos exonerare. Verùm omninò credibile est, tantum lachrymarum imbrem, quem aliqui lugentes effundunt, ab exili adcò parte suppeditari non posse. Quare cùm nulla pars tantæ molis, tamque propinqua oculis, ac cerebrum, repariatur; nulla, inquam, quæ scateat istiusmodi humiditatibus, quæque tristitiâ æquè afficiatur; facile inferimus, cerebrum hanc lachrymarum materiam quoquo modo oculis sufficere.

Modus quo exprimitur.

Adhuc verò restat difficultas à Placentino

tino proposita enodanda, scilicet, de viis ipsis per quas lachrymæ à cerebro in oculum traducantur. Ego existimo esse nervos, præcipuè illos, qui decurrentes per plexum retiformem, in eum, ut dixi, copiosas cerebri humiditates effundunt, ex eoque penu sufficientem oculis materiam ministrant. Sed quo modo permeent solidas oculorum membranas? Respondeo, eas in hoc itinere, nervos ipsos sibi comites seu potius duces habere, qui capillares suos ad extimam superficiem tunicarum oculorum protendunt, è quibus lachrymæ sensim roris instar exsulant. Est enim cuticula interioris tunicæ palpebrarum & *adnatæ*, velut tela aranearum subtilis, vel quasi excoriata; & vix adeò perfectè tegit membranas, quin tenuem lachrymarum humorem permeare sinat. Cerebrum autem quidnam confert ad subitaneum lachrymarum torrentem in tristitiâ excitatum? Certum est, cerebrum in mœrore contrahi; & contractum, aliquid exprimere; cumque materia tenuior, factâ compressione, faciliùs exiliat quàm crassior; fit, ut ea sic expressa valde tenuis sit, aptèque lachrymarum formam suscipiat.

Quamquam autem negavi vias *Placentini*, per quas cerebrum materiam lachrymarum iu oculos derivet, simulque asserui totam lachrymarum copiam per exiguam hanc glandulam in oculos effundi non posse:

posse: non tamen planè nego, quin aliqua cerebri humiditates per hanc partem evacuentur. Nam cùm hæ glandulæ nervorum fibras in se distributas habeant, verisimile est, eas æque ac alias partes oculi, modò recitatas, concurrere ad cerebri superfluitates expurgandas. Duo enim puncta lachrymalia sibi habent, ut dixi, accubua; quæ non tantum hujus glandulæ, sed & totius oculi humiditates excipiunt, & in nares derivant. Quare existimo hanc glandulam, modo quo dictum, excrettricem esse.

Altera glandula sive innominata exprimitur periphrasticæ per illa nomina complexa exteriorem, superiorem, vel majorem oculi. Sita est versus exteriorem & minorem oculi angulum, paulò supra primam suturarum communium maxillæ superioris, prope rimam asperam, ubi ad orbitam oculi complendam ex parte conducit. Hæc glandula triplo major est alterâ; nec rotunda, sed lata & compressa, in ambitu ferè circularis; nisi quod valde inæqualis sit.

Vasa habet ejusdem generis, ejusdemque originis cum priore, nempe arterias, venas & nervos; à punctis verò lachrymalibus longiùs distat. Sed, quia humores facile illuc delabuntur & descendunt; credibile est, ea puncta non minus inservire huic glandulæ superiori, licet magis distanti, quàm illi inferiori ac viciniore.

Vsus

Uſus hujus glandulæ propemodum incidit cum priore. Nam ut inferior adimplet rimam, ita hæc superior cum pinguedine concurrit ad formandam oculi globositatem, quâ adæquatur orbitæ suæ; & hæc quoque humiditates quasdam, quanquam non totam lachrymarum materiam, oculo suppeditat. Similiter expurgationi cerebri ex parte aliqua, nempe quantulum tantilla glandula potest, inservit, unâque nonnihil contribuit ad succi nutritii in oculum delati depurationem.

Cùm verò materia lachrymarum cognitionem quandam habeat, tum cum sudoribus, tum cum urina; quærat hîc aliquis, quâ ratione humores illi inter se differant? Existimo *lachrymas* maximè constare ex humore seroso & salino subacido è nervis stillante, & propterea facile coagulari in gummosam substantiam, quæ in majore oculorum cantho, & ciliolorum limbis frequenter concreſcere cernitur; & ut plurimum crustam illam æmulatur, quæ ulcusculis cutaneis ad desiccationem tendentibus innascitur. Nam crustulæ illæ manifestè ex serosa quoque materia è labiis ulceris exsudante oriuntur. Grumosa enim sanguinis portio, ulcere consolidescente, non effluit; ut patet ex pallida flavedine crustæ, quæ aliter livesceret.

Quod verò attinet ad *serum* in sanguine natans, id quoque videtur primitus è
nervis

nervis promanasse, & per lymphæductus in venas reductum fuisse, adeoque cum sanguine, ut ejus vehiculum subsidiarium, excreta potulenta parte, permanfisse.

A.H.c. 54 Quanquam, enim, ut notat Cl. vir *D. Glissonus* Collega noster, maxima pars materiæ per lymphæductus refluæ aquosa est, & ex sanguinis halitibus condensatis genita, cum illa tamen materia aquosa conjungitur rejectanea quædam succi nutritii portio è nervis exstillans, quæ in venas reducta, ipsum sanguinis *serum* (separata per urinam aquosa parte) efficitur. Hinc enim serum quoque sanguinis ab eo separatum & in scutula igni admotum, levi coctione in consimilem dictis crustulis & sordibus oculorum congelatis substantiam coagulatur. Argumento haud improbabili, eos omnes humores ab eadem origine profluere. Dico igitur serosum nervorum liquamen unà cum aqueo ejusdem vehiculo, sale subacido permixto, esse ipsammet *lachrymarum* materiam.

Quod autem ad *sudorem* attinet, ille maximam suæ materiæ portionem, ab exhalationibus sanguinis in liquorem condensatis in cute mutuatur: tantillum tamen admixtum habet tum serosi liquaminis, tum falsedinis, tum etiam aliquando pinguedinis. Maximam verò affinitatem habet cum lymphæ. Tenuior enim majorque *Lymphæ* pars, est similiter sudor quidam internus in liquorem concrefcens, & reten-

tus;

tus: similiterque cum seroso liquore è nervis stillante commistus, ex quibus junctis tota lymphæ absolvitur. Videntur itaque *sudor* & *lymphæ* potissimum differre, ut *sudor* internus & externus; nisi quod *sudor externus* fortè aquositatis plusculum in se continet; internus verò plusculum serositatis. Si verò *sudor externus* plusculum quoque serositatis admixtum habeat, tunc viscidus simul fit, viresque plurimum deijcit. Differt autem *sudor* à lachrymis. 1. Quod hæ puriores sint, magisque crystallinæ; nimirum quòd per colum subtilius trajiciantur. 2. Quòd majorem coagulantis feri portionem contineant. Nam lachrymæ, ut dictum, facilè concresecunt in crustas; quòd in sudore rarò, si unquam, observatur. Etenim quod ad squamas & furfures capitis aliarumque partium attinet, illa, sudamina potiùs, quàm simplices sudores dicenda veniunt. 3. Quòd plus salis in lachrymis, quàm in sudoribus fortè deprehendatur.

Quod ad *urinam* spectat, illa variæ magis mixturæ particeps est. Constat enim non tantum ex aquosâ lymphæ parte, diuturnâ circulatione cum sanguine, inutili redditâ, sed & ex materia potulenta, quæ maxima ejus portio est; imò continet quoque salinum totius sanguinis excrementum terrestremque ejusdem partem diuturnâ coctione liquatâ aptamque, simul ac refrigerit, cum sale in calculû concresecere;

H

conti-

continet quoque tantillam portionem ferrosi vehiculi, quod hypostasim ejusdem constituere videtur. Ex his facillè elucescit, quantum urina tum à sudore tum à lachrymis differat: nimirum materiam utriusque, si neutra per vias sibi proprias excernatur, cum urina commisceri & unà cum eadem emingi: Verùm urinam non hæc solum materias, sed, ut diximus, potulentam insuper, salinam, terrestremque sanguinis partem continere.

CAP. XXVII.

De Glandulis artuum.

*Species
harum
glandu-
larum e-
numeran-
tur.*

*Quo sensu
glandula
concatenata
huc
referuntur.*

Proximè tractandæ veniunt glandulæ quæ sub *axillis* & *inguine* sunt, atque etiam *illæ*, quæ in *flexuris cubiti* juxta musculi bicipitis tendinem, & *illæ*; quæ in *flexuris genuum* sub poplite, & *illæ* circa medium longitudinis musculi sartorii sive fascialis femur obliquè transcurrentis reperiuntur; quibus, si lubet, adjicere possis glandulas *concatenatas*, nempe illas, quæ quasi catena globulorum precario- rum ab *auribus ad clavículas* fere secundum vasorum colli longitudinem extrinsecus dependent, quanquam hæc inter glandulas *morbosas* infra numerantur; quod frequentissime vel respectu numeri vel respectu magnitudinis præternaturaliter se habeant.

Hiscæ

Hiscæ glandulis pluribus modis inter se convenit, adeoque junctim tractari possunt, nisi quod nonnullas differentias, minoris licet notæ admittant, quæ paucis prælibandæ.

Primò. Harum glandularum aliæ propriis nominibus donantur, aliæ à situ tantum cognominantur. Illæ in inguine, *bubones* vocantur; quæ est in femoris medio, apud Anglos vocatur *nux & oculus Papæ*, præsertim in genere ovino & bovino; quæ sub axillis *axillares*; cæteræ à situ nomenclaturam sortiuntur.

Secundo. Magnitudine & numero hæ glandulæ nonnihil variant, illæ in inguine ut plurimum numero octo sunt; cæque maximæ; quæ sub alis, tres frequenter inveniuntur, & minores; illæ juxta flexuram genu & in femore adhuc minores; demum illa prope flexuram cubiti paulò supra musculi bicipitis tendinem, minima.

Notandum autem est, quando diximus glandulas in inguine, illis sub alis majores esse, intelligi debere de maximis in una classe cum maximis in altera; non verò de maximis unius cum minimis alterius inter se collatis.

Tertiò, nonnihil etiam differunt quoad figuram, aliæ enim rotundæ sunt, aliæ ovales.

Cur autem perpetuò in hisce locis, & nunquam, aut rarò, in aliis reperiantur; haud adeò obvium est statuere. *Riolanus ex*

Illarum inter se convenientia.

Differentia nominum.

Magnitudo.

Figura. Cur in dictis locis glandulae ferantur.

Hippocrate, vult, glandulas & pilos ejusdem utilitatis gratiâ progigni. *Natura enim*, inquit, *facit glandulas & pilos ad eundem usum*, illæ quidem quod influit, suscipiunt; pili verò ex glandulis opportunitatem habentes nascuntur & augeſcunt, colligentes id quod in extremitate redundat ac effervescit. Fatemur quidem pilos & glandulas in inguine & sub alis reperiri: at tamen in flexura cubiti & genu solas glandulas, pilos autem nullos invenias. Porro in plurimis corporis partibus pili nascuntur, ubi nullæ subsunt glandulæ, ut in pectore, tibis, cruribus, &c. Unde certum est, glandulas pilosque non ea necessitate naturæ conjungi, quam *Riolanus* præ tendit, sed pilos enasci posse, ubi nullæ subsunt glandulæ; & vice versa, glandulas reperiri posse, ubi non erumpunt pili.

An pili è glandulis alimentum petunt.

Attamen humiditates in hisce locis luxuriant; volunt itaque, glandulas hic appositas exfugere superfluas illas humiditates, pilosque adeò è glandulis in se attrahere. Verùm qui possint, cum quælibet glandula tunicâ propriâ undique cingatur, aliæque membranæ inter eas & cutem interjaceant. Imò verò cutis ipsa sola pilorum mater est. Nam pilorum radices nullibi cutem pertundunt, ut è glandulis alimentum petant. Quinetiam pili haud plurimū in ipso inguine luxuriant ubi glandulæ locantur, sed circa os pubis, ubi nullæ reperiuntur. At verò si alimentum è glandulis

dulis petere debent; cur non copia majore nascuntur ubi glans maxima inguinis sita est; minore autem, ubi longius ab ea ab sunt? Experientia verò contrarium docet; paucas, nempe, & exiles (si modò ullas) circa glandem illam gigni; densam autem eorum sylvam in osse pubis pronasce. Quapropter sententia illa explodenda est.

Mirari subit, nullum alium usum hisce glandulis à *Riolano* aliisque adscriptum esse: potuissèque eos oblivisci usùs tanto opere ab *iis* decantati; nempe, fulcire divisiones vasorum? Nam reverà insignes venarum rami hisce in locis cernuntur. Hujus autem usus futilitatem suprà satis refutavimus.

Quare alius harum glandularum usus nobis excogitandus est. Diximus modò, plurimum intercedere inter glandulas & nervos commercii; adeoque nervos glandulis aliquid vel apportare vel auferre, vel forsàn utrumq; diversis temporibus. Nam profectò ereditibile est nervos primò aliquando *iis* aliquid apportare, nimirum, inutile quid & excrementitium respectu nervosi generis; respectu autem venosi non prorsus inutile. Et præterea glandulas hasce non exonerari in portas excretorias, sed in venas sibi proximas. Quæ ratio est, cur sitæ sint ad majores vasorum divisiones; nimirum, ut acceptas nervorum superfluitates facilius in illas venas, quibus firmiter adnectuntur deponant.

Verus harum glandularum usus.

Similiter secundò non minus probabile est, nervos à glandulis hisce aliquando auferre ; scilicet , succum quendam nutritium, quem simili attrahctione substantiæ glandulæ allectum, lymphæductus lymphæ suæ permistum effundunt, & virtute glandulæ ab eadem secretum post se relinquunt. Hoc confirmatur, quia substantia harum glandularum dulcis ac delicata est, habetque proculdubio familiaritatem aliquam cum succo nutritio. Porro, lymphæductus ad glandulas aliquas perpetuò derivantur, priusquam in venas exonerantur : vixque sanè ratio assignari potest, cur natura lympham per substantiam glandulæ transmittat, cum multò facilius possit eandem per continuum minimèque interruptum canalem ad proprium depletionis locum deducere, nisi scopus esset secretionem aliquam in illo transitu peragere.

Ratio ergò, cur in inguine hæ glandulæ numerosiores & maximæ visantur, est quod nervi crurum quàm brachiorum majores sint, opusque habeant organis majoribus ad superfluitates suas amolendas. Eademque ratio est, cur glandulæ axillares, illas in genu numero & magnitudine superent : nimirum, quod brachiorum nervi majores sint illis qui ad tibias descendunt. Denique glandulæ juxta flexuram cubiti, cedunt magnitudine illis, quæ juxta flexuram genu reperiuntur ; quod

quod nervi ad tibiam descendentes majores sint illis cubiti.

Morbi hisce glandulis accedentes sunt: tumores *simplices* (quos bubones non malignos vocant) & bubones *maligni*, nempe vel *pestilenciales* vel *Veneriei*. Causæ tumorum horum generales, *duæ communes* esse possunt, quamvis quilibet specialis tumor alias sibi proprias ac específicas differentias subordinatas habeat. Prior causarum communium est circuitus sanguinis quoquo modo impeditus. Hinc enim statim oboritur tumor ob continuum & impetuosum sanguinis affluxum à corde per arterias, & ob recursum ejusdem per venas diminutum. Hujus rei evidens habemus exemplum in glandularum harum contusionibus, ut & in obstructionibus aliis, in quibus casibus glandulæ subito intumescunt, calor accenditur, pulsus augetur, affluxus ex impetu arteriarum irritatarum intenditur, tumorque demum partis ingens, ut plurimum, excitatur: adeoque nervi etiam in glandulis distributi comprimuntur, iisque damnum advenit secundarium ab arteriis, venisque primò affectis.

Alterà causa communis tumorum horum, à nervis videtur originaliter petenda; nempe à superfluis eorum humiditatibus, quas in glandulas exspuunt, vel quantitate vel qualitate vitiosas. Hæ enim superfluitates, si in venas non satis expedire

Posterior;

176 *De Glandulis artuum.*

ditè transmittuntur, glandulam nonnihil infarciunt: unde fit, ut vice versa redundet aliquid detrimenti arteriis & venis à nervis primò læsis, illæque circuitum sanguinis difficulter in glandulis peragant, tumorque consimilis excitetur ei, qui, ut diximus, oritur ab arteriis & venis primariò affectis.

Si verò superfluitates jam dictæ solà quantitate peccent, aut qualitate non maligna, nimirum visciditate, crassitie, aut similibus; tumor simplex exorietur, & à malignitate omni alienus: sin materia affluens venenosa aut contagiosa fuerit, oritur tumor veneno peculiari respondens, Pestilentialis, nempe & Venericus.

CAP. XXVIII.

De Glandulis penis speciei conservationi dicatis in maribus & primò de testiculis.

Methodus generalis ratio.

EXaminatis jam glandulis, quæ ad individuum spectant; ad alterum eorum genus, nempe ad eas, quæ speciei conservationi inserviunt, deveniendum est; quarum aliæ maribus, sæminis aliæ peculiare sunt. Maribus propriæ sunt, testes, epididymis, parastatæ, medulla deferentium glandulosa, vesiculæ seminales, prostata, caro glandulosa corporum nervosum, & glans penis.

Testes,

Testes, mala vel poma amoris, duo sunt; *Testium*
 quanquam nonnunquam (raro tamen) *numerus*
 modo unus, modo tres reperiuntur. Fo- *& situs.*
 ris extra abdomen propendent, ad radi-
 cem penis sub ventre in scroto. *Quinque* *Tunicae*
 tunicis involvuntur; quarum *duae*, com- *quinque.*
 munes; *tres* reliquæ, propriæ sunt. Com-
 muniū *1^a oscheon, scrotum, dicitur, 2^a dar-*
tos, quia excoriabilis. Propriarum *1^a ory-*
throides, à rubicundis & carnosis fibris;
 est sarcocelis sedes; *2^a elythroides, vagi-*
nalis, quia instar cupulæ glandis est. 3^a ner-
vea vel albuginea : inter has duas poste-
riores continetur hydrocele.

Substantia testium est glandulosa, alba,
 mollis, laxa, cavernosa vel spongiosa,
 quæ licet manifesta cavitate careat, tota
 tamen quoquo modo pervia est in *funicu-*
lum nervosum, per ejus fere medium se-
 cundum longitudinem, decurrentem.

Figura testium ovalis est, duasque ha-
 bet extremitates; quarum alteri, annecti-
 tur principium epididymidis; alteri prin-
 cipium parastatæ sive deferentium. Quæ
 distinctio partium testis necessaria est ad
 genuinam descriptionem actionis & usus
 ejusdem; ut postea videbimus. Illa ve-
 rò distinctio à *Spigelio* proposita, nimi-
 rum, in caput testis & fundum, haud ma-
 gni est momenti, nisi ulterius explicetur.
 Nam ille caput tantum distinguit à fundo,
 quod illud superius & angustius sit, hoc
 verò obtusius ampliusque; quæ verba

parum lucis huic negotio afferunt, nisi capitis nomine, intelligatur illa extremitas, quæ excipit vasa præparantia; fundi autem, illa, quæ connectitur paraſtatis.

Vasa.

Arteria.

Vasa habent *quinque* generum; arterias, venas, nervos, lymphæductus, & ductus nervosos. *Arterias* habent ab aorta, *spermatikas* dictas, quæ supra ureteres ad inguina delatæ & peritonæi processum egressæ cum vena & nervis implicantur, & inde admodum tortuose & anfractuose ducuntur, adeò ut, si à plicatione liberatæ in longitudinem protrahantur, ulnas aliquot adæquent. Arteriæ sic plicatæ sua sede immotæ detinentur virtute nervorum, quibuscum mirè intertextæ sunt, & in toto ductu firmiter ligatæ, adeoque constituunt corpus *pyramidale* vel *varicosum*, quod annectitur alteri testis extremitati, indeque dividuntur partim ad epididymidem & paraſtatas, partim ad ipsum testem; hæ maximâ ex parte sub tunica albuginea repunt, & tortuose modò dextrorsum, modò sinistrorsum flexæ incidunt & literam Romanam majorem SSS multiplicatam referunt. Verùm hinc inde spargunt à se ramos, qui testem ipsum ingrediuntur penetrantque ut plurimum ductum *nervosum*, indeque versus superficiem variè reflectuntur, ubi potissimum exonerantur. *Venæ* autem capillares versus glandulosam testiculi substantiâ hian-

Vena.

tes,

res, affluentem sanguinem exhauriunt, ne testiculus eodem obruatur, eundemque reportant in venas majores demumque vel in emulgentem, vel immediatè in cavam.

Nervos habent numerosos, partim à *Nervi* sexto pari, partim à spinâ succum nobilem undique partibus distribuyente mediante inferiore abdominis plexu, in quo illi mutuo implicantur & uniuntur: nervi ab hoc plexu orti, arterias concomitantur, earumque plicationes, ut dictum, ne interturbentur, cavent; in descensu verò majores subinde evadunt, & numerosiores, furculosque impertiunt partibus testiculos involventibus, demumque ad ipsum testem producti, videntur quasi in membranam expandi; tunicamque albugineam constituere; à cujus superiore superficie hinc illinc numerosæ fibrillæ sparguntur in ductum *nervosum*, eundemque conficere videntur.

Lymphæductus harum partium in majoribus animalibus valde conspicui sunt; præsertim si ligaturam vasis præparantibus vel ante vel statim post animalis obitum injeceris, videntur autem oriri ab ipsis testiculorum tunicis, & inde venas per processum concomitantes, abdomen ingrediuntur, & venas paulò post deferentes ad mesenterii glandulas vergunt, unde cum lacteis ad commune *receptaculum* deferuntur.

5. *Ductus nervæus*, ut dixi, conficitur ex concursu fibrarum nervosarum ab inferiore tunicæ albuginæ superficie projectarum. Situs est in ipso medio testiculi secundum longitudinem ejusdem, ita tamen ut non minus recedat ab illa extremitate, cui connectuntur parastatæ, quam à lateribus ejusdem; verum quoad alteram extremitatem, non tantum ad eam pertingit, sed & eandem variis ductibus in unum coeuntibus pertundit, qui licet cavitate conspicua destitutus, liquorem tamen spermaticum manifeste in vas epididymidis sibi continuum effundit.

Actionem & usum *testium* tantisper differemus, donec epididymidem quoque & parastatas descripserimus.

C A P. XXIX.

De Epididymidibus & vasis deferentibus.

Epididymidis descriptio.

Epididymis constat ex variis ductibus minutulis, albis, varie contortis & complicatis; qui omnes è *nervæo* testiculi ductu prodeuntes, in unum vas majusculum, priusquam medium epididymidis longitudinem emensi sint, coeunt: ductus hic similiter huc illuc contorqueatur & involvitur; demumque ad alteram testiculi extremitatem delatus, retrorsum nonnihil flectitur, ibidemque in tubercu-

berculum elatus, qui explicatus in longitudinem vix credibilem extendatur. Oritur, ut dixi, ex illa testis extremitate, in quam vasa præparantia inferuntur; ubi nonnihil lividi coloris obtinet; qui color videtur provenire à materia adhuc crudiore in ejus ductu contenta: nimium ab illa portione sanguinis, quæ nondum satis digesta vel reducta est, quæque cum spermate adhuc permixta manet. Sanguis etiam si cernatur per medium ex albo obscure pellucidum, livescit. Quo verò longius procedit versus parastatas, eo minus livido illo colore inficitur. Priusquam vero medium iter conficit, plane albescit; scilicet; dicta sanguinis portiuncula, partim in succum album alteratur, partim in venas resumitur. Hic ductus partim nodosus, partim plicatus, versus parastatas fertur. Continet autem in se nonnihil parenchymatis glandulosi sibi proprii, præsertim in nodosis suis partibus. *Situs* hujus partis, quo melius firmetur, toto ductu tunicis testiculi connectitur. Desinit epididymis in parastatas; nam hæ partes ductum unum continuum constituunt. Paulò antequam epididymides ad fundum testiculi perveniunt, mutant nomen & *parastatæ* dicuntur. Distinguuntur verò ab invicem; partim quod hi candidiores cernantur, partim quod minore ductu gaudeant, eoque magis in-

*Cur nonnihil li-
veat.*

torto & complicato, minus autem nodoso; molliores quoque sunt, & læsi albissimum effundunt succum. Porro, ductibus his leniter inter digitos attrectatis, compressisque, emungitur lacteus succus in vasa deferentia, in quæ immediatè terminantur, vel potius antequam desinant, ulterius aliquantulum in ipsum vasorum deferentium initium progrediuntur.

*Eorum
actiones
& usus,*

Sequuntur *actiones & usus* harum glandularum. Non est dubium, quin semen conficiant: modum vero explicatè demonstrare, haud ad eò obvium est. Putarunt veteres, tam venas, quam arterias, materiam huic operi suppeditare. Dato autem circuitu sanguinis, venæ ab hoc munere eximendæ sunt, siquidem ipsæ extrorsum sanguinem nullum deferunt, sed ejusdem reductioni soli incumbunt. Quomodo autem arteriæ hoc munus obeant, inter omnes non convenit. Plurimi volunt, vitales tantum spiritus ad hanc rem sufficere; illud autem plane evertit sanguinis circuitus. Arteriæ enim nullis partibus spiritum vitalem sine sanguine impertiunt. Quapropter concedendum est, arterias spirituosum sanguinem ad has glandulas distribuere. Num autem is solus sit materia ex qua semen conficiatur, merito dubitari potest. *Arteriæ* enim quanquam satis evidenter in testiculorum *substantiam* admittuntur, ut, supra monstravimus; non tamen ad eò copiose hic san-

*Arteriæ
& vena
quid huc
contribu-
ant.*

sanguinem distribuunt , ac arteriæ ejusdem magnitudinis in aliis partibus ; recto enim ductu , ut dixi , feruntur versus canalem *nervosum* ; indeque iterum per miras ambages revertuntur propemodum ad testiculi tunicam propriam , priusquam se exonerant. Arteriæ similiter ad *tunicam* ipsam delatæ ; valde anfractuosè huc illuc flectuntur & gyrantur ; ita ut natura videatur utrinque caloris vitalis incremento , magis quam copioso sanguinis affluxui operam navasse. Non tamen negaverim , quin aliquid sanguinis vitalis in testiculi parenchyma effundant , sed potissimum versus ambitum ejusdem. Verùm mox venas capillares eandem exsorbere , ne nimio sanguine obruatur. Porro , notandum est , ut in medullari & alba cerebri substantia profundè secta , ita in testiculi parenchymate similiter inciso , guttulas plurimas sanguinis conspici ; quæ tantum ex arteriarum dicto modo decurrentium sectione , emanant. Deinde , si arteriæ sanguinem copiosè in testiculos effunderent , hi necessariò colore etiam sanguineo tingerentur ; quemadmodum & aliæ partes omnes eundem colorem præ se ferunt , quotquot copioso sanguine perluuntur. Adhæc , caro glandulosa testium nervis uberrimè intertexta est , adeò ut si sensuum testimonio standum sit , *nervi* in ipsam glandulæ substantiam distributi arteria-

*An semen
ex illo
sanguine
confici-
tur.*

teriarum venarumque numerum quadruplo excedant. Neque existimandum *nervos* hosce nulli usui destinatos esse. Quoniam autem neque sensus neque motus causa facti videntur; restat, ut aliquid vel ad testes adferant, vel ab iisdem auferant. Non credibile est, auferre quippiam; quia testiculi per alias vias conspicuas, nempe, per vasa deferentia & canales aquosos vel lymphæductus, plenitudinem suam exonerant. Statuendum ergo est, *nervos* aliquid ad testiculos deferre. Est autem succus *nobilissimus*, ipso sanguine longè nobilior; quippe, vigecupla sanguinis quantitas ablata, non æquè debilitat, ac simplex seminis portio. Porro, à venæ sectione non observantur animalia contristari; omnia verò animalia post coitum (excepto gallo) contristantur & nonnihil enervantur. Quare sperma ejectum non ex solo sanguine constat, sed ex alia & quidem nobiliore materia, cujus drachma una, viginti minimum sanguinis drachmis æquiparanda est. Ratio verò, cur *gallus* solus non contristetur; est seminis, in calido hoc animali, ubertas; tum etiam quod parum admodum illius uno coitu excernat, unde nullam debilitatem ex hac excretionem percipit. Gallum autem una vice seminis exiguam admodum quantitatem emittere, ex eo innotescit, quod

pe.

*Cur tri-
stant ani-
malia post
coitum.*

penem (quanquam duplicem habet) exi-
lem tamen admodum utcunque obtineat,
ut tantillo temporis spacio, quo coitum
perficit, exiguum solum spermatis por-
tionem emittere possit. In aliis vero
animalibus, quæ copiosius sperma eji-
ciunt, secus contingit; quod *nervi* isti,
insignem succi hujus nobilissimi quanti-
tatem singulari coitu profundant. Por-
ro, hoc vel inde constat; quia *nervi*
nervosæque partes frequenti Venere ex-
siccantur atque incalescunt. *Venæ* *sæctio*
vero corpora potius humectat quam de-
siccat; magisque refrigerat, quam cale-
facit. Unde inferimus, alterationes
istas, nimirum, *nervosarum* partium
calefactionem, & exsiccationem, non
provenire à sanguine exhausto in coitu;
sed ex detracta *nobiliore* (ut dictum est)
materia ex ipsis *nervis* effusa. Hæc enim
materia humida, spiritusosa, lubrica,
tenerrima, benigna & generationi
aptissima est. Quæ si nimis profusè
effundatur, cum defraudet nervosum
genus debita sua humectatione & nu-
tritione, non mirum, si idem pluscu-
lum calefaciat & exsiccet. Contra ve-
ro, si hæc materia diutius solito reti-
neatur; *nervi* omnes plus justo hu-
meantur & refrigerantur, ut videre
est in castratis animalibus, in mor-
bo virgineo, cachexia atque simili-
bus.

Quæ

Obiectio.

Quærat aliquis, si nimia sanguinis ejectio, corpora tantopere enervet, qui fiat, ut animalia castrata, quæ nunquam coëant, infirmiora, ignobilia, minusque vivida sint, aliis Venerem exercentibus.

Solutio.

Respondeo, ipsam calefactionem & desiccationem nervosarum partium ad hanc rem plurimum conferre, & quanquam statim post seminis excretionem, nervi nonnihil debilitantur; exaucto tamen calore, indeque crescente quoque virtute concoctrice, materia deperdita haud difficulter restituitur; quo facto, calorisque incremento permanente, atque siccitate ab assumptis moderatè temperata, nervosæ partes multo robustiores & vividiores redduntur. Etenim nervosarum partium optima constitutio illa est, quæ majorem caloris naturalis gradum siccitatemque temperatam obtinet. In castratis autem animalibus, quoniam nervi eorum à serosa superfluitate non satis liberantur; fit, ut calor eorum minuaturn & humiditas abundet. Unde nil mirum, si magis effœminata, ignobilia, minusque robusta & vivida evadant.

*Semen
gradatim
elaborari.*

Porro, per intervalla illa, quibus à Venerē abstinēt, tantum abest, ut testiculi absument generosas nervosarum partium humiditates, ut easdem potius adaugeant. Materiam enim per nervos exceptam ulterius elaborant; dumque materia sic cocta haud

haud continuò evacuatur, portio aliqua ejus, per canales aquosos seu lymphæductus, numerosè à testiculis prodeuntes, unà cum humore aqueo in corpus reduci-
tur, adeoque sanguinem ipsum nobilitat, qui partes omnes *nervosas* perluens, easdem magis quam antea fovet, oblectat & corroborat.

Dices, testiculos & epididymida non necessario ad speciei conservationem requiri; nam totum genus piscium & serpentum testiculis & epididymidibus carent; at pleraque eorum ovipara & nonnulla vivipara sunt. Respondeo, quamquam pisces & serpentes testiculis formati carent, lactibus tamen vel aliis corpusculis materia seminali copiosa refertis instructi sunt. Sed quia sunt animalia imperfectiora, frigidioris & simplicioris motus, ad materiæ suæ seminalis præparationem, tanto tamque accurato organorum apparatu non indigent, atque illa animalia, quæ magis sanguinea, calidiora, & texturæ subtilioris sunt, varioque magis motus genere donantur.

Haftenus materiam spermatis, ejusque originem persecuti sumus. Illamque per arterias & nervos ferri diximus: arteriæ quidem multò ignobiliorem materiæ partem suppeditant; nervi autem nobilissimam virtute plastica imbutam, utraque vero accuratè permiscetur in testiculi paren-

parenchymate, ibidemque digeritur & nonnihil alteratur, inde admittitur in fibrosam & porosam ductus nervei substantiam, ab eoque in principium canalis epididymidis derivatur, ubi pars sanguinea nondum satis alterata (quam supra lividi ibidemque coloris causam esse diximus) iterum in venas attrahitur, adeoque in corpus denuo reducitur: reliqua pars tendit versus parastatas, inque itinere ipso porro elaboratur, siquidem quo ulterius fertur, eo candidior apparet, excipiturque demum in ductum parastatarum sibi continuum; ibidemque mox lacteum planè colorem induit, lentoque motu per ambagiosos hujus ductus gyros in vasa deferentia transmittitur.

Usus medullae deferentium

Vasa deferentia materiam hanc expedite deferunt ad *medullam glandulosam*; quam in suo canali, digitorum aliquot spacio, ante ingressum in penem, continent. *Medulla* hæc facta videtur, primo, ut extra coitum materiam huc delapsam sistat & conservet in futurum usum. *Secundo*, ut in coitu seminis profusionem aliquamdiu remoretur, ne confestim, & minore cum impetu ac delectatione effluat, neve guttatim exstillans, generandæ proli reddatur inefficax. Si *taurus* recens castratus paulò post generaverit; credibile est, cum generare virtute materiæ seminalis in testiculis coctæ & asservatæ in hac medulla vasorum deferentium, ex-

excretæque in proximo coitu. Postquam vero hæc materia absumpta est, non amplius generat; quod nobilissima hac materia destituatur.

Hæc *medulla glandulosa* in vasis deferentibus conclusa, ad urethram usque ^{Ejus si-} continuatur; incipit vero ubi illa vasa pri- ^{tus & si-} gura: mum ad vesicam appellant: ab exortu tenuior est; & progressu paulatim crassescit, donec vesiculis seminalibus conjungitur, inter rectum intestinum & vesicæ collum, ubi vasa deferentia obliquo ductu in urethram paulo extra spintherem vesicæ conspicuo ductu sese exonerant.

C A P. XXX.

De Vesiculis seminalibus.

Vesiculæ seminales sitæ sunt utrinque ad latera vasorum deferentium, inter vesicæ urinariæ & intestini recti ligamenta. Constant ex plurimis cellulis glandulosa substantia intertextis: & conjunctim racemum uvarum haud malè exprimunt. Hæ omnes cellulæ in communem ductum coeunt qui in urethram, ei vicino loco, quo vasa deferentia, aperitur, viâ similiter invisibili subintrat.

Hæ vesiculæ in *apris* ferè transparentes sunt & omnium animalium à nobis sectorum maximæ; nam pendebant 3 14.
Ita

Ita inter se conjunguntur , ut pro simplici membro haberi possint ; verum binis insertionibus utrinque ad deferentium latera in urethram aperiuntur. Utraque insertio ex variis foraminibus constat , è quibus , compressis vesiculis , aquosa & ex albo livescens materia , tanquam è scaturigine , copiosè emanat. Totum eorum corpus ex innumerabilibus cellulis humore plenissimis constat.

In Porcello Indico vesiculas seminales bicornes , pyramidales & contortas instar lumbricorum intestinalium , ad trium pollicum longitudinem protensos & fere ad renes usque excurrentes , sæpèque 3. j. ponderantes , unà cum *D. Glissono* & *D. Entio* , Cl. viris , observavi.

Vsus harum vesicularum communiter ab Anatomicis assignatus , est excipere & conservare elaboratum semen in futuros coitus. Quod ad receptionem seminis attinet ; multi putant , semen elaboratum in testiculis , extra coitum ad has vesiculas transmitti , ibique conservari. Non est dubium quidem , quin vesiculæ hæ sint seminis receptacula ; verùm eas à testiculis per vasa deferentia quicquam excipere nequaquam concedendum est. Etenim vasa illa deferentia nullo cum his communi ductu gaudent. Prætereà vesiculæ ipsæ glandulosæ cùm sint , materiam quandam spermaticam conficiunt. Si enim earum munus tantùm esset , semen ab aliis parti-

partibus elaboratum continere ; ex solis membranis constitissent , neque opus fuisset glandulosâ ejusmodi intertextâ mole. Videmus enim vesicam urinariam & vesiculam bilariam , quatenus mera receptacula sunt , ex membraneis tantum tunicis conflare , esseque tamen conservandis suis humoribus planè idoneas. Quare , cum hæ vesiculæ non merè tales sint , sed carne etiam glandulosâ insuper donentur ; nobilior sanè usus iis concedendus est , nimirum , semen peculiaris generis conficere. Denique hoc demonstrari videtur , quod semen in hisce vesiculis contentum diversi planè generis sit , ab illo , quod in testiculis excoquitur. uti clarè liquet in vasis spermaticis majorum animalium.

Vesiculæ seminales in equo nomini suo felicius respondent , quàm in quovis alio. Etenim constant ex *duabus* partibus , quarum *altera* mera vesica membranea est , altera glandulosa. *Vesica* à me dissecta sex pollices longa & propè tres lata erat , quam vacua & nondum aperta ; videbatur autem distendi posse ad majorem amplitudinem , si modò repleta fuisset. Continebat in se materiam quandam seminalem instar gelatinæ & subcineritii coloris ; stylus in hanc vesicam , aperto fundo , immissus obliquè ferebatur versus urethram , inque illam per idem foramen cum vase deferente ejusdem lateri inferebatur.

Alte-

Alterâ pars harum vesicularum, quam glandulosam diximus, crassior erat, latiorque ex illa parte, quâ urethræ committebatur, & ubi inferebantur vasa deferentia, non descendendo versus fundum, paulatim cunei instar attenuabatur. Substantia hujus glandulæ haud multum absimilis erat, illi testiculorum, sed grisei magis coloris & conspicuis *foraminibus* stylum mediocrem admittentibus; intus excavatur: hæc omnia *foramina* in ductum unum communem uniuntur, nimirum priusquam ad urethram pertingunt. Etenim immissus stylus in quodvis foramen, facile nulloque impedimento, in illum communem ductum impellebatur. Ipse verò hic ductus non penitus urethram pertundebat, sed tenui & spongiosa urethræ membranâ operiebatur. Per illam materia spermatica ab hisce vesiculis elaborata in coitu eliditur. Verisimile est, vesiculas hæc glandulosas extra coitum, plenitudinem suam quoquo modo deplere in vesiculam membranofam annexam, modò descriptam. Siquidem materia seminalis in utrisque contenta, ejusdem speciei erat. Multum tamen illi dissimilis; quæ in testiculis perficitur. Unde concludimus, vesiculas seminales non excipere materiam, quam continent, à testiculis per vasa deferentia, sed à sua glandulosa substantia, quam etiam involvit communis tunica vesicæ membranosæ; ut cò facilius

certiusque glandulæ suæ sudamina seminalia in cavitatem suam admittat. Dicimus igitur vesicularum seminalium usum esse, *peculiaris generis semen* in se conficere & in coitûs tempus asservare.

C A P. XXXI.

De Prostatis.

Prostatæ sunt glandulæ duæ sitæ ad radicem penis supra sphincterem sive musculum vesicæ, utrinque ad hujus collum, paulò extra insertiones vasorum deferentium & vesicarum seminalium. *Eorum situm, magnitudo,* Magnitudo eorum est dimidiæ nucis juglandis; simi sunt, quâ penem respiciunt; gibbosi, quâ intestinum rectum. *figura, Substantia,* Figura eorum ad ovalem proximè accedit. Substantiam habent spongiosam, durioram tamen & firmiorem illâ vesicularum seminalium, quibus etiam pallidiores sunt; quanquam *color.* transversim dissecti intus rubicundiores apparent: robusta etiam membranâ investiuntur.

In porcis maximi sunt, oblongi, crassi; & ferè teretes, urethræ lateribus utrinque adjacent, in cellulis materiam mitem, crassam, lubricam, albugineam, gelatinæ similem, continent; in quam per unicam insertionem, sed amplam, octo pollices ultra deferentium & vesicularum exitum, in urethram, materiam suam deponunt.

I

Pon-

Pondus unius erat unciarum quatuor, & longitudo ejusdem pollicum quinque.

Vase.

Donantur arteriis, venis, nervis canalibus aquosis seu lymphæductibus, & porositate, quæ in urethram aperitur foraminulis, in sanis quidem inconspicuis, in gonorrhœa autem laborantibus & defunctis eadem evidenter cernuntur. In equo, foramina hæc conspicua sunt, & pollicari minimum distantia extra insertionem vasorum deferentium in supernam urethræ partem patefcunt. Sunt nempe, duodecim exigua foraminula, quæ singula in papillis, grani sinapis magnitudine, in urethra protuberantibus, reperiuntur; eademque papillæ, urinæ præterlabentis ingressum prohibent.

Usus de eodem.

Varia sententia.

De glandularum harum usu, inter Anatomicos parum convenit. Omnes tamen concedunt, eas continere humorem oleaginosum, lubricum, & pinguem; qui exprimitur cum opus est, ad meatum urinarium illinendum, ne ab urinæ acrimonia lædatur. Nonnulli autem existimant, materiam hanc, seminalem esse, & ulterius in hisce glandulis elaborari. Alii volunt, easdem non tantum incrassare, & perficere semen, sed & tenuem humorem ad titillationem excitandam gignere. Denique alii censent, seminalem materiam in his partibus, nec gigni, neque contineri.

1. Rejicitur. Non excipere semen ab aliis partibus genitum.

Quia glandulas hæc seminalem quandam materiam continere arbitrantur, catenus

tenus quidem non errant. Verum dum ajunt, eas materiam hanc ab aliis partibus excipere, eidemque perfectionem solum aliquam largiri, erroris arguendi sunt. Quippe, nullus ductus aut meatus communis inter testiculos & has partes, aut inter easdem & vesiculas seminales intercedit. Unde certissimum est, eas nihil seminis ab alterutro mutuari. Quare, si semen in se continent, proculdubio id ab ipsis generatur.

Qui secundam sententiam tuentur, nempe, glandulas hasce partim semen incrassare, partim tenuem humorem majoris titillationis gratiam gignere; videntur statuere contradictoria; nempe incrassare & attenuare, quæ *ἀντιτάται*. Si enim glandulæ hæ ad semen incrassandum aptæ fuerint, non possunt simul putari idoneæ, quæ idipsum attenuent.

Denique, qui tertiæ opinioni favent; Prostatas sc. non omnino semen conficere, sed alium humorem urethræ solum lubricationi destinatum, his rationibus nituntur. Primò, quod castrata animalia non generent. Deinde, quod multi gonorrhœam ad triginta annos laborantes cætera sani, vixerint. Neutrum autem argumentum satis firmiter concludit. Statuimus enim tria distincta genera seminalis materiæ ad efficacem generationem requiri: illamque quæ in testiculis excoquitur, esse multò nobilissimam; non mirandum

2. *Sibi meo ipsi repugnat.*

3. *argumenta.*

Quæ refutantur.

*Tria esse
seminis
genera
probatnr.*

ergò, si castrata animalia, hâc destituta frustra coëant; eo ipso verò quòd in irritò hoc coitu, semen aliquod emittant, evidentissimum est, esse etiam alias partes seminis generationi dicatas, præter testiculos. Si autem vesiculæ seminales & prostatae semen generent; necesse quoque est, *tria* esse materiæ *seminalis* genera. Natura enim, eidem operi efficiendo partes tam diversæ constitutionis nunquam exstruit. Neque enim fieri potest, ut tanto discrimine sejunctæ, in eodem munere exequendo conveniant. Verùm natura semper facit quod optimum. Earum ergò altera si supponatur aptissimè instrui; altera, quæ ab hâc differt, in quantum differt, ineptior ad idem opus necessariò erit. Quoniam igitur natura tria genera partium distinctæ constitutionis generando semini formavit; sequitur, esse tres distinctas species materiæ seminalis à tribus dictis partibus genitas. Videmus partes corporis diversas admodum esse, ac dissimiles; quare, minus verisimile est, omnes ex unâ eadèmq; similari materia confici posse. Et quamvis (si ulla harum trium partium suo muneri defuerit) generatio irrita fiat, non tamen inde rectè inferitur, partes reliquas semen nullum gignere. Et consequenter argumentum à castratis animalibus deductum, non evincit, Prostatas semen nullum conficere.

Quod

Quod hanc rem extra aleam ponit, est ipsa vasorum harum partium terminatio; quæ ita comparata est, ut una earum nunquam in alteram se exoneret: sed peculiari ductu in urethram quælibet desinit, distatque in nonnullis animalibus exitus prostatarum ab exitu deferentium & vesicularum, octo minimum pollices: in aliis quoque animalibus, nempe, tauro, ceruo, ariete, capro, erinaceo, porcello Indico, &c. satis evidens distantia inter horum vasorum insertiones deprehenditur: quod abundè demonstrat quamlibet harum partium peculiari muneri destinatum esse; & cum omnes in communem meatum, urethram nempe, materiam quam generant, deponant; patet quoque eas uni generali officio incumbere; nempe generationi feminis, quanquam specie diversi, secundum diversam organorum constitutionem.

Quod ad alterum argumentum à gonorrhœa laborantibus petitum attinet. Quamquam Bartholinus supponit, Prostatas esse sedem gonorrhœæ, id illi tamen haud facile concesserim. Etenim frequenter accidit, ex repentina atque intempestiva gonorrhœæ suppressione à protenter astringentibus factâ, ipsos testiculos intumescere. Quod vix fieri posset, nisi ipsi ex parte sedes gonorrhœæ forent. Propterea enim intumescunt, quòd materia intempestivè restricta, in eos, regurgitet. Quare veri-

Prostatas non esse sedem gonorrhœæ.

similius est , gonorrhœam non unam tantum partem generationi seminis dicatam , affligere ; sed omnes tres. Quod apparet ex testiculorum tumore , & carunculis circa vesicæ collum excrescentibus. Si vero daremus *Bartholino* , hanc partem esse gonorrhœæ sedem ; non propterea inde evincitur , eandem semen non coquere. Enimvero non sequitur : gonorrhœâ laborantes per triginta annos , cætera sunt sani ; ergo materiam seminalem non profundunt. Quanquam enim materia effluens non est semen perfectum , à partibus tamen seminis generationi dicatis elabitur. Fieri porro potest , ut tractu temporis , vitiosa humorum colluvies ad partes debilitatas confluat , & per earum ductus evacuetur. Utcunque enim hæ partes in statu sanitatis , generationi seminis , ex naturæ instituto , inserviunt ; fieri tamen potest , ut gravi hoc morbo diu afflictæ & debilitatæ , haud amplius semen conficiant , sed crudum quendam succum , qui à colluvie dicta , cum toto corpore undique confluente permixtus , excludatur foras. Quo casu majus impendit periculum toti corpori , ex restrictione talis fluxûs , quam ex ejusdem continuatione. Neque mirandum , si quis cætera sanus ultra triginta annos tali fluxu laboraverit : Quippe , hæ partes hoc modo affectæ , genium suum quasi exuunt , & sentinæ corporis loco sunt. Quis miretur si opè fonticulorum aliquot

liquot aut aut ulcerum saniem profundentium aliquis, diu vitam, cætera sanus, protrahat? Hæc inde quoque luculentius confirmantur? quod fœminæ etiam quæ prostatitis destituuntur, gonorrhœa laborare possint. Quæ in illis proculdubio à testiculis (cùm careant aliis organis seminis confectio*n*i idoneis) necessariò provenit. Imò verò in iis quoque frequenter gonorrhœa hæc diu durat; tandemque in fluorem album, enervato testiculorum robore, degenerat. Quod idem prope est, quod viris accidisse diximus. Ambo enim hæc viâ corporis colluviem deponunt.

Examinatis jam, partimque rejectis aliorum sententiis, verus harum glandularum usus adstruendus est. Primò, non negamus, eas posse inservire lubricationi urethræ, quod idem officium fortè etiam vesiculis seminalibus pari jure tribuatur. Verùm hic usus non est præcipuus; sed primariò inserviunt generationi materiæ cujusdam seminalis diversi generis, ab illa, quæ in testiculis aut vesiculis seminalibus conficitur. Nam ut diximus, materiæ seminales in his tribus partibus contentæ, sensuum indicio, diversæ sunt, & ab organis diversimode constitutis præparantur. Nam materia, quam testiculi conficiunt, multò nobilior videtur, lacteique magis, quàm reliquæ, coloris est: in vesiculis seminalibus materia serosior & magis pallida cernitur: in prostatitis autem magis

Verus usus Prostatarum.

crassa, lubrica ac viscida deprehenditur. Verisimile itaque est, hæc tria genera materiæ seminalis ad complendam generationem ex parte maris requiri: & si ullum ex tribus defuerit, generationem frustrari: sin aliquid eorum imperfectum fuerit, imperfectionem hanc ad fœtum inde genitum traduci.

Observatio chirurgorum, qui lithotomiæ operam navant, hoc ipsum confirmat; nempe illos, quorum prostata in calculi majoris & asperi extractione multum lacerantur, steriles & infœcundos in posterum evadere; fortè ex laceratione hæc, callus, ipsi loco effluxûs materiæ seminalis è prostatis in urethram, inducitur. Verùm iidem quoque observant, sectos, quibus vesiculæ seminales ex lithotomiâ similiter dirumpuntur, ineptos etiam ad generationem reddi. Unde sequitur tum prostatas tum vesiculas seminales ad generationem efficaciter concurrere, & utranque in hunc usum materiam sui generis præparare.

C A P. XXXII.

De glandulosa substantia corporum nervosorum; deque Glande penis.

Ejus descriptio.

CARO glandulosa corporum nervosorum in homine aliisque animalibus, quibus exilior penis contigit, sensu vix percipi potest. Verùm in penie equi evidentissimè

Caro glandulosa corporum, &c. 201

mè conspicitur. Sunt enim corpora nervosa quasi binæ capsulæ vel folliculi oblongi; muniunturque undique exterius crassa, alba, nervosa, firmissimæque membrana, quæ tempore erectionis plurimùm inflatur; sanguine spirituofo in eandem vi magna affluente per arteriam penis: ex qua plenitudine induratur. Nè verò capsulæ hæ impetu sanguinis nimium distendantur; fibrulis vel nervis innumeris transversim à latere ad latus decurrentibus coërentur & colligantur. Fibris vel nervis hisce intertexta est caro glandulosa, de qua nunc agimus; quæ quodammodo infarcit capsulas, easdemque extra coitum à nimia confidentia & flacciditate tuetur. Tempora verò erectionis, sanguis partim in has glandulas, partim in cavitatem liberam harum capsularum effunditur.

Glans penis, βάλανος ob glandis similitudinem, trium corporum nervosorum extremis adnascitur. Est figuræ turbinatæ: coloris, dum flaccescit, lividi; dum intumescit, rubicundi. Tenuissimâ membranâ tegitur. Intus constituitur ex glandula fungosa & nervis subtilissimè intertextis, unde exquisitissimo sensu prædita est: meritissimoque creditur voluptatis Veneræ sedes primaria, in eundemque solùm usum videtur efformata: nam incalescens unà cum pene intumescit. In eâ germinant fici, & verrucæ Veneræ.

C A P. XXXIII.

De glandulis Prolis propagationi destinatis in foeminis, & primo de Testibus.

Harum glandularum divisio.

Glandulas Prolis propagationi intervenientes maribus proprias hactenus perpendimus: Superfunt illæ, quæ mulieribus appropriantur; eæque partim generationi, partim nutritioni inserviunt; generationi, testes sui generis, nymphæ seu alæ, clitoris, caruncule myrtiformes.

Testium muliebrium ab illis virorum differentia.

Testes muliebres quanquam glandulosi sunt, ab illis tamen virorum plurimum discrepant. Primò enim intrinsecus in cavitate abdominis reconduntur, nempe haud procul ab uteri fundo, cui alligantur; partim ligamentis latis, partim vasis deferentibus. Secundò, figurâ quoque differunt, quæ ovali minus aptè respondet: Est enim antica & postica parte lata & compressa; & superficie inæquali & tuberosa: quanquam vidimus in virgine emaciata, turgidos & æquali superficie præditos. Carent etiam epididymide & parastatis. Tertiò, substantia testium foeminarum vesiculas quasdam spermate lymphido plenas in se continet; qua ratione, magis accedunt ad vesiculas feminales, quàm ad testiculos viriles. Quartò, Foeminarum testes minores sunt. Denique unâ tantùm tunicâ propriâ & validâ integuntur.

Hæ

Hæ differentia D. Casparo Hofmanno Instit. Med. l. 2. c. 44. sufficere non videntur. Testes, inquit, muliebres, cum virilibus collati, sunt cadavera testium. Parvi enim sunt, exsuccī, & quod rei caput est!, Ψαδupoι, ut Græci dicunt, hoc est, non compacti ex uno solido corpore, sed ex multis sibi invicem impositis, ut si quis ex arena funem texerit, in quibus non nisi rarissimi humoris aliquid continetur, tam semini masculo similis, quàm atramentum lacti. Et quī potest esse similitudo, cum, quod Gal. urget, tanta sit dissimilitudo? Sed & ubi omnia bene habuerint, qua via in uterum venit? Imò effunditur extra in iis, in quibus est. Quare dico audacter, Testes hi non minus sunt notæ gratia, quàm mammæ, aut si ita vis, papillæ illarum in viris.

Ex hac descriptione elucescit, D. Casp. Hofmannum testes muliebres tantum nomine tenus, cum illis virorum communes agnovisse. Ait enim, esse cadavera testium, nihil habere similitudinis cum illis virorum, & tantum notæ gratiâ foeminis dari, quemadmodum papillæ viris. Quid sibi velit per testium cadavera, haud facile est conjectare; nisi intelligat eos nullum testiculorum munus exequi; quod apertè in descriptionis fine insinuat. Si verò semen in iis generetur; non dubium est, quin aliquali testiculorum munere defungantur: semen verò in illis genera-

ri, videtur satis demonstrari posse ex animalium foeminei sexus castratorum sterilitate: sed de hac re infra fusiùs. Patet etiam ex ipsa voluptate, quam foeminae ex seminis excretionem in coitu percipiunt, & ex consequenti contristatione, post nobilem illum succum excretum. Sed instat ille, eorum semen tam masculo simile esse, quam atramentum lacti. Verum semen, quod continetur in testiculis foeminarum, non atrum est; sed limpidum & sola corpulentia virili cedit. Ubi dicit, esse tantum notae gratia, ut papillae in viris, id praeter rationem statuit: nempe notam ibi exstrui, ubi in vivo animali à nemine observari possit? Cur non similiter notae causa foeminis conceduntur vesiculae seminales & prostatae? Quod verò ad virorum papillas attinet; non improbabile est, posse eas, si ab ingruente aetate suggerentur, excrecere; & lac, quanquam minore copia, quam in foeminis, praebere. Videmus enim in nonnullis mulieribus, mammas adeò exsiccare & exarefcere, ut vix illarum vestigia supersint.

Porro ubi ait, testes muliebres exsiccòs esse & rarissimè aliquid humoris continere; videtur mihi potius ex aliorum perperam intellectis observationibus, quam propriam experientià illud asseruisse; & fortè ex *Fallop*i verbis non satis perpensis errandi ansam arripuit. Dicit ille, se nunquam foeminarum testes semine re-

fer-

fertos vidisse : verum de hac *Fallopian* opinionone postea videbimus. Interea loci notandum, *Fallopium* constanter agnovisse, testiculos hosce, materiam quandam aqueam in se continere. Ego etiam testari possum, me in nullis hactenus dissectis animalibus satis sanis has partes exsuccas deprehendisse ; tantum abest, ut rarissime aliquid humoris in se contineant.

Præterea asserit, testiculos hosce non esse compactos, nec sibi magis cohærere, quàm si quis ex arena funem texerit. Verum certissimum est, quanquam ex pluribus vesiculis glandulosâ substantiâ intertextis constant ; eos tamen unâ continuâ & sibi propriâ eaque satis firmâ membranâ includi : omnesque eorum partes ita constitutas esse, ut communi usui inserviant. Non autem semper ad unitatem & complementum partis requiritur, ut nullam particularum compositionem admittat ; ita enim plurimæ glandulæ unitate destituerentur ; quod ex plurimis frustulis aptè commissis conficiuntur ; ipsæ vesiculæ seminales in viris consimili compositione cum illa testium muliebrium exstructæ sunt. Non video igitur, cur in hisce partibus, compositionem magis compactam desideret.

Denique, negat dari vias, per quas se exonerent in uterum ; sed de hac re mox videbimus : Interea loci, ait, *effundi extra*, nempe semen, sed per quæ vasa ? Nul-

la enim testibus continuantur, quæ semen ab illis extra corpus deferant, sed forsitan illis verbis voluit, effundi in abdominis cavitatem; tunc autem quæro; non tantum per quæ vasa, sed & in quem finem, & quid de eo sic effuso postea fiat; in sanis quippe nulla hujusmodi materia in abdomine aperto unquam deprehenditur; quare hæc *Hofmanni* descriptio non tantum curta & manca est, sed & pluribus erroribus obnoxia: quamobrem neglecta illius sententia, descriptionem cœptam persequamur.

Testes muliebres vasa habent præparantia, reducentia & deferentia. *Præparantia* sunt, arteriæ & nervi; *reducentia*, venæ & canales aquosi vel lymphæductus; *Deferentia* putantur à nonnullis duûm esse generum, nimirum, *breviora*, magisque directè tendentia ad uteri fundum; & *longiora*, quæ *Tubæ Fallopii* dicuntur, & non directè, sed circa exteriorem testiculi extremitatem, capreoli in modum crispata, postea verò rectà ad uteri cornua feruntur.

Verùm minùs virisimile est, naturam instituisse duo genera vasorum ejaculatoriorum in fœminis: Frustra enim sit per plura quod fieri potest per pauciora. Uni autem testiculo sufficit unum vas ejaculatorium. Quare, verisimile est diversa hæc vasa diversis muneribus incumbere; & si alterum ejaculatorium fuerit, alterum
potius

potius esse receptivum. Sed utrum horum ejaculatorium? Existimem certè id quod *brevius* est, & directè ab interiore testiculi apice versus uterum tendit, & in ejus substantiam inseritur. Dices, non inseri aperta ductu in uteri cavitatem. Fateor: *Deferentium insertio.* Non enim ex usu foret, si sic infereretur. Nam viri quoque ejaculatoria per cæcos ductus seu potius per quandam transudationem in urethram exonerantur. Ipsa autem difficultas permeationis tum ad irritationem, tum ad actionis vigorationem conducit. Si enim absque luctatione aliquâ materia sponte deflueret, id eveniret quod in gonorrhœa cernitur, inefficax & involuntarium spermatis profluvium. Verum alia insuper peculiaris ratio in fœminis exigit, ne vasa ejaculatoria aperto ductu in uterum hiarent. Etenim *semen* mulieris non in uteri cavitatem, sed in solidam ejusdem substantiam derivandum erat; scilicet, ut ibidem cum virili mixtum, uterum quasi *terram* præpararet & subigeret, adeoque radices futuræ suæ augmentationis firmiter poneret. Statuendum igitur est, *brevius illud vas*, quod vix semipollicis longitudinem superat, esse ipsum vas ejaculatorium. Confirmatur autem eo, quòd ita interiori testiculi apici continetur, ut consimiles in suo ductu vesiculas, etsi multò minores, consimilique materiâ refertas includat.

Dices, *Fallopium* negare semen ullum in testi-

testiculis foemineis generari. Ejus verba sunt : *Omnes Anatomici uno ore asserunt , in testibus foeminarum semen fieri, & quòd semine referti reperiuntur, quod ego nunquam videre potui, quamvis non levem operam, ut hoc cognoscerem, adhibuerim. Respondeo, Doctiss. Fallopium inde decipi, quod existimaverit, nullum humorem seminis nomine venire debere, qui non crassitiem & substantiam seminis virilis æmuletur. Aliter enim constat ex sequentibus ejus verbis, reperiri in testiculis humorem aqueum & limpidum, quem semen muliebrem esse assero. Ejus verba sunt : *Vidi quidem in ipsis (nempe testiculis) quasdam veluti vesicas aqua vel humore aqueo, aliàs luteo, aliàs verò lymphido turgentes ; sed nunquam semen vidi, nisi in vasis ipsis spermaticis vel delatoriis vocatis.* Intelligit autem ; ut arbitror pervasa spermatica, ductus tubarum ; quippe in iis solum testatur se, paulò post, semen reperiisse. Quæro autem à Fallopio, cui usui aqueus & lymphidus hic humor in vesiculis testiculorum foemineorum generetur ; si seminis rationem nullo modo habiturum sit ? & an quodlibet semen sit necessariò ejusdem spissitudinis & corpulentiae ? Videmus etiam in vesiculis seminalibus virorum, aprorum, &c. humorem multò tenuiorem, magisque aquosum, quam in testiculis & prostaticis eorundem animalium reperiri. Certum ergo est, ad for-*

mam

nam seminis non perpetuò requiri eandem crassitiem ; & æquum videtur , ut semen muliebrem multò tenuius sit, illo viro- rum ; ut ipsæ illis frigidioris , humidioris , magisque aqueæ constitutionis sint. Quod verò demonstrat , testes fœminarum effi- caciter ad prolis generationem concurre- re , est castratio fœmellarum cujusvis ge- neris , quæ ex eo tempore steriles planè evadunt. Concludendum igitur est , testiculos mulierum generare semen , & habere ejusdem vasa ejaculato- ria ; nimirum illa *breviora* modò de- scripta.

Hoc autem dato, aliud munus *tubis Fal-* *Ufus in*
lopianis inveniendum est. Certum esse ar- *barnm.*
 bitror , eas aliquid ab utero excipere. Ob-
 servavimus nuper in dissectione *equæ gra-*
vidæ, Tubas *Fallopianas* plurimis valvulis
 toto earum ductu muniri , ne quid semi-
 nalis materiæ per easdem versus uterum ,
 aut in ejus cavitatem deferatur. Verùm è
 cavitate uteri in tubas, foramen stylum ad-
 mittens , cernebatur. Videntur ergò va-
 sa hæc ita constructa esse , ut potius è
 cavitate uteri aliquid excipiant , quàm
 quicquam in eandem effundant.

Quid autem excipiant ? Duas conjectu- *Tubas esse*
 ras saltem afferam. Prior est , esse uteri *uteri spi-*
 spiracula quædam : posterior , ea in coitu *racula.*
 portionem prolificam *virilis* seminis in se
 rapere.

Ad priorem quod attinet , hæc vasa esse
uteri

uteri spiracula, videtur id confirmari ex eo, quòd in animalibus majoribus immisso stylo ab utero in hujus vasis ductum, nullâ valvulâ impediēte, ad expansam tubæ extremitatem pertranseat, ibidemque in abdominis cavitatem exeat. Possunt itaque gestationis tempore exhalationes uteri per eas tubas in abdominis cavitatem eructari: quæ etiam causa esse potest, cur gravidæ tot symptomatis ab utero affligantur.

Tubas attrahere semen virile.

Ad posteriorem verò quod spectat, verisimile est *has tubas* imbibere in coitu sufficientem portionem seminis virilis ad conceptionem. Etenim (ut luculenter demonstrat vir acuratiss. & Cl. D. *Harveus* in libello suo subtilissimo nuper edito, de generat.) in cavitate uteri post coitum prolificum per aliquot dies nihil deprehenditur. Cùm verò fœminæ in coitu materiam seminalem evidenter excipiant, neque eandem (si modò fœcundæ fiant) denuò rejiciant; necesse est, eam vel in uteri tunicas, vel in aliqua ejus vasa recedere. Quoniam igitur duo genera vasorum uterum & testiculos respiciunt; probabile est, alterum eorum semen emitte-
re, alterum attrahere.

Quomodo deducitur ad uterum.

Etenim testatur *Fallopius* se sæpius in his meatibus semen exquisitissimum reperiisse, aliis fide dignis spectatori-
bus præsentibus quoque. Quæso igitur, unde hoc semen? Patet ex discursu *Fallopium*, ut & ipso

ipso sensuum testimonio , nullam istiusmodi materiam in testiculis mulierum contineri ; quare necesse est ab aliâ origine deducamus , quam tamen in corpore mulieris nullibi reperire est ; ut necesse sit confugere ad semen virile , tempore coitûs assumptum. Sed quò fertur semen sic assumptum ? Fortè per fibrillas nervosas à ductu tubæ reflexas ad exteriorem testiculi extremitatem. Hæ enim fibrillæ mihi videntur quodammodo repræsentare *capillares* illos meatus, qui è *ductu nervo* testium *virilium* prodeunt epididymidis ductum constituunt. Sed quid fit de semine ad hunc testiculi apicem producto ? Inde fortè , quanquam sensim & lento motu , ad vas ejaculatorium derivatur. Imò si detur, primò deferri ad testes, exinde tamen necesse est, ut ad uterum demum per vas ejaculatorium relabatur ; alioquin nullo modo cum semine foemineo aptè commisceri atque uniri potest aut omnino pervenire ad genialem uteri locum ubi primum conceptionis fundamentum jaciendum fit.

Non autem illabitur statim in uteri cavitate ; sed à tunicis ejusdem imbibitur, easque emollit adeò & præparat , ut embryo radices suas quasi in iisdem defigat ; è quibus postea alimentum attrahat : vel easdem ita disponit , ut succum nutritium è vasorum uteri extremitatibus exsudantem per vasorum chorii extremitates

tes assumat. Utero autem ad hunc modum præparato, semen sive conceptus paulatim incipit parietes ejusdem deserre, séque in cavitatem ejus conglobare, ovúmque ibidem, sive primum fœtus rudimentum efformare.

Ex dictis itaque constat, *testes muliebres* constructos esse, non tantum ad semen proprium conficiendum, sed ad recipiendam sufficientem portionem seminis virilis; quod cum suo semine permixtum, placido lentoque motu per vasa sua ejaculatoria deponant in uteri parietes, ut ex eo formetur fœtus.

C A P. XXXIV.

De alis, clitoride, carunculis myrtiformibus, &c.

A*La, Clitoris & caruncula myrtiformes* ad glandulas quoque spectare videntur. *Ala* seu *nympha* binæ sunt, utrinque una, immediatè sub vulvæ labiis *sita*: molles, spongiosæ & triangulares sunt. Clitorida contegunt, tanquam præputium: earum nimia excrescentia *Ægyptiis* familiaris est.

Clitoris, seu tentigo, caruncula est glandulosa, intus nigricans & spongiosâ materiâ plena; In extremitate colli vesicæ, inter alas, ad commissuram ossis pubis sita est. Constat duobus cruribus ab ossis ischiî tubere interno enatis. In extremitate

tate glandulam habet tenuissimâ cute ,
tanquam præputio , tectam , eandemque
foramen habet impervium , *μυρτὸν* , ob
baccæ myrti similitudinem , dictum. *Vasa* ,
arterias & venas innumeras ac majores ,
quàm corporis ratio exigere videretur , &
nervum insignem à sexto pari habet. Post
alas , *quatuor carunculæ myrtiformes* sese
offerunt : anterior , quæ etiam maxima ;
posterior & binæ laterales. Eadem mem-
branis integuntur , & interventu unius
subtilissimæ in medio perforatæ uniuntur
hymenemque constituunt.

Usus earum est , partim ad tutelam , par-
tium internarum , partim ad titillationem
in coitu inservire.

C A P. XXXV.

*De Glandulis prolem nutrientibus , &
primò de placenta uterina.*

Caro hæc glandulosa variis nominibus , *Ejus va-*
præsertim in diversis animalibus , do- *ria nomi-*
natur : in mulieribus , *placenta uterina* , ob *na.*
figuram ; *carnea moles* , ob corpulentiam ;
& *hepar uterinum* , propter officium ei ex
ex errore attributum , denominatur. In a-
liis quidem animalibus , carnea hæc moles
non unita est , sed in particulas divisa , quæ
κοτύληδόνες & *acetabula* appellantur , quod *Cotyledo-*
in animalibus cornigeris , cotulæ vel a- *nes quid.*
cetarii cavitatem nonnihil repræsentent.
Asserit *Riolanus* , vasa uteri cùm vasis
umbi-

*Eas non
esse vaso-
rum infu-
siones.*

umbilicalibus juncta esse, earumque commissuras & anastomoses, κοτυληδόνες dici. Sed fallitur; nullæ enim inosculaciones aut commissuræ inter vasa uteri & umbilicalia, reperiuntur. Nam si digitis moliter separes uterum vaccæ à chorio, illis nimirum in locis, ubi excreſcunt hæ carunculæ & junguntur cum similibus chorii carnibus, facilè percipies nullum vas inter ſeparandum dirumpi aut lacerari, nullamque profuſionem vel sanguinis vel cruoris ex hac ſeparatione conſequi. Rejeſtâ ergò illâ cotyledonum ſignificatione (quanquam fortè eo ſenſu, vox à *Galeno* & nonnullis veterum aliquando accipiebatur) oportet ut per κοτυληδόνες intelligamus illas carunculas, quæ reperiuntur in multis animalibus inter uterum & chorium, quarum mediatione, illæ membranæ inter ſe firmiter conneſtuntur. Aliter enim nomen inutile habebimus, cui nihil in natura reſpondeat, & rem in natura verè exiſtentem, cui nomen deſit. Sed redeamus jam ad glandulam ipſam, prout in muliere reperiſtur.

*Placenta
ſitus.*

Placentæ uterinæ ſitus à nonnullis anatomicis variè traditur. Alii aiunt, eam anticam uteri ſedem occupare; alii, poſticam; alii, ſiniſtram; alii, dextram. *Riolanus* generalibus tantùm terminis eidem anticum & internum uteri corpus aſſignant. *Arantius* verò locum ubi uterina & umbilicalia vasa cœunt. *Fallopianus* cer-

certius & apertius de hâc re loquitur. *Placenta*, inquit, *semper hæret alteri uteri ipsius parti, in quam desinit foramen à meatu seminario veniens, atque illud quoque notavi, foramen hoc esse quasi centrum totius spaci, quod à placenta occupatur. Fallopii* sententiæ, quoad placentæ situm, assentior. Nam anguli uteri muliebris respondent cornibus uteri in aliis animalibus. Quemadmodum enim cornua illa desinunt in rubæ foramen, ita anguli uteri muliebris in idem foramen terminantur.

473.

Anguli uteri cum cornibus comparantur.

Tuba autem ipsa nihil aliud esse videtur, quàm processus quidam apicis cornuum uteri, in animalibus, quibus cornua illa conceduntur: in fœminis verò est processus quidam ipsorum angulorum uteri. Hoc foramen suprà nomine spiraculi uteri indigitavimus. Rectè ergò *Fallopius* observavit, idem foramen esse quasi centrum fœtûs. Nam in majoribus animalibus uniparis, fœtus semper in altero cornuum ita situs est ut foramen sive spiraculum istius cornu sit quasi centrum radicationis ejusdem. Cum ergò (ut diximus) anguli uteri in muliere respondeant cornibus in animalibus uniparis, sit ut basis fœtûs perpetuò in altero uteri angulo jaceat; adeoque, ut *Fallopius* notavit, foramen illud, eo quod perpetuò est quasi centrum illius anguli, necessariò quoque fuerit centrum istius radicationis; nimirum, placentæ.

Quid tamen.

Pla-

Numerus
partium.
159.

54.

374.

Quo sen-
su inge-
mellis
placenta
dicatur
una.

Placenta hæc in muliere unica est. Er-
rat Bartholinus, cum ait, *Unica est pla-
centa, etiam in iis, quæ gemellos pluresve
fætus gestant.* In quem locum animad-
vertens Riolanus, *Distingue*, inquit: ge-
melli ejusdem sexûs, habent eandem pla-
centam communem, qui diversi sunt sexûs,
habent suam propriam. Nam Aph. 48. 5.
(*mares uteri dextrâ parte, fœminæ fini-
strâ magis gestantur*) de eorundem situ
intelligi arbitratur. At omissâ hâc distin-
ctione, in sua *Anthropographia* statuit,
gemellos communem habere placenta[m] quæ
utriusque vasa umbilicalia recipit. Et in
eodem capite, sibi parum constans, asserit,
quemlibet fætum proprias habere membra-
nas & placenta[m]. Verùm ad Bartholini
sententiam quod attinet, is ulterius se ex-
plicat, ubi ait, *unicæ placente totidem fu-
niculi diversis locis inseruntur, quot em-
bryones.* At rectiùs fortè *Aquapendens*,
uteri, qui cornua habent & plures gestant
fætus, ut canes, feles, unicam habent car-
neam mole[m] singulo fætui dicatam. Et pau-
lò post: Nam cum fætus sunt plures, ideo
singulum à singulâ uteri parte sanguinem
allicere erat necessarium. Quid verò ipse
de hac controversia sentiam, paucis ex-
pediam. Ubi plures fætus, ibi quoque
plura adsunt choria, quibus includuntur;
& necesse est, ut pluribus quoque placen-
tis utero adhæreant. Ubi verò contingit
gemellos sive ejusdem sive utriusque sexûs
habe-

habere placentam quodammodo unitam, ut aliquando observavimus; illa placenta tamen non una est per genuinam partium continuationem, sed per quandam contiguitatem & mutuam adnascentiam. Nam linea conspicua utramque partem distinguens, ita eas dividit, ut unius medietas uni funiculo umbilicali; & alterius, alteri, evidenter sit appropriata: perinde autem esse in gemellis arbitror, siue eos duas habere placentas, siue unam hoc modo divisam, dixeris.

Magnitudo placentæ pro ætate embryonis variat; nam mox à conceptu perexigua est & vix conspici potest; at aucto indies fœtu, illa conformiter augetur: ante partum duodecim digitos lata est, aut circiter; in ambitu attenuatur; in medio autem sui crassior est, habetque nonnullas ibidem protuberantias.

Substantia ejus sui generis est. Differt enim tum ab illâ musculorum, tum ab illâ viscerum, tum ab illâ glandularum propriissimè sic dictarum. Differt evidenter à carne musculoſa, quòd nulli motui animali destinantur. Nec minùs differt à viscerum parenchymate, quòd non tantùm uteri arteriis, sed & imprimis nervis ejusdem operam navet. Succus enim quem conficit in embryonis usum, lacteus planè est, & lacti in mammillis genito simillimus: nullum verò viscus ad hujus generis munus obeundum aptè comparatum est.

K

Differt

*Magnitudo.**Substantia.**Differt à musculo, à viscere,**à glandula propriè dicta.*

Differt à *carne glandularum*, quòd careat communi membranâ, quodque ex alterâ suâ medietate nervis destituatur. Utcunque eo ipso quòd maximam cum mammillis cognitionem habeat, nimirum, quod eidem ferè muneri cum illis incumbat, nempe præparationi alimenti in fœtus usum, in glandularum classe constitui-mus, eoque lubentius, quòd partium solidarum nutritioni, glandularum more, aliquo modo famulatur.

*Substan-
tiam esse
duplicem.*

Hæc substantia glandulosa duûm generum est. Etenim ipsa placenta duplex est: Altera ejus medietas pertinet ad uterum: altera ad chorion. Atque hæ medietates inter se apte committuntur, seu potius in-oculantur. Constat enim ex inæquali superficie; nimirum, alveolis & protuberantiis sibi mutuò aptè respondentibus: ita ut alveolus unius medietatis, protuberantiam alterius in se excipiat & undique amplectatur.

*In qui-
busdam
animali-
bus desse
placen-
tam.*

Carnea moles (quæ in mulieribus *placenta* dicitur) in variis animalibus variè se habet, imò fortè in aliquibus *nulla* est, ut in *oviparis*; piscibus scilicet pennatis & insectis, quorum uteris chorion non adnascitur, & propterea carneâ mole destituuntur. In *viviparis* quoque nonnullis, illa moles desideratur, aut valdè obscurè adest, ut in suibus. Atque etiam *Aquapendens* equas & sues pariter hæc carneâ mole (primâ facie, non autem re-
verâ)

verà) destitui putat. Sed in utrisque conspiciuntur minima & innumera tubercula per chorion dispersa. In equis quoque præsertim fœtu jam majusculo , tubercula hæc per totam chorii superficiem , ut & uteri , quâ chorio contiguus est , dispergi vidimus : non autem in sue ; verùm ejus loco gelatinam quandam vel mucilagineum succum , tunicasque contigua , tum uteri tum chorii rarissimâ membranâ lævique & lubricâ tectas fuisse. Quare cùm interior tunica uteri suilli tenuis adeò sit , ut succum nutritium sufficientem transmittat ; & tunica exterior chorii non minùs rara & tenuis sit , ad eundem imbibendum ; causam nullam video , cur carnea mole omninò carere nequeat.

In aliis quoque viviparis , carnea moles multum diversa cernitur , in *fæminis* unica, lata & continua est , & in canibus, felibus, cuniculis, leporibus & muribus, porcellisque. Indici binas placentulas habent , non unicam , ut etiam notavit *Aquapendens*. Verùm & hæ quoque à placentâ muliebri non parum differunt. Nam in canibus , felibus & muribus cingulum seu zonam referunt. In cuniculo, cupulam glandis ; ut Cl. D. *Harvæus* observavit. In porcello Indico, placentæ farinaceæ figuram præ cæteris omnibus animalibus exprimit.

Animalia altera parte dentata , quorum uteri cornua habent , licet illa ut plurimum

Ejus varietas in diversis animalibus.

Cur aliquando divisa.

num unicum foetum gestent, quoniam tamen grandior est, debet ex utroque cornu alimentum petere, & propterea carneas has moles divisas ac multiplices habent; ut videre est in ovibus, capris, capreolis & vaccis, in quibus valde numerosæ sunt, ut sexaginta, immò octoginta, pluresque aliquando numeraverim. In cervis vero & damis, ut asserit Cl. vir D. *Harvæus*, quinæ tantum conspiciuntur.

*Vasa 4.
uteri ha-
bet.*

Placenta habet *Vasa* duplicis originis, alia ab utero, alia à chorio: *illa*, quatuor sunt generum; arteriæ, venæ, nervi, & lymphæductus; quæ omnia quanquam perampla valdeque conspicua in utero, & eo ipso in loco, quo is continuatur placentæ, cernuntur; in placentam tamen ipsam (illam nempe medietatem ejus, quæ ad uterum spectat, ut antea dictum) extrema tantum & minutissima capillaria immittunt, quæque magis ex usu & actione, quam ex mole, deprehenduntur.

*Tria à
chorio.*

Vasa, quæ à *chorio* originem sumunt, sunt arteriæ, venæ, & fortè lymphæductus, arteriæ & venæ exiles sunt sensumque fugiunt; nempe, illæ omnes quæ terminantur in placentæ parenchyma; quanquam enim maximi trunci arteriarum & venarum inter membranas placentæ parenchyma intrinsecus munientes digeruntur; illi tamen non terminantur

tur

tur in ipsum parenchyma , sed ulterius excurrunt , nempe ad ultimas chorii & amnii oras , quas totas suis rivulis irrigant.

Quod ad lymphæductus chorii vel amnii spectat, illi à nemine hætenus , quod sciam , descripti sunt : quod minime mirandum, quia credibile est, eos admodum exiles esse, & nunquam in unum majusculum truncum coire, nedum ad funiculum umbilicalem pervenire, sed in anteriorem amnii tunicam sparsim se exonerare, ipsamque aquam, in qua embryo natat, quaque ex parte nutritur, suppeditare. Ideoque, vivo animali, ad ea indaganda, accessus non datur; & post mortem, cessante lymphæ profusione, compressisque nonnihil ex ipso frigore membranis, ita concidunt, ut eorum minores ramuli cerni vix possint, neque obvium est, ligatura injectâ præcavere, ne in hunc modum se exonerent & subsident.

Quamquam verò apertè rivulos eorum ad placentam usque prosequi non possumus; in ipso tamen funiculo umbilicali *gelatinam* quandam adeò copiosam cernimus, ut vasa alia omnia investiat. Hæc *gelatina* in fœtu vaccino ejusdem planè saporis est cum liquore in amnio contento; & verisimile est, liquorem hunc ab eadem scaturigine promanasse: immo hanc ipsam quoque *gelatinam* loco vasis esse aut trunci vasorum,

*Lymphæductus
placentæ
difficiliter
inveniuntur.*

*Eos gelatina
speciem re-
ferre.*

*Et exone-
rari in
funiculi
papillas.*

*Horum
vasorum
exortus.*

*Gelati-
nam lym-
phædu-
ctuum
munere
fungi.*

per quem liquor in amnio contentus sup-
peditetur. Gelatina enim hæc in innume-
ras papillulas minutulas totam funiculi
longitudinem ambientes, asperamque red-
dentes terminatur; foetus autem umbili-
cum non penetrat. Certum igitur est, hanc
gelatinam à placenta originem ducere; &
versus intestinulum umbilicale fluere.
Non enim à foetu provenire potest, quia
non tantum vase caret in ipso umbilico, sed
& nihil istiusmodi materię juxta umbili-
cum reperitur; è contrà in placenta chorii
materia consimilis deprehenditur: immo
arterię & venę (quę comites in placenta
sunt) ab eadem redeuntes, capsula ejus-
dem materię subobscurè involvuntur:
quando verò plures harum venarum,
comitantibus arteriis, in truncos majus-
culos coeunt, gelatina eas involvens ma-
gis conspicuè cernitur. Nam arterię & ve-
nę per aliquod spacium antequam cho-
rion deferunt & funiculum subintrant,
duos insignes utriusque generis ramos
constituunt: quę non minus evidenter
materię hujus theca amiciuntur, quàm
vasa illa in ipso funiculo; certum ergo
mihi est, gelatinam hanc vasorum quo-
rundam, nempe *lymphæductuum*, mu-
nere defungi. Quia vero alii de hac re
adhuc dubitaverint, rationes sequentes
ad ejusdem confirmationem adne-
ctam.

Probatur

1. Video in illis perfectorum animalium

um partibus, quæ placent maximè respondent, *lymphæductus* conspicuos reperiri; ut in mammis, testiculis, utero, mesenterio, aliisque plurimis membranis; curque hisce partibus iidem, aut vasa eorum vicaria denegentur, haud facile explicatu arbitror.

2. Videntur hæc *vasa* non minùs placenta & fœtui necessaria, quàm *lactea* ipsæ natis jam animalibus. Certum enim esse arbitror, ad integram nutritionem duo alimentorum genera requiri; quod evidentissimum est, in oviparis, in quibus vitellus & albumen. Nec ratio reddi potest, cur non similiter duplex alimentum requiratur ad fœtus nutritionem; quo concessio, necessario sequitur, duo esse vasorum genera, quæ illa alimenta quoquo modo ad fœtum deducant. Cùm vero arteriæ umbilicales solum extrorsum portent, venæque unius tantum generis alimentum reducant; æquum est, ut aliud vasorum genus substituamus, quod alterum succum nutritium absorbeat, & in amnii cavitatem refundat, ut idem ori fœtus præsto sit.

3. Quia aliter nulla *ratio* sufficiens, (aut in qua animus ingeniosis naturæ operibus assuescens, acquiescat) assignari potest, illius processûs quo prima aqua in amnium derivetur, aut quibus mediis eadem indies augeatur, aut in nutritionem fœtus absorpta, redintegretur.

Interjacet enim inter amnium & uterum integrum chorion, interimque toto hoc interstitio nullum hujusmodi aquæ vestigiumprehenditur. Si autem per hasce tunicas aqua transfudaret; cur nulla ejusdem portio inter amnium & chorion reperiretur; mihi ergo certum est, hanc aquam non per modum transfudationis per tunicas, sed per vasa, ut dictum est, congeri. Cumque, tum chorion tum amnios careant nervis; ut patet, quòd nulli eorum trunci in funiculo umbilicali deprehendantur; careantque evidenter omni vase excretorio, cum demum arteriæ & venæ, quæ sanguinem tantum deferunt, huic congestioni planè ineptæ sint: restant soli lymphæductus, vel gelatinæ modò descriptæ, eorum vicariæ, quibus hoc munus delegari possit.

4.

4. *Nervi* ad uterum delati, gestationis tempore plurimùm augentur, & in ipsam placentæ medietatem utero adnatam capillares frequentes emittunt; ut patet ex sensu placentæ in gravidis & ex motu in partu: hi vero nervi non ipsius uteri sed fœtus gratiâ efformantur, ut patet, quia cessant, & cum uterina placentæ medietate post partum excidunt, (nempe liquescunt) & cum uteri purgamentis foras deturbantur; ita ut, mense uno elapso, nulla eorum vestigia ulterius appareant. Quæro igitur, cui usui nervi hi

ca-

capillares in prægnantibus de novo formantur ; si nihil succi nutritii in placentam effunderent. Sin concedas effundere , æquum est , ut illis respondeant capillares lymphæductus vel eorum vicarii (ut monstravimus) qui , ut in aliis partibus , liquorem , quem nervi effundunt , excipiant , & reportent ; non quidem in uterum ejusve usum , sed in usum fœtus , cujus gratia hæ omnes partes exstructæ sunt.

Ultimò , constat succum in amnio contentum , ejusdem generis esse cum illo in ventriculo fœtus reperto ; quare certissimum est , eum esse succum nutritium , & non illius generis qui in arteriis & venis continetur ; sed illius , qui è nervis promanat.

Etenim albumini ovi similior est quam sanguini. Non dico autem , totum hunc succum esse spermaticis partibus alendis dicatum. Nam postquam per os in ventriculum & intestina hauritur , & per lacteas in glandulas mesenterii distribuitur , selectissima ejus portio in usum nervorum , & partium spermaticarum separatur ; quodque reliquum est , per ductum chyliiferum fœtus in venas subclavas , ut abeat in sanguinis alimentum , transfertur. Satis autem mihi est , si liquor hic verum succum nutritium partium spermaticarum in se contineat ; si enim id fiat , necesse est , diversæ originis

fit à sanguine, nimirum ut è nervis exstillet; è nervis, inquam, *uteri*. Cumque quicquid è nervis superfluum effunditur, excipere soleant lymphæductus, vel aliqua alia vasa quæ eorum officio defunguntur, placentæ uterinæ profectò adscribendæ sunt, ut hunc succum in amnion deferant. Quia vero reipsa vasa illa, quæ hoc præstant, gelatinæ simillima sunt; fateor ea improprie lymphæductuum nomine venire. Si vero usum eorum consideremus, cum iisdem planè conveniunt, & lymphæductus merito dicuntur. Concludo igitur, hoc sensu ad chorium ejusque placentam spectare sui generis lymphæductus: nempe, ramificatam illam gelatinam modò descriptam.

Ufus placenta.

Varia anatomorum sententia de eodem.

De *actione & usu* placentæ uterinæ, ut & carneæ molis, anatomici inter se digladiantur. Alii ignobiles planè usus huic parti ascribunt, actionem nullam. Quorum coryphæus est acutissimus *Fabritius Aquapendens*; qui asserit, carneam hanc molem nequaquam propter actionem suam esse utilem, sed efformatam, fuisse, ut sit vasorum propugnaculum, eaque custodiat & fulciat. Verum eximius noster *Harvæus* nobiliorem huic parti usum asserit; scilicet alimentum fœtui nutriendo præparare: alii adhuc ulterius progrediuntur, censentque hanc partem aliquo modo sanguinem præparare & depurare, eamque ob causam, placentam jecur uteri-

uterinum vocant. Hanc sententiam D. *Arantius* primus asseruit, postque eum D. *Bartholinus*, qui etiam de suo ulterius addit: placentam hanc, sanguinem præparare, quemadmodum in adulto verum hepar; adeò ut vim sanguificandi huic parti manifestè ascribat; existimat enim hepar in adultis esse officinam sanguinis, idemque munus hic ascribit suo hepati uterino.

Aquapendens sententiam suam eo tuetur, quòd arterias & venas embryonis carnea hac mole suffultas cum arteriis & venis uteri uniri & inoculari existimet. In eumque finem opinionis *Arantii* fundamentum refutat. Negaverat enim *Arantius*, vasorum uteri unionem cum vasis umbilicalibus: voluit autem hæc vasa per carneam molem dispergi, velut plantæ radices in terram. Doctiss. *Harvæus* *Arantii* partibus favet. Ipsaque revera autopsia docet, arterias & venas umbilicales cum orificiis vasorum uteri minimè conjungi: quoniam, ut suprà diximus, carnea hæc uteri moles in duas medietates ab invicem facilè separabiles disternitur; quarum medietatum altera manifestè ad partes uteri, altera ad embryonis spectat. Vasa uterina omnia ad placentam distributa, in illa medietate, quæ uterum spectat, terminantur, & in eadem in capillamenta penitus absumuntur, neque omnino in alteram medie-

Aquapen-
dentis
sententia
examina-
tur.

tatem transeunt. Similiter vasa umbilicalia , quæ ad medietatem placentæ chorio affixam progrediuntur , omnia in eadem medietate in capillamenta exhauriuntur : neque transeunt in oppositam medietatem utero contiguam. Porro , si quis velit medietates hæc leniter divellendo ab invicem separare (quod factu facile est) videbit separationem fieri absque omni diruptione aut laceratione vasorum , aut cruentatione partium separatarum. Evidenti argumento , vasa utriusque generis respectivè terminari in medietate glandulæ alterutri propria. Fieri ergo non potest , ut vasa umbilicalia cum vasis uterinis inosculentur , cum alterutrum horum genus , suis finibus , nempe , suâ carneæ molis medietate , planè terminetur : ut cuivis facilè constabit , modò velit periculum facere , separando uterum cum glandularum ad ipsum spectantium medietatibus , à chorio & medietatibus glandularum huic affixis ; in vaccis nempe , ovibus , aliisque omnibus animalibus quæ carneâ mole prædita sunt. Statuimus ergò , *Arantii* opinionem , quoad hoc , veriorē esse , illâ doctiss. *Fabritii*. Non negamus tamen usum ab eo præscriptum , scilicet , carnem hanc munire vasa in se distributa : Quippè , ex *Arantii* quoque sententia , vasa disseminantur in placentam , ceu radices in terram. Quemadmodum

dum igitur terra sustinet atque firmat radices in se fixas , ita quoque admittimus molem hanc firmare capillamenta vasorum in se terminata. Non autem concedimus *Aquapendenti* hunc usum placentæ esse nobilissimum , nullumve aliud munus eidem assigandum esse.

Arantius è contrà, usum nobiliorem, *Arantius* quam oportuit, huic parti attribuit; multoque magis *Bartholinus*, qui vult hepatis *quoque corrigi-* veri officio fungi in embryone. Quod ad *Arantii* opinionem attinet, carneas hasce moles depurare sanguinem; ex eo convellitur, quod desint vasa per quæ impuritates hujusmodi excernantur, desit etiam receptaculum in quod rejiciantur: quod verò *Arantius* videtur respondere, ipsam placentam hisce impuritatibus & excrementis ali, adeoque non opus esse ut extra corpus eliminetur, fundamento prorsus destituitur. Etenim nulla pars corporis tam est despicabilis, ut meris excrementis alatur. Tum porro si pars hæc impuritatibus aleretur, tantum abesset, ut sanguinem depuraret, ut eundem potius coinquinaret. Siquidem pars quælibet, cui vis alterativa conceditur, nititur sibi assimilare materiam à se alteratam. Insuper, nullas impuritates, nullas sordes, sed omnia nitida, dulciâque & delicato succo referta in hac parte deprehendimus.

Quæ

Cl. D. *Glissonus* in anatomia hepatis ; cumque ipsæ mammæ, & placentæ partes sint tum chylo tum lacti simillimæ, facile conceditur, eas chylosam sanguinis partem lactique simillimam, ad se allicere posse. Quo dato, dico certum esse, mitissimam hujus sanguinis partem ut in mammis, ita & in placenta, separari à parte acriori ; & hanc à venis uterinis exsugere, & ad matrem reverti : illam verò reservari in glandula, quemadmodum lac in mammillis solet, ad usum fœtûs. Etenim eodem planè modo, quo lac in mammillis conficitur, alimentum hoc embryonis in hisce glandulis præparatur. Est enim illa hujus glandulæ medietas, alba, mollis, spongiosa, similisque substantiæ mammillarum ; & propterea credibile est, consimili officio defungi. Atque hic obiter notandum est, substantiam hanc sanguini generando, officiove hepatis vicario obeundo (quod *Bartholinus* voluit) esse ineptissimum.

Quod ad succum alterum per nervos *Altera* delatum attinet, ille ejusdem generis est *albuginea.* cum succo nutritio partium spermaticarum, & respondet maximè albumini in ovo (quo respectu albugineus dici potest, & spermaticus) quemadmodum altera pars alimenti, vitello. Et ut succus vitellinus nutritioni sanguinis fœtûs, ita albugineus, spermaticarum partium, dicatur. Sciendum enim est, succum priorem per

per arterias ad placentam delatum, si separatim consideretur, minùs generosum esse lacte in mammillis genito; quia lac illud non tantùm succum chylosum ab arteriis, sed & spermaticum è nervis affusum in se continet. Verùm placenta præter illum à sanguine secretum, alium etiam à nervis quoque selectum excipit, adeoque si totum succum à placenta præparatum concretè sumpseris, lacti in mammis genito per omnia æquipollet. Nam in utrisque non tantùm arteriæ sed & nervi quoque suum succi genus, ut dixi, similiter suppeditant.

Eorum transitum ab uteri in chorii placentam.

Materia hæc lactea hoc pacto, in carneæ molis medietate utero propria collecta, inde per modum transudationis, in alteram medietatem chorio adnatam, derivatur: nulla enim intervenit membrana intercipientis transitum inter has medietates, sed inter se immediatè perviæ sunt. Immo verò protuberantiæ unius in alveolas alterius profundè insinuantur, cumque utraque spongiosa sit, facillimè succus ab alia in aliam transfudat.

Quibus vasibus absorbetur.

Lacteus hic succus, hoc pacto in medietatem glandulæ chorio adnatam receptus, partim à venarum extremitatibus, partim à chorii lymphæductibus abducitur. **x. Venis.** Venæ, non tantum sanguinem, quem arteriæ fœtus effundunt in placentæ parenchyma, reportant; sed & unà magis spirituosam dicti succi partem, illam

lam nimirum, quæ maximam cum sanguine cognationem habet, quæque vitello in ovo respondet. 2. Lymphæductus, ^{2. Lymphæductibus.} vel gelatina quæ eorum vices gerit, alterum succum albumini ovorum similiorem abducit ad funiculum umbilicalem, ubi ille succus per innumeras minutulas papillas sive asperitates sensim exstillat in amnii cavitatem; foetus hunc succum per os in ventriculum haurit, ubi ulterius elaboratur, & per lacteas ad mesenterii glandulas transmittitur, ibique selectissima ejus portio separatur ad partium spermaticarum nutritionem & augmentationem; adeoque duplex foetus alimentum habemus, alterum vitello, albumini alterum respondens, duoque vasorum genera, quorum ministerio ad foetum deducuntur.

C A P. XXXVI.

De Mammis.

Mammae, mamillæ & ubera in diversis animalibus partes congeneres designant: volunt autem *mamillas* viris, *mammæ* mulieribus, *ubera* brutis propria esse. Et videntur quidem mamillæ, utpote exiguæ, viris deberi. Nihilominus apud authores idoneos nonnunquam mamillæ mulieribus quoque adscribuntur.

Earum nomina.

Sitæ

Situs.

Sitæ sunt in muliere, in medio pectore, super musculos pectorales; in aliis autem plurimis animalibus, sub abdomine & inter femora. Verùm simia & homo sylvestris, *orang outang* dictus (quæ sola animalium, præter hominem, fœtus suos inter brachia gestant) ubera habent in pectore. Aiunt etiam, Elephantum, Vespertilionem & Balænam, ibidem habere. Ratio sitûs harum partium in muliere, est venustas, quæ eidem inde advenit, & commoditas lactationis. Infans enim recens natus, haud more brutorum ambulat, sed ulnis maternis comprehensus; mammis admoventur.

Sunt & alia animalia, quibus in pectore mammarum nascuntur, ut nimirum Elephas, capra Lybica & vespertilio; quæ tamen non gestant fœtum. Animalia solidipeda, & ruminantia vel cornigera, inter femora mammas habent; quorum fœtus statim à partu pedibus insistant, quòd matres inter lactandum non decumbant: ut equa, asina, vacca, ovis, cerva, dama, capra, camelus, &c. Animalia digitata & multipara, in medio ventre, scilicet spacio ab inguine ad pectus (in cuniculo usque ad jugulum) duplicem mammarum seriem sortita sunt; quæ omnia decumbentia, ubera fœtibus admovent: ut leæna, ursa, canis, felis, mus, sciurus, cuniculus, &c. Si verò hæc in solo inguine mammas gererent, propria crura inter decumbendum fœ-

foetum accessum ad mammas nonnihil præpedirent.

Mulieribus mammæ binæ sunt, ut & *Numerus partium,*
 papillæ, nimirum ut latus lateri conformiter respondeat, & ut alternatim infans à latere in latus inter sugendum transferatur, ne corpus ejus uni lateri nimis assuescens, quoquo modo incurvetur. Simia, homo sylvestris, capra Libyca & vespertilio *Aldr. 579*
 (quæ volucrum sola geminos formatos pullos parit & lacte nutrit) binas mammillas pectori appensas gerunt. Pisces etiam cetacei generis, qui soli foetum lactant, binas mammas papillasque obtinent. Animalia quæ inter femora gerunt ubera, vel binas, vel quaternas papillas nacta sunt. Quæ autem mammas habent in medio ventre; plures, impares, & incerti numeri papillas obtinent. Ovipara omnia, pennata scilicet aquatilia & reptilia uberibus carent, quia non lactant foetus; at cetaceum genus hîc excipias, nempe balænam, phocæam, delphinum, orcham & phocænam, cujus ubera bina cum binis papillis & tubulis quoque lactiferis amplis, illis vaccarum simillima observavi. Animalia multipara cæteris paribus plures mammas habent. Verum vaccæ, equæ, oves, cervæ, damæ & capræ, quæ unicum foetum ut plurimum excludunt, bina tantum ubera obtinent, quanquam nonnulla ex his, ut vaccæ, quaternas papillas nacta sunt, nempe binas alterutri uberi appensas.

Plin. l. 10. c. 61.

Magni-

Magnitudo mammarum pro ætatis discrimine variat, in recens natis earum tantum vestigium cernitur; deinde in parvulis virginibus, primò papillæ extuberant; mox sensim excrescunt mammæ ad dimidii mali amplitudinem & figuram, & tunc fratrari vel sororiari dicuntur; in vetulis flaccescunt, in prægnantibus & lactantibus mirum in modum augentur.

Figura hemisphærica est, substantia mollis, omnium glandularum maxima, compacta & albißima; nimirum in foeminis, nam in vaccis flavescit: constant ex parenchymate glanduloso, spongioso, continuo, uniformiter versus papillam acuminato, in distinctos globulos non diviso, nisi præternaturaliter affecto. Verùm in scirrhosis & cancrosis tumoribus nodosum deprehenditur. Parenchyma ejus, inquam, spongiosum est, & à parte ad partem pervium. Imò omnes ejusdem porositates, (quas, tubulos lactiferos, in vaccis valde conspicuos, vocant) in papillam seu ductum communem terminantur.

Papilla verò ipsa quædam quasi productio tum cutis tum parenchymatis est, scilicet, in formam oblongam pendulam teretemque. Etenim medulla papillæ glandulosa est & ejusdem substantiæ cum mæmæ parenchymate. Tegitur autem & munitur cute tenui similiter in locum productâ. Extremitas autem papillæ non uno foramine sed pluribus foraminulis & prope invisi-

invisibilibus aperitur; scilicet ne, si in unum foramen magnum defineret, lac perpetuò & sponte sua absque suctione efflueret.

Vasa habet, arterias, venas, nervos, canales aquosos & porosam cavitatem. Arterix à subclaviis descendunt, earumque aliquæ extremitates cum epigastricis dicuntur uniri, per quas anastomoses, falso arbitrantur, translationem ab utero ad mammas fieri: quod sanè haud minus impossibile est, quàm per venarum anastomoses (quas fingunt) hisce arteriis respondentes, idem munus peragi.

Nervos habent tum à quinto pari spinali, tum à plexu circa claviculas, & fortè ab aliis quoque originibus nondum satis accuratè observatis. Hoc mihi certum est, ingentem nervorum numerum ad mammas distribui. Vidimus enim nuper in virgine plurimum emaciatâ, annos 14. natâ, mammas valde exiles, omnique fere parenchymate destitutas, in quibus tamen nervi adeò numerosi erant, ut corpus mammæ perexiguum ex iis fere solis constare videretur. Nam inter secandum, haud aliter cultello resistebant, quàm si corium, vesicam, corpusve aliud maximè nervosum secuissem.

Lymphæ ductus quoque habent, & valde numerosos. Etenim in vaccarum uberibus admodum conspicui & frequentes reperiuntur, adeo ut eorum vestigia ad parenchyma persequi vix detur. Quare verisimile

Vasa,

✶

*Vena,
Arteria;**Nervi,**Lymphæ
ductus.*

simile est, eos exhalationes omnes membranarum ope in sudorem resolutas, reportare, unà cum ipsa portione reliquiarum alimenti spermatici; adeoque non tam mammarum parenchymati, quàm earundem membranis miniltrare.

*Tubuli
lactiferi.*

Quod ad porosam harum glandularum cavitatem sive tubulos lactiferos attinet, assero eos hîc usum vel officium tum asservaculi, tum vasis excretorii, præstare: asservaculi, tempore intermissæ suctionis; & excretorii, lacte exsucto vel emulcto: etenim omnes hi pori multò ampliores sunt in mammarum substantiâ, (ut evidentissimum est in vaccarum uberibus) quàm in ductu earum communi, qui per papillæ extremitatem multis foraminulis aperitur. Quod certissimè demonstrat, esse asservacula, & non meros ductus. Et porro, quia omnes iidem pori, in communem papillæ ductum, qui excretorius est, desinunt; patet, eos excretorios esse. Notandum verò est, tubulos, tum in virginibus, tum in sterilibus & emaciatis, ita contrahi, ut planè dispareant; in prægnantibus verò & lactantibus, lacte distenduntur & valde conspicui sunt, ut dixi.

*Ufus
mammarum.*

Ufus mammarum generalis ab Anatomicis vulgò receptus, est, lac quoquo modo præparare in alimentum infantis. Verùm quoad materiam ex quâ, & modum præparandi, inter se differunt. Alii volunt materiam hanc esse sanguinem; Alii, chylum.

Ve-

Verùm tertia sententia addi potest, nempe materiam esse maximam partem chylum, cui nonnihil selectioris succi è nervis profusi accedit.

Qui materiam ejus sanguinem esse statuunt, tum authoritate, tum argumentorum numero partes suas tuentur, quæ apud authores ipsos videantur. Ego uno argumento inductus, quod vim demonstrationis obtinere videtur, in contrariam sententiam abeo. Natura, nempe, nihil frustra instituit; non progreditur & regreditur per eandem semitam. Si verò ex chilo sanguinem, indèque ex sanguine chylum conficit denuò, retrograda est. Chylus enim lac quoddam est, ut patet ex aperture venarum lactearum. Si itaque chylus iste in sanguinem primò excoquitur, indèque ad lactis genium revertitur, natura certè primum suum opus frustratur. Imò verò frustra creat laborem priore magis arduum. Si enim primum lac sive chylus non abiret in sanguinem, non opus foret secundo opere, nempe, nova reductione sanguinis iterum in lac. Quare, non existimo materiam lactis esse sanguinem, sed chylum.

Verùm, qui chylum materiam lactis statuunt, in diversas adhuc sententias abeunt. *An chy-*
lus. Vel enim putant chylum per venas lacteas rectà ad mammas deferri: vel recipi primò in venas & per cordis ventriculos unà cùm sanguine circulari, inde verò per arterias thoracicas in mammas effundi; atque

que ibi denique partem sanguineam à chylosa fecerni, & illam per venas mammarias in corpus reduci; hanc verò, lac ipsum esse, & asservari in mammarum porositatibus in usum infantis.

Prior opinio, chylum immediatè per vasa peculiaria ad mammas deferri, ibique reservari, patronos habet ingeniosissimos, inprimis doctissimum *Prosperum Martianum in Com in Hipp.* Post hunc acutissimum collegam nostrum *D. Ent* libro suo elegantissimo contra *Parisanum* scripto, *digressione quintâ.* Item, *D. Petrum Guiffartum* qui libellum de proximâ lactis materiâ nuper evulgavit. Huic sententiæ coronandæ tantum deest demonstratio vasis peculiaris lactiferi immediatè ad mamas delati. Hoc vas à multis sedulò quæsitum nullis hætenus comparuit. Quod ansam præbet suspicandi, non dari omninò, sed duntaxat supponi. Ob quam causam, alterum modum præparationis lactis ex chylo, impræsentiarum potius amplexor; ita tamen ut peculiarem quoque succum è nervis prolectum, à materia hac lactis non planè alienum putem; quin potius duplicem lactis materiam, aliam chylosam, spermaticam aliam agnosco; & illam quidem multò maximam lactis partem constituere; non verò immediate à ventriculo ad mammas per lacteas transmitti: sed per ductum chyliferum in subclavias primò deferri, indeque per cordis ventriculos
cum

cum sanguine circulari , adeoque per arterias thoracicas tempore lactandi in mammas ampliatas refundi : ibidemque partem sanguineam à chylosâ secerni ; illamque per venas mammarias in corporis medullium reduci : hanc ipsam lactis maximam partem esse , & nutriendo infanti in porositatibus mammarum asservari. Ex his patet, in mammis præparari, non per modum metamorphoseos ex sanguine, sed per meram duntaxat ab eodem separationem.

Ad alteram lactis partem, nempe spermaticam quod attinet , existimo eam nervorum thoracicorum operâ, quorum plurimi furculi ad mammas feruntur , suppeditari. Nam illi nervi lactationis tempore multò majores magisque succulenti , quam aliis temporibus, cernuntur; ut evidenter videre est in vaccis, canibus, felibus &c. lactantibus. Idem confirmatur, quòd lac sufficiens alimentum sit omnium corporis partium ; quare continet in se non tantum id quod instauret sanguinem deprædatum , sed & quod partes spermaticas assumptas reparet , easdemque plurimum adaugeat. Infantes enim alimento spermatico , propter continuam eorum augmentationem, maximè opus habent. Cum ergò solo lacte è mammis sucto nutriatur, necesse est ut lac illud idoneâ in se materiâ contineat, quæ in partium spermaticarum nutrimentum facile cedat; quam partem lactis ut multò nobiliore ,

ita è nervis quoque eam , quorum succo simillima est , derivari necesse est. Quippe nullum aliud vas datur , quod hujusmodi materiam mammis subministret. Accedit his ; nutrices rarius concipere ; si verò concipiant , vel iis lac in mammis deficere , vel ita vitiari , ut infanti insufficientem nutritum præstet , imò ut plurimum noxium. Hujus ratio est , quod nobilissimus succus nutritius spermaticis partibus nutriendis maximè idoneus , ad uterum divertitur , mammasque deserit , quo fit ut lac , solitis nervorum vestigalibus destitutum vappescat , & nutritioni ineptum evadat. Statuo igitur , non tantum chylum , sed & succum alimentarium è nervis effusum concurrere ad integram lactis materiam complendam.

*Mammas
esse orga-
na secre-
toria.*

Quod verò mammæ sint organa secretoria , non mera receptacula , vel inde elucescit , quòd ad meram receptionem & as-
servationem lactei succi per venas lacteas huc delati sufficeret vesica membranea , nec tantâ glandularum mole opus esset. Non existimandum sanè est , hanc carnem in nullum usum formatam fuisse. Verum , si à venis lacteis lac tantum excipit , non autem immutat , nec ex sanguine generat , nec per secretionem idem à sanguine separat , nil reliquum est , quod agat amplius , quàm quod mera vesica membranea æquè perficeret. Quare existimo , glandulas hasce substantias , non solum
lactis

lactis accumulationi, sed & ejusdem secretioni inservire. Effet enim usus despiciatior; quàm partis magnitudo & structuræ elegantia mereri videntur.

C A P. XXXVII.

De glandulis adventitijs earumque primis rudimentis & productionis modo.

C Apite sexto hujus tractatus, Glandulas *Methodi* divisimus in *naturales*, sive *perpetuas*, *ratio.* & *contingentes* sive *adventitias*: Perpetuas sive naturales hætenus quidem prosecuti sumus. Restant *adventitiæ* sive *contingentes*, quas paucissimis expediam.

Adventitiæ rarò ab initio generantur, & ad numerum partium naturalem vix spectant, verùm de novo, ut plurimum, succrescunt.

Dividimus eas, in *glandulas* quoquo *Prima* modo *formatas*, & in *glandularum rudimenta* sive primordia; rudimenta hæc *glandularum novarum rudimenta.* quanquam perfectam glandularum naturam nondum adeptæ sint; quia tamen eò versùs tendunt, & sunt quasi prima glandularum formatarum inchoamenta, ab instituto nostro haud alienum fuerit in earum originem & productionis modum paucis inquirere. Glandulæ enim novæ priusquam perfectè formatæ sunt, hujusmodi rudimenta existunt. Siquidem ab eadem origine utrumque genus primitus exoritur.

Qua ad
ea spe-
ctant,
Pars mit-
tens nec
vena nec
lymphæ-
ductus
neque ar-
teria sola.

Ad *Primordia* hæc spectant, pars mit-
tens, materia missa, & locus recipiens.
Pars *mittens* necessariò est vel canalis a-
quosus, vel vena, vel arteria, vel nervus.
Verùm neque vena neque canalis aquosus
quicquam mittere possunt; ista quippe
vasa tantùm reductioni inserviunt. Verùm
arteriæ, quæ impetuosè sanguinem in o-
mnes partes impellunt, ad hunc affluxum
aliquid fortè contribuant. Etenim, extre-
mitas arteriæ sanguinem in carnem, in
quâ terminatur, protrudit; *Venæque* ex-
tremitas illi respondens eundem ob impe-
dimentum aliquod, nonnunquam haud
expeditè excipit, & reducit. Unde pars
illa nonnihil intumescit. Motus verò
sanguinis sic præpeditus eundem ad no-
vos sibi rivulos quærendos aptum reddit.
Verùm sola hæc aptitudo, quamvis non-
nihil ad hoc opus conferat (ut mox vide-
bimus) insufficiens tamen glandulae
principium materiale videtur. Etenim ma-
teria, quæ primum rudimentum ejus præ-
bere debet, oportet sit mitior multò, mol-
liórque sanguine: imò ut genituræ ani-
malium, vel ovorum albumini analogicè
respondeat. Primum enim rudimentum
glandularum adventitiarum ad formatio-
nem tendere videtur. Sanguis verò solus
acrior est, quam ut formationis principium
materiale haberi possit; quin potius extra-
vasatus statim putrescit: ut cernere est in
abscessibus & ulceribus. Hæc verò mate-
ria

ria ut plurimum absque putrefactione in cellulis suis stagnare observatur. Quam igitur arteriis vim concitandi fluxum sanguinis ad prima rudimenta glandularum novarum, vivificandi gratiâ, concedimus; negamus tamen easdem primam materiam, ex quâ generentur, subministrare. Quare aliud glandularum adventitiarum principium materiale quærendum est.

Nervus itaque restat perpendendus; supra monstravimus familiaritatem magnam & commercium inter nervos & glandulas intercedere, nervosque aliquid vel adferre ad illas, vel ab iisdem auferre. Impossibile autem est, ut nervi ab his glandulis aliquid auferant, priusquam ipsæ existant; sed necesse est, aliquid adferant, ut materia suppeditetur ex quâ fiant. Succus, quem nerv exspuunt, multò delicatior molliorque est sanguine, multoque similior materiæ spermaticæ. Si ergo contingat, nervi turgentis & repleti extremitatem, effundere materiam ejusmodi in carniū interstitia, materia sic effusa statim formationem molitur, & primò cystim sive amiculum, quo tanquam chorio involvatur, effingit. Quia verò nova subinde materia è nervo hûc confluit; fit, ut cystis hæc sensim distendatur, cûmque ex ipso augmento necessariò extremitates arteriarum & venarum proximas aliquatenus comprimat; accidit, ut libero sanguinis transitu

sed imprimis nervus.

Modus productionis hærum glandularum.

nonnihil impedito , aliqua ejusdem portio in tunicam formatæ cistulæ derivetur , novosque in eadem rivulos exsculpat , qui postea in arterias faceffunt : quia verò pars in quam hi rivuli immittuntur, virtute formativâ prædita est, ne sanguine jam affuso opprimatur, rivulo salios venales efformat, per quos in extremitates venarum circumjacentium superflua ejusdem portio exoneretur. Atque adeò habemus primum glandulæ de novo productæ rudimentum, ejusque generationis modum, partem mittentem, *nervum*; nimirum partem vivificantem, *arteriam*; partem exonerantem, *venam*; item materiam missam, *albumini ovorum similem*; partem recipientem, *carnium interstitia*; & specialius *tunicam*, immediatè eandem materiam, ceu *ovum* de novo formatum, investientem.

*Mate-
riam so-
los nervos
suppedi-
tare.*

Diximus modò , sanguinem non esse materiam idoneam ad glandulæ noviter formatæ generationem; & consequenter haud arterias, nedum venas aut canales aquosos, primam ejusdem materiam suppeditare. Cumque in locis plurimis, in quibus glandulæ generari solent, nulla alia vasa præter canales istos, scilicet arterias, venas, & nervos, reperiantur; exclusis jam canalibus dictis, ut & arteriis & venis; *prima* hujusce materiæ congestio solis nervis asserenda est. Utque hæc sententia clarius constet, in memoriam revocanda sunt; quæ supra diximus.

ximus.

ximus de *seminis generatione in testiculis* :
 nimirum, nervos potissimum ejusdem ma-
 teriam suppeditare. Cum ergo nervi pos-
 sint succum seminali similem in alias par-
 tes eructare ; cumque prima glandularum
 adventitiarum materia sit ejusdem propè
 conditionis cum succo seminali ; Credibile
 est , eandem è nervis similiter, originem
 ducere. Patet hoc luculentius , quia juve-
 nes cælibes frequenter strumosi fiunt , po-
 stea verò matrimonio conjuncti, nonnun-
 quam sponte curantur ; materia nempe, o-
 lim ad strumas fluens, ad alias jam partes,
 testes , scilicet , divertitur. Idem ulterius
 probatur, quoniam glandulæ de novo for-
 matæ , conformationem quandam , arte-
 rias etiam, venas , nervos & canales aquo-
 sos in se distributos habent , & ad aliarum
 partium viventium morem augentur : un-
 de constat, eas primò genitas fuisse ex ma-
 teriâ simillimâ seminali , utpote formativâ
 virtute præditâ , quam certè nulla pars ,
 præterquam nervi iisdem suppeditaverit.
 Accedit aliud argumentum , quod nervi
 in earum substantiam , prout in glandulis
 naturalibus fit , disseminentur , uti ex do-
 loribus acutis palam est , quibus strumosi
 sæpe in partibus affectis obnoxii sunt. Si
 autem nervi nihil contribuerent ad earum
 generationem ; vix concipi potest , quâ ra-
 tione se in earum structuram postmo-
 dum ingererent. Concludendum itaque
 videtur ; nervos primam glandularum

*Probatur
 primo à
 materia
 ejusdem
 natura.*

*Secundo
 à virtute
 ejus for-
 mativa.*

*Tertiò à
 nervorum
 distribu-
 tione in
 novas
 glandu-
 las.*

de novo formatarum materiam suppeditare.

*Modus
quo per-
ficiuntur
hæ glandulæ.*

Haftenùs generationem primorum rudimentorum glandularum descripsimus; jam porrò videndum est, quomodo eadem in glandulas adventitias perfectas abeant. Diximus modò, rudimenta hæc ita se habere ad glandulas formatas, ut ova ad pullos; quare, quod in ovo fit, quando generatur pullus, idem hic quoque, quamquam modo multò imperfectiore, peragi videtur. Habet enim pariter in se materia hæc in cysti conclusa, vim quandam plasticam; rarissimè verò perfectam adedò, ut integrum animal conficiat, (quamquam tamen aliquando in hujusmodi cystulis monstrum generari cernitur) sed loco animalis frustulum aliquod carneum progignit; quemadmodum in utero, deficiente matrice, mola efficitur.

C A P. XXXVIII.

Divisio glandularum adventitiarum, & primò de sanis.

*Quo sensu
dicantur
sanæ.*

Glandulæ hæc formatæ dividuntur in *sanas & morbosas*; Glandulæ *sanæ* quamquam adventitiæ sunt, à naturalibus & perpetuis tamen haud multùm differunt; nisi quòd in locis inconstetis accidunt: nihilominus concedo, morbos appellari posse in numero partium, sed in numero tantùm, quo nomine sanas appellamus.

Hujus

Hujus generis glandulas sanas valdè *Historia glandularum sanarum.* numerosas nuper vidimus in milite quodam, cui nomen *Rice Evans*, in nosocomio *Sabaudienſi London*, curationis gratiâ tunc morante. In cujus brachiis & femoribus modò simplices, modò racematin crescentes sub cute deprehendebantur, & vel in panniculo carnosio, vel cute adiposâ sedem habebant. Omnes autem mobiles erant & indolentes, licet pressiusculè contractarentur. Chirurgus expertissimus *M. Trappam*, ut huic malo occurreret, salivationem, inuncto Mercurio, movebat, sed frustra: Quanquam enim æger ad tempus levaminis aliquid percipere visus est: paulò post tamen morbus, ut prius, incurruit. Chirurgus me præſente, factâ incisione, unam majusculam ex femore dextræ extrahebat. Quæ citrà ullum putridum aut corruptum humorem tota ex solidâ glandulosâ atque albâ carne constabat. Quod satis demonstrat, dari glandulas adventitias planè sanas, nisi quod in numero partium præternaturalium recenscantur.

Idem confirmatur historiâ veneficæ cujusdam vetulæ, ob veneficium suspensio enectæ, cujus cadaver in domo Collegii plurimis Sociis præsentibus, dissectum fuit. Quod potissimum observatum dignum, erat glandula quædam sub scapulæ costâ inferiore lateris sinistri sita, quæ formam mammillæ cum papillâ propen-

dente referebat. Detractâ cute, glandula ipsa in conspectum venit, cujus figura erat hemisphærica, latior circa basin, quâ panniculo carnosio adhærebat; sensimque contractior facta in papillam desinebat; latitudo circa basin erat duorum pollicum, altitudo fere unius. Substantia ejus illi mammarum simillima, alba quippe, mollis & spongiosa; vasa habebat arterias, venas & nervos. E medio ejusdem papillæ teres magnitudinis pennæ cygneæ, longitudinis pollicis unius propendebat. Meditullium erat substantiæ glandulosæ, ejusdem generis cum illa totius mammillæ, cui continuabatur; exterius productione cutis tegebatur, quâ etiam firmiter mammillæ adnascebatur; papillæ hujus substantia glandulosa aliquo modo pervia erat. Etenim moderatâ mammillæ compressione, gutta cruoris ex eadem exprimebatur. Nihil præternaturale aut morbosum in hac glandulâ reperiēbatur, nisi quod in numero partium redundabat. Num verò glandula hæc à primâ partium formatione ortum duxerit, an potius à causis adventitiis succreverit, judicare non licuit.

C A P. XXXIX.

De Glandulis morbofis , earumque generibus ac differentiis.

Glandulæ morbosæ in *penfiles*, *concatenatas* & *latè connexas* dividuntur. Divisio glandularum morbosarum. Penfiles & eorum genera
Penfiles sunt *polypus*, *ficus* in ano, glandulæ in inguine, atque aliis quibuscunque locis excrecentes, & *pendulæ*: ultima duo genera ex superstitione vulgi pro indiciis veneficarum frequenter habentur. Hûc etiam referantur *Bronchocele* & *hernia carnosa* dicta; quamquam hæc duo genera frequenter etiam ad *latè connexas* spectent.

2. Glandulæ *concatenatæ*, quasi catena globulorum ab auriculis per colli longitudinem ad claviculas descendunt, & majores cernuntur in pueris *Rachitide* laborantibus; in *strumosis*, & in corporibus obstructis & *cachecticis*. concatenata.

3. Glandulæ morbosæ & *latè connexæ* generali nomine *Scrophularum* veniunt; quarum differentiæ apud authores variæ occurrunt, quanquam illas non videntur in species divisisse, sed in differentias tantum. Latè connexæ.

Primò, differunt; quòd aliæ cuti concolores; aliæ discolores sint; & cuti concolores perpetuò benigniores; discolores, nimirum è rubro livefcentes, maligniores habeantur. Scrophularum differentia. I. à colore

252 *Glandulæ adventitiæ morbosæ.*

2. *à confi-
stentiâ.*

Secundò, differunt; quòd aliæ molles; aliæ duræ sint: & molliores facilioris curationis sunt; siue enim discutere velis, siue suppurare, faciliùs cedunt; duræ, difficiliùs.

3. *à mobi-
litate.*

Tertiò, differunt; quòd aliæ mobiles, aliæ fixæ sint: mobiles sunt omnes, quæ inter partes cutaneas generantur; ibique fixæ sunt: quæ verò in musculorum interstitiis fiunt, eorumque fibris adnascuntur, non liberè moventur, sed ad motum musculi; illæ verò, quæ perioestio aut ligamentis articulorum adnascuntur, immobiles planè sunt.

4. *à situ.*

Quartò, differunt; quòd aliæ profundæ sint; aliæ superficialiæ, profundæ ad immobiles modò memoratas referuntur, superficialiæ ad mobiles.

5. *à nume-
ro.*

Quintò, differunt; quòd aliæ racematim crescunt; aliæ seorsim & solitariæ.

6. *Ab in-
flamma-
tione, sup-
puratione,
Indurati-
one, ulce-
ratione,*

Sextò, quod aliæ iusflammatæ sint, aliæ citra inflammationem aliquam contingant; & hæ (nisi vis aliqua inferatur) indolentes sunt: illæ verò suâ sponte dolent. Inflammatae porrò differunt inter se, quòd aliæ ad suppurationem tendant, aliæ ad indurationem, scirrhum, & dispositionem cancrosum: aliæ ad ulcerationem, eamque vel simplicem, vel sinuosam, vel carnosam, vel etiam ulcus cum carie ossium.

C A P.

C A P. XL.

De strumis & scrophulis in specie, earumque differentiis.

PORRò, hæ glandulæ morbosæ & latè *Divisio*
connexæ, videntur, præter enumeratas glandu-
 differentias, in duo genera dividi posse. *larum la-*
 Earum enim aliæ perpetuò augentur; aliæ *tè conne-*
 modò minuuntur, modò stabiles perma- *scarum in*
 nent; modò de loco in locum transferun- *scrophu-*
 tûr: illæ generali nomine *scrophularum* *strumas.*
 apud authores veniunt, Anglis verò pe-
 culiari nomine *Wens* vocantur: hæ quoque
 nomine proprio carere videntur; appel-
 lantur autem, ut plurimum, generali no-
 mine *strumarum*: Angli etiam his nomen
 proprium adscripserunt, nempe, *the Kings*
evill. Ne autem hæc genera in posterum
 inter se confundantur, *scrophularum* no-
 mine, Anglorum *Wens* intelligam: *stru-*
marum autem, *the Kings evill*: nempe,
 morbum illum, cui, *Reges Angliæ* atque *Earum*
Galliæ solo attactu mederi vulgo creditum *differentia.*
 est. Ut verò lucidiùs hæ species ab invi-
 cem discriminentur, ipso in limine signa
 nonnulla distinctiva afferam.

Illa species, quam hîc scrophulam vo-
 co, mollior est: Struma, durior.

Illa similiter pallidior & frequenter
 ejusdem coloris cum cute: hæc è rubro li-
 vescit.

Si verò aliquando contingat scrophu-
 las

las rubescere, color floridior est, minusque lividus.

Potro scrophula mollior est, & ut plurimum, minus profunda: Struma immobilior profundiorque.

Item scrophula altiùs in tumorem attollitur: Struma magis compressa jacet.

Struma acutiùs sentit & dolet: scrophula stupidior est.

Adhæc, scrophula frequentiùs racematim crescit: rariùs struma.

Denique si qua alia desiderentur, horum tumorum signa diacritica, petantur ex proximo de utriusque naturâ discursu.

*Scrophularum
descriptio.*

*Causa
augmentationis
in tantam
molem.*

Scrophula (ut diximus) perpetuò augentur & ad ingentem magnitudinem excrescunt; nempe, ad tringinta librarum pondo & ampliùs, ut non ita pridem, in hujus civitatis nosocomio vidimus. Verum præter glandulosas carnes, habent, quasi in cystulis, varii generis succos congestos; qui earum molem plurimùm adaugent. Credibile est, hosce succos concretos, excrementa quædam esse rejecta, à carne glandulosâ in ejus nutritione. *Carent* enim hæ glandulæ vasis cujusvis generis excretoriis, & propterea necesse habent, excrementa sua in cystas, in substantia earum efformatas congerere. Quæ una ratio est, cur in tantam molem excrescant; altera esse potest, quòd earum venæ improporcionatæ videantur earundem arteriis. Hinc enim sanguis per arterias effusus, copio-

copiosior est, quàm is, qui per venas reducitur; undè necessario fit, ut ædem indies augeantur. *Accedit*, quòd nervus harum glandularum perquam exiguus est, uti ex sensu earum obtuso videre licet. Si enim illas (cutaneis partibus priùs dissectis) aculeis pungas, dolorem vix percipiunt. Cùm ergò exiles adeò nervos habeant; certum est, incrementum ab arteriis potissimum accedere, nervosque superflue materiæ vel auferendæ, vel in alias sedes transferendæ impares esse.

3.

Posterioris generis tumores, qui à nobis specialiter *strumæ* dicuntur, non perpetuò augentur, sed modò crescunt, modò minuuntur, tandèmq; evanescent; modò stabiles permanent, modò à parte ad partem transferuntur. Hæ *strumæ vase reductorio* magis proportionato gaudent; eoque potissimum nomine à priore genere discriminantur. Cujusnam autem generis vase id fieri putandum est? Profectò præter arterias, venas & nervos nullum illic aliud adhuc repertum est. Videntur utcumque venas obtinere suis arteriis proportionatas magis, quàm in scrophulis contingere diximus; quæ causa est, cur non perpetuò augeantur; venæ enim tantundem reportare possunt, quantum arteriæ affundere; nisi fortè contingat, sanguinem per *strumæ* substantiam transiturum impediri; quo casu *strumæ* quoque

*Strumæ
rum de-
scriptio.*

*Cur non
perpetuò
augeantur.*

que continuò augmentur : nimirum , donec vel indurentur in scirrhum , vel liber sanguini transitus per earum substantiam iterum concedatur. Postquam enim induratae fuerint , nequeunt amplius sanguinem ab arteriis recipere , nec se ulterius distendi patiuntur. Concesso autem sanguini libero transitu , quantum illius ab arteriis allatum est , tantundem pariter à venis regeritur , adeoque augmentum cessat. Quomodo autem hi tumores de loco in locum transferuntur ? Nervorum certè potissimum operâ id fieri credibile est. Dictum enim est suprâ , nervos posse aliquid vel adferre ad partes , vel ab iisdem auferre. Ulterius statuendum est , ubi nervus aliquis turgidulus redditur , facilè eum eructare portionem humoris , quo turget , in carniū interstitia , in quæ terminatur. Si verò aliunde contingat ut idem nervus depleatur ; fieri potest , ut iterum attrahat materiam prius effusam ; eamque sic in se attractam , vel ad glandulas suas emunctorias , vel ad alias corporis partes deriveret.

*Transla-
tionis eo-
rum cau-
sa.*

*Causa
cur eva-
nescant.*

Si eandem ad glandulas emunctorias deferat ; materia excernitur , struma minuitur , & nonnunquam evanescit , nullâ novâ in ejus locum succrescente ; quemadmodum frequenter accidit in strumosis iis , qui unguentis ad salivationem movendam illinuntur. Siquidem in illis , nervi humiditates suas in glandulas emunctorias

etorias, nempe maxillares & tonsillas copiose exspuunt. Unde iidem nervi depleti humorem denuò ad se rapiunt; nimirum eundem quem prius eructaverant, & ad dictas glandulas emunctorias deferunt, è quibus per sialismum excernitur, strumæque absumuntur.

Sin verò nervus se in alia carniū intersticia exoneraverit, exsurgit statim *strumæ rudimentum*, in quod materia *strumæ* prius generatæ sensim derivetur, adeoque struma à parte in partem transfertur. Verùm præter genus nervosum, ipsum venosum quoque translationi huic non parum auxiliatur. Postquam enim nervus in hunc modum cœperit deplere humorem in strumæ cysti congestum, partes circumjacentes protinus flaccescunt, arteriæ minus proritantur, languidiusque sanguinem effundunt, inflammatio omnis, si quæ prius aderat, cessat; parsque affecta temperatior redditur: transitus interim sanguinis per eandem liberior, multoque expeditior fit, & in venas haud difficulter affugitur, nec tantum sanguis de novo affluens, sed & ille grumosus, qui ab arteria prius in partem effusus hærebat, nunc mobilis evadit, unaque resumitur & circuitu solenni circumducitur; scilicet tota illa portio ejus, quæ, laxatâ jam partis perspiratione, nō prius in auras avolaverit.

Tres itaque *exterminandi strumas* *modi* enumerari possunt; nimirum, cum
vel

*cur de novis
strumæ rudimentum
crescant.*

*Tres modi
eradicandi
strumas.*

vel radicalis earum materia in cysti congesta à nervo resorbetur; vel sanguis affluxus facile à venis reducitur; vel transpiratio libera parti conceditur.

Translationis verò causa prima & præcipua est nervus, qui primum rudimentum novæ strumæ ex materiâ à parte detractâ, congerit. Verùm ad hujus rudimenti complementum, ut suprâ explicuimus, arteriæ & venæ quoque nonnihil contribunt.

*Ad quas
partes
transfe-
runtur.*

Strumæ variè à partibus ad partes transferuntur; modò à latere ad latus, modò à superioribus corporis partibus ad inferiores, aut contra. Modò ab exterioribus, ad interiores; vel vice versâ. Modò ab articulo ad articulum. Vel modo aliquo ab his mixto.

Observandum est, periculo non vacare, strumarum externarum medelam, quæ per repellentia & discutientia instituitur. Quippè, materia facillimè ad partes interiores recurrit, & periculosiores ejusdem generis tumores intùs generat, vel priùs genitos adauget.

*struma
externa
interna-
rum si-
gna.*

Observatu item dignum est, eos, qui strumis externis afficiuntur, internis ut plurimum laborare.

Frequentissimæ occurrunt strumæ externæ sub maxillis & in collo; deinde in locis cavis prope artus, frequenter etiam in ciliis; quo casu dolor, rubor, ardor, & morsus, ex materiæ affluentis acrimoniâ, con-
jun-

junguntur : & epiphora pertinacissima facile irritabilis & curatu perquam difficilis exoritur. Occurrunt etiam nonnunquam in labiis. Quoad partes internas frequentius reperiuntur in mesenterio: quanquam in aliis etiam quibusvis tum externis tum internis partibus fortè aliquando contingunt.

ubi frequentius reperiuntur.

Porro, peculiare quoddam genus tumoris sub linguâ nonnunquam accidit, quod *Batrachion* sive *ranulam* vocant, quem tumorem aliqui ad strumofum genus retulerunt: alii ad phlegmonode. Frequentius sub puerorum linguis cernitur, in adultorum rariùs. *M. Aur. Severinus* asserit, eum folliculo contentum esse & recurrere ob particulas folliculi relictas, nimirum si evacuata materiâ, cystis in quâ inclusa erat, non tota simul radicitus evellitur.

*antrama-
la ad
strumas
spectant.*

Est & aliud genus tumoris, illi strumarum haud absimile, quod à *Severino* quoque, qui de eodem peculiarem tractatum edidit, *Pædarthrocace* nominatur; quippe in osse & digitorum articulis atque internodiis, ut plurimum accidit. Videtur ortum ducere, vel à perioftio, vel ab ipsâ ossis carie, quâ sine vix unquam deprehenditur. Ægrè autem credam ad strumas spectare; quoniam folliculo caret & carne glandulosâ, absque quorum alterutro, strumæ nomen nequaquam meretur.

& an pædarthrocace.

*Dictorum
epilogus.*

¶ Qui periculosum mare enavigarunt; in portum jam appulsi, rationes suas subducere solent; ut quid lucri inde fecerint, intelligant. Mihi quoque similiter, post emensas varias in scruposo hoc opere difficultates, circumspicere libet, quid demum commodi è labore meo perceperim.

Hic statim occurrit eximius glandularum usus; officia nempe quæ cerebro, nervis, totique nervoso generi præstent: eorum vel excrementa egerendo, vel secrementa reducendo, vel iisdem alimenta suppeditando.

Imprimis *glandulas excretorias*, eorumque *vasa omnia excretoria*; ut & *humores* quos excernunt enumeremus, & quasi uno obtutu contemplemur. *Glandulae* excretoriæ sunt pancreas, tonsillæ, glandulae maxillares, lacrymales, pituitaria, testes viriles & muliebres, vesiculæ seminales, prostatae, placenta uterina & mammae.

Vasa excretoria dictis partibus ministrantia sunt canalis pancreaticus, sinus tonsillarum, ductus salivales, puncta lacrymalia, processus mamillares, infundibulum, vasa deferentia, concursus cellularum vesicularum seminalium, foramina prostaticarum, vasa ejaculatoria mulierum, gelatina placenta uterina, tubuli lactiferi & papillæ. *Humores* demum superflui sive cerebri sive nervorum per hæc vasa

vasa excreti, sunt humor insipidus & lenis pancreatis, mucus tonsillarum, saliva, lachrymæ, pituita cerebri per nares & palatum destillans, humor infundibuli, tria spermatis virilis genera & illud mulierum, succus item in amnio contentus atque lac.

2. Ad suum quoque censum revocemus glandulas *reductioni* ministrantes; scilicet illas circa collum & aures, œsophagæas, renales, & illas artuum; quæ omnes, exceptis œsophagæis, ita sitæ sunt, ut commodè è nervis aliquid excipiant & in venas effundant; eamque causam esse arbitror, cur hæ glandulæ, ut plurimum juxta vasorum divisiones, seu potius ad venarum & nervorum concursum, sitæ sint; non autem propterea quod vasorum divisiones suffulcire debeant, uti olim falsò credebatur, nosque suprâ meritò rejecimus.

3. Ad certam quoque classẽ referemus glandulas *nutritioni* inservientes; nempe illas mesenterii, omenti, lumbarẽs, & thymum; quæ succum nutritium partium omnium spermaticarum secernunt & nervis sufficiunt, per quos pro re natâ is in totum corpus distribuitur.

F I N I S.









